

UPPSALA UNIVERSITETS ÅRSSKRIFT 1959:10
— ACTA UNIVERSITATIS UPSALIENSIS —

Recueil de textes kourmandji

PUBLIÉ PAR
STIG WIKANDER

UPPSALA
A.-B. LUNDEQUISTSKA BOKHANDELN

WIESBADEN
OTTO HARRASSOWITZ

UPPSALA UNIVERSITETS ÅRSSKRIFT 1959:10
— ACTA UNIVERSITATIS UPSALIENSIS —

Recueil de textes kourmandji

PUBLIÉ PAR

STIG WIKANDER

UPPSALA
A.-B. LUNDEQUISTSKA BOKHANDELN

WIESBADEN
OTTO HARRASSOWITZ

Almqvist & Wiksell's
BOKTRYCKERI AKTIEBOLAG
UPPSALA 1959

Foreword

The aim of this anthology is to provide a fuller picture of the Kurdish dialect than any of the texts published hitherto.

In 1931 the brothers Celadet and Kamuran Bedirxan invented a Latin script on the model of the new Turkish script for the form of western Kurdish they called *kurmanci* or *kurdmanci*. This term is also used here to designate the literary language based on the Boti dialect which seems destined to play an important role in the intellectual life of the Kurdish people. It has already experienced considerable growth, in particular between 1932 and 1945.

The purpose of this anthology is to present this language in all its forms. It includes examples of folktales and poetry, but also ethnographic and historical articles and extracts from grammatical authorities.

The texts in section seven, ‘Grammar’, give readers a good overview of the grammatical structure of Kurdish whilst the translations of extracts from world literature that make up section six will help readers to familiarise themselves as much with Kurdish vocabulary as with grammar.

Most of the texts are drawn from publications that have appeared in Syria or Lebanon and are difficult for a western readership to access. The anthology also includes unpublished texts. Where no source is given but only an author the texts were dictated to me in 1953 in Damascus or Qubur al-Bid.

Osman Sebri’s remarkable study of Kurdish spelling and phonology (no. 37) is published from a manuscript kindly made available to me by the author.

Uppsala, October 1958.

1. Fables and anecdotes
2. Folktales
3. Life and customs of the Kurdish people
4. Traditional poetry
5. Modern poetry
6. Translations
7. Grammar

The heading is in Swedish

Book titles are normally left in the original language.

Many thanks to **Dr. Mary Stevens** translated this foreword from French, the origin text, into English.

<http://www.westernkurdistan.org.uk/documents/StigWikander.pdf>

P R É F A C E

Cette anthologie vise à donner une idée plus complète d'un parler kurde que ne le font les textes publiés jusqu'ici.

En 1931, les frères Celadet et Kamuran Bedirxan ont créé un alphabet latin sur le modèle du nouvel alphabet turc pour la forme de kurde occidental qu'ils appellent *kurmancî* ou *kurdmancî*. Nous employons aussi ce terme pour désigner cette langue littéraire, bâtie sur le dialecte boti et qui semble destinée à jouer un rôle important dans la vie intellectuelle des Kurdes. Elle a déjà connu un bel essor, notamment pendant les années 1932–1945.

Notre anthologie tâche de présenter cette langue sous ses divers aspects. Elle donne des spécimens de folklore et de poésie, mais aussi des articles ethnographiques et historiques et des morceaux de la littérature grammaticale.

Les textes de la section VII "Grammaire" donnent donc au lecteur un assez bon aperçu en kourmandji de la structure grammaticale de la langue pendant que les traductions de la section VI de certains morceaux de la littérature mondiale aideront le lecteur à se familiariser tant avec la grammaire qu'avec le vocabulaire du kourmandji.

La plupart des textes ont été tirés de publications parues en Syrie ou au Liban et peu accessibles au public occidental. Mais le recueil contient aussi de l'inédit. Les morceaux sans indication de source, pourvus seulement d'un nom d'auteur, m'ont été dictés en 1953 à Damas ou à Qubûr al-Bid.

L'étude remarquable d'Osman Sebrî sur l'orthographe et la phonologie du kourmandji (no. 37) est publiée selon un manuscrit que l'auteur a bien voulu mettre à ma disposition.

Uppsala, octobre 1958

STIG WIKANDER

TABLE DES MATIÈRES

I. FABLES ET ANECDOTES

1. Pirçemek û Silêman (Osman Sebrî)	7
2. Şér û şérker (Ibrahim Mulla)	7
3. Bûm û rovî (anonyme, <i>Stér</i> 22.10.1945)	8
4. Rovî û gur (Ibrahim Mulla)	10
5. Gur û golik (Ibrahim Mulla)	11
6. Ker û rovî û leg (Ibrahim Mulla)	11
7. Roviyê xapînok (Qedrîcan, <i>Xwendina kurdî</i> 1938, p. 45)	12
8. Seyê ko gur tanî fêza pêz (Osman Sebrî, <i>Ronahî</i> 15, 1943)	12
9. Warê min ne î kor e (Osman Sebrî, <i>Hawar</i> 51, 1952)	15
10. Terşê şevê (Osman Sebrî)	16
11. Enker û Nekîr (Osman Sebrî)	17
12. Elî û Husein (Üsif Haco).	19

II. CONTES POPULAIRES

13. Pîra sehirdar (anonyme, <i>Roja Nû</i> 45–46, 1944)	21
14. Üsifê tenbûrvan (Sileymânê Mercî, <i>Roja Nû</i> 54–55, 1945)	24
15. Sêro û Pîvaz (<i>Ronahî</i> 18, 1943)	33
16. Hakim û sê keçîk (anonyme, <i>Roja Nû</i> 57 et 61, 1945)	35

III. VIE ET MŒURS DES KURDES

17. Konê reş (Cegerxwîn, Dîwan, Damas, 1945)	39
18. Şivanê Kurd (de Ereb Şemo pp. 28–37)	40
19. Meşhingivî (M. E. Botî, <i>Hawar</i> 56)	47
20. Nêçîr (Osman Sebrî, <i>Ronahî</i> 17, 1943)	48
21. Gawestiyayî û koçerên Kurdan (Qedrî Cemîl Paşa, <i>Hawar</i> 52, 1943) .	55
22. Mil û Zil bir û esasên eşîrên Kurdan (Herekol Azîzan, <i>Ronahî</i> 12, 1943)	56
23. Ezdî û ola wan (Osman Sebrî, <i>Ronahî</i> 19, 20, 21; 1943)	60

IV. POÉSIE POPULAIRE

24. Memê Alan (deux versions: <i>Ronahî</i> 23, 1944 et Destana Memê Alan Damas, 1958, 88–94).	69
25. Mişo û Xido (Herekol Azîzan, <i>Hawar</i> 7, 1932)	78
26. Siyabendê Silîvî (Herekol Azîzan, <i>Hawar</i> 13, 1932)	79
27. Xerabo! (“Tawûsparêz”, <i>Hawar</i> , 38, 1942)	80

V. POÉSIE MODERNE

28. Halê welêt (Osman Sebrî)	84
29. Hêviya nû (Osman Sebrî, <i>Roja Nû</i> 1943)	85
30. Roviyê jîr (Osman Sebrî, <i>Hawar</i> 29, 1941)	85
31. Bilûra min (anonyme, <i>Hawar</i> 32, 1941)	87
32. Şam şekir, welat şêrîntir e (Cegerxwîn, texte dicté, cf. la version imprimée <i>Dîwana Cegerxwîn</i> 2, Damas 1954, 42–43)	89
33. Pendnameh (Cegerxwîn, texte dicté, cf. les versions imprimées <i>Hawar</i> 24, 1934 et <i>Dîwana Cegerxwîn</i> , Damas 1945, 18–20)	91

VI. TRADUCTIONS

34. Evangile de Luc XV, 11–32 (<i>İncîla Lûqa</i> , Beyrouth 1953)	94
35. Kardûx û welatê Kardûxan (Xénophon, <i>Anabasis</i> III, 5–IV, 3, 2, traduit par Herekol Azîzan, <i>Hawar</i> 32, 1941)	95
36. Keçika kibrîtfiroş (H. C. Andersen, traduit par Bişarê Segman, <i>Ronahî</i> 19, 1943)	100

VII. GRAMMAIRE

37. Çend gotin di warê elefbêya kurdî û tîp û dengên têde (Osman Sebrî)	103
38. Bingehêngî gramêra kurdmancî (Celadet A. Bedirxan, <i>Hawar</i> 32, 1941)	105
39. Le système verbal du kourmandji (Kurd Reşîd, <i>Rêzman a ziman ê kurmancî</i> , 1956, 87–88, 93–98)	106

I. FABLES ET ANECDOTES

1. *Pirçemek û Silêman*

Dibêjin, gava Silêman pêxember Belkîs ji xwe re anî bû, Belkîs jê xwest ko ji pûrta teyran jê re nivînekê çêke. Silêman pêxember ferman da hemî teyran û got: „Divê hûn xwe biruçikînin, da ko ji bo Belkîsê nivînekê çêkin!” Hingê pirçemekê xwe ravegirt, zûka pûrta xwe ruçikand û çû. Lê teyrine mayî ew ferman ha ne li rê dîtin û gotin: „Silêman pêxember, ma ne gunch e, ko ji bona jina xwe me gişkan han bidî ruçikandin? Emê çawan zivistana xwe bê pûrt derbas kin? Em pûrtê ha canê me ji serma diparêze.”

Silêman pêxember gotina wan rast dît û dev ji wan berda. Lê pirçemekê xwe ruçikand dibû: ji wê rojê de şerm dike ko bi ro derkeve, nav heval û hogiran, ji lew re bi şev der tê.

OSMAN SEBRÎ

2. *Şér û şérker*

Kerek hêja ji xwedeyê xwe revî û çû mîrgekê fireh û dûz; kes ne dicû vê derê, ji ber ko şerek xirab li wê derê hebû. Çend rojan ker çêrî, û baz dida li ber aliyê mîrgê. Sibehekî zû, şér hêdî hêdî ji paş latakî li kerî nihêrt û got: “Gelo, ev dehbe ci ye?” Şér ket, nas ne kir. Hêdî hêdî şér ber ve kerî de hat, heta nêzîk bû; bi zimanekî xweş li wî silav kir û got: “Min navê te nas ne kir, ji kerema xwe bêje mi navê xwe!”

Ker çend caran baz da, di wê mîrga fireh de, û pêt ji bin lingên wi derdiket û bi dengekî bilind got: “Navê min şérker e!” Şér tirsaha ji ber ko navê wî mezin e. Şér got: “Min divê ko bibim hevalê te.” Ker got: “Xem nîne!” Her dû be hev re man. Rojekî kerê gote şér: “Here ser çiyê û ji min re teyra bifirîne, da ez ji te re teyrekî nêçîr bikim.” Şér çû û bi lez teyran firand. Teyr hemî bi jor ketin, lê teyrekî nexweş hinek firî û li ber kerî ket. Ker banî şer kir û got: “Were, min teyrekî mezin ji te re nêçîr kir!” Şér hat, dît, teyrekî mezin, perê wî di bin lingê kerî de ye. Şér teyr bir û gelek tirsaha û got ji xwe re: “Ew heywan dehbekî ecêb e! Teyra li ezmén digire!”

Roja dîtir, şér gote kerê: “Me divê ko em sobayê dikan!” Ker tirsaha,

lê ewê çi bike? Bi hev re çûn, şêr xwe li çem xist û ji rihê din ve zû derket. Lê kerî gelek di nav avê de ma, carek li ser avê û carek li bin. Piştî demekî derket û her du guhên xwe hejand. Çend masî jê weşin û ji şêr re got: "Min di bin avê de dom kir, da ko ez ji te re çend masiyan bigirim." Şêr gelek tirsaha û ji ber re got: "Divê ko ez xwe xelas bikim ji wî dehbeyî ko teyra li ezmên digire û masiyan li binê avê nêçîr dike."

Di şevekî reş de baz da, di nav lat û zinara de bezî. Gur, rovî, hirç û heçi dehbe hebûn, li wî re baz dan. Piştî, rovî hate ber şêr û gote wî: "Tu ji ke direvî?" Şêr vegerand û got: "Qet ne pirs e, şêrker nêzîk e, teyra li ezmên digire û masiyan di binê avê de de nêçîr dike."

Lê rovî got: "Ew kerekî reben e, ez dikarim wî bikûjim." Şêr le vegerand: "Ezê lingê xwe bi lingê te vegirêdim û emê biçim." Lingê xwe bi hev re girêdan û vegeriyan ber ve kerî. Ker ji dûr ve wan dît û ji xwe re got: "Rovî işê min kifş kir li ber şêr." Ker çend caran bezî, pêt û çirusk ji binê lingê wî derket û ber ve şêr û rovî de bezî û bi dengekî bilind qiriya. Şêr tirsaha û ji rovî re got: "Şêrker hate me, divê ko em birevin." Şêr di nav lat û zinara de baz da, roviyê reben li bin çengê kevir û kuçan ket, parce bû, şêr tenê xwe gihandi cihekê dûr û nema bû bi wî re ji bilî lingê rovî.

IBRAHÎM MULLA

3. *Bûm û rovî*

Hebû bûm û rovî. Bûmê her hêlîna xwe çêdikir û hêk dikir, çêliyên xwe derdixistin. Hêlîna bûmê di tehtê de bu, ji jêr de du rima bilind û ji jor de jî rimek bilind.

Rovî elimî bû, her sal, kidî (ko wî didît) çêliyên bûmê bi firê ketana, dicû ser tehtê û ban bûmê dikir, digo: "Ji min re çêliyên xwe bavêje; heger tu navêjî, ezê tehtê bi serê te û çeliyên te ve bixînim."

Bûmê ban dikir, digo: "Çi heqê te li çêliyên min heye?"

Rovî jê re digo: "Zû bavêje!"

Bûmê ji tirsa ruhê xwe çêliyên xwe jê re diavêtin. Rovî dixwarin çêliyê di wî (rovî çêliyên xwe dixwarin) û dicû. Her sal wî wextî, rovî dicû ser tehtê û ji bûmê re wilo digot.

Sala sisiya (siwemîn), bûm di aqilê xwe de difikirî, go: "Ev rovî elimîyê min, çêliyên min dixwe, go: emrê min hindik maye û çêlî bi firê ne xistin, lazim e ezê ji xwe re biggerim, û ezê bibêjimê, hewalê min û rovî wiha ye." Ji tehtê firîya û bi du diyaran qulibî (qulupî) û nêrî ko miyek wa li mîrgekê ye, û bi tenê ye, û ji xwe re got: bi Xwedê, ev mî heke ne aqilê

wî timam biwa, ya xurt e, nikarî bû bi tenê bimîne. Ew firîya, çû cem mihe, danî.

Mihê jê re got: “Tu li çi digerî?”

Go: “Hal û hewalê min û rovî wiha ye, çêliyên min dixwe, îsal sê sal in. Û piştî çend rojan dîsa çêliyên min bi firê ketin (bikevin), û wext e ko rovî bê”.

Mihê jê re go: “Serê we bûman mezin e û aqilê we kêm e, hêlîna te hevqas bilind e, li tehtê de ye, û ji jor de rimek heye, û tu jê ditirsî û tu çêliyên xwe davêjî jê re! Cegerê we bûman tu ne! Here wextê wî ko hat, bike neke, çêliyên di xwe jê re mavêje! Bi xirxirê lepêñ rovî teht nakeve. Û talî ko rovî li ber te gerîya ko bibêjî kî ev şîret li te kiriye, bêje “filan mihê, li filan mîrgê ye, ji min re gotiye”.

Bûm firîya, hat ser hêlîna xwe, ser çêliyên xwe, û xwedî kirin û çêliyên di wî timam bûn. Mîadê rovî qedîya, hat ser tehtê û banî bûmê kir û go: “Çêliyên xwe bavêje ji min re!”

Bûmê got: “Îsal sê salên min in, tu çêliyên min dixwî, ez guneh im, îsal ji çêliyên min bigere!”

Rovî got: “Bavêje, beriya ko ez tehtê bi ser te de bixînim û lepêñ xwe avêtîyê û kir xirxir.” Şîreta mihê hat bîra bûmê û jê ne tirsîya û got: “Bi Xwedê, ez navêjim, çavêñ te birije!” Rovî got: “Madam tu navêjî, bêje min kî ev şîret li te kiriye!” Bûmê got: “Filan mihê ji min re gotiye û ev şîret li min kiriye.” Rovî ji ser teht daket û li du sê kaşan qulipî û hat cem mihê û jê re got: “Te çire rizqê min kut kir? Te ev şîret li bûmê kir!”

Mihê jê re got: “Min ne gotiye.” Rovî got: “Bi Xwedê, te gotiye!” Mihê gote wî: “Sund di nav beyna min û te de heye.” Rovî got: “Ka ez sund bixwim: te ji bûmê re gotiye.” Mihê got: “Were, sund bixwe! Eger tu sund bixwe, ezê çêliyên bûmê ji te re bînim.” Rovî got: “Ka ezê sund bixwim!” Mihê got: “Tu sê gavan bavêjî, û tu ê bêjî:bi vê ziyaretê, te ji bûmê re gotiye.” Rovî rabû û sê gav avêtîn. Mihê jê re got: “De bêje, bi vê ziyareta çavzerdok, ev te ji bûmê re gotiye!” Rovî got: “Û bi vê ziyaretê!” Û çavêñ rovî li çavêñ sehan ket, ko di bin pûş de veşartî bûn, û ji wan tirsîya û vege riya cem mihê û go: “Bavo, ne te ji bûmê re gotiye”, û ji tirsa sehan re ji cem mihê reviya û dîsa bi du sê diyaran ber di çolê ve qulipî, çavêñ xwe li gurekî digerîne, ko bîne mihê û heyfa xwe jê hilîne.” Nêrî ko gurek wa ye, çû cem û jê re got: “Tu çire wilo şerpeze bûyî, perîşan î, pûrta te weşiyaye?” Gur jê re got: “Bi Xwedê, ez digerim û nagerim li çiyayî, tiştek bi destê min nakevit.” Rovî jê re got: “Dilê min bi te dişewite, waye xwarineke baş min ji te re dîye.” Gur jê re got: “Brakê

rovî, tu hilan li min nekî?” Rovî gote wî: “EZ ji bona te dibêjim. Dilê min bi te dişewite, tu perîşan bûyî. Tu dixwazî, ezê herim, gurekî din re bêjim, di çolê de gur pir in.” Gur jê re got: “Bisekîne, mere, ezê bi te bêm!” Gur da dû rovî û çûn. Rovî jê re got: “Waye, ev miha ha bitenê ye, bimeše, û lazim ko te kuşt. Tu hebekî ji min re bihêlî!” Ev gur giha serê mîrgê û xwe şidand û berê xwe da mihê; giha nêzîkî wê û se pê re rabûn û yekî ji vî alî û yekî ji wî alî bi gur girtin û avêtin erdê û işê gur xira kirin. Nîvxeñiqandî di nav lepêñ wan filitî. Rovî jî dî ko gur filitî, ew jî berî gur reviya, bi du qulpan qulipî û hat pêsiya gur. Gur jê re got: “Tu ji berî hîlekar û kalikêñ te jî hîlebaz bû.” Rovî ne wêrî bû, xwe di nav lepê wî xista, gur ber pê diçû û rovî direviya. Gur kir nekir kêsa wî lê ne hat ko bigire.

Stér 22.10.1945

4. *Rovî û gur*

Roviyek hebû, nêz û nexweş bû. Berî şefeq li dora golekî avê bi rê ve diçû. Gurekî birçî nîzîkî wî hat, û ajote ser da ko wî bixwe. Roviyê reben gote gur: “Min bihêle, ez biçim, zaroyêñ xwe bibînim, û vegerem ba te: hingê min bixwe, ïhem nake.”

Gur ji wi pirsî: “Vê sibehê zû te çi dikî vê derê!” Rovî vegerand: “EZ hate bûm nêçîra masiyan di vê golê de.” Gur jê pirsî: “Tu çawa masiyan ji golê digirî?” Rovî vegerand: “Ew tiştekî hêsanî ye, ezê te şanî bidim. Ezê biçim, zaroyêñ xwe bibînim û vegerem, tê çend masiyan bigirî.” Gur got: “Zû zû şanî min bide da ko ez çend masiyan bigirim.” Rovî ji gur re got: “Li ser keviya golê rûne, û duvê xwe drêjî nava avê bike! Ewê piştî kîlekî çend masî bi duvê te ve dalaqin, tê xwe ji golê bikisînî û masî bi duvê te re ewê derkevin ser erdê. Hingê tê masiyêñ paqîj û xwes bixwî!”

Gur rûnişt, li ser keviya golê û duvê xwe dirêjî nava wê kir, da ko masiyan nêçîr bike û gote rovî: “Here, zaroyêñ xwe bibîne û bi lez vegere!” Rovî ber ve gundekî ve çû û xwe şanî sehêñ gund da. Şeh bizîn li pey rovî, da ko wî bixwin. Rovî ber ve guri hat. Ew sibê gelekî sar bu, av qeşa girtî bû, û duvê gur di nav avê asê bû bû. Gur nema dikarî bû xwe bi der êxîne. Rovî giha ber gur û lê silav kir û got: “Tu çi dikî?” Gur vegerand: “EZ nêçîra masiyan dikim.” Ecar rovî got: “Gelo, tu nêçîrvan bû, anî bapîrên te dihatin nêçîrê da ko vê sibehê tu hatî nêçîrê? Û ji ber guri revî û sehêñ ko dabûn pey rovî, cihê ko gur dîtin, dev ji rovî berdan û hatin, gur parce kirin û xwarin.

IBRAHÎM MULLA

5. Gur û golik

Di meha Tebaxî de germekî dijwar dihat. Çend gurê birçî, nêz, nêzîkî gundekî li bin siha kavilekî sekinî bûn. Ji kelkela germê zimanê wan dirêj derketî bû ji devê wan. Dîtin golikek reş ji nav malan derket û berê xwe da zeviya. Gur hemî ber ve wî çûn û wî ajotin pêş ve, ji gund bi dûr xistin, heta gihane çalekî kort. Gur golik daxistin çalê û dev lê kirin û wî xwarin. Çaxê ko wî dixwarin, wext gelek germ bû. Gur ji germa û ji birçî xuh dan. Yek ji guran got: "Ev çal gelekî germ e." Gurekî din lê vegerand û got: "Ew germ ne germekî rastî ye, lê çaxê ko xwediyê golikî dar û tifingê bîne û bête me û di vê çalî de li ser me bigire, hingê ew germa rastî ye."

IBRAHÎM MULLA

6. Ker û rovi û leg

Legek nexwes bû û perê wî weşeha bu. Hêdiya xwe di rê ve diçû – nikarî bû bifiriya. Roviye lê rast hat û xwe avête ser dê. Leg di nav diranê rovî de sekinî. Leg gote rovî: "Ez hevî dikim da ko tu min zû û bi lez bixwî." Rovî leg ji devê xwe derxist û pirsî ser wê gotinê. Rovî got: "Min divê ko ez zanebim ji bona ci ez bi lez te bixwim?" Leg vegerand: "Ji ber ko ez li riya hecê me û dibêjin ko ê ko li riya hecê dimire, diçe bihiştê." Rovî got: "Ez hevî dikim ko tu min jî bi xwe re bibî hecê û min navê te bixwim." Leg gote wî: "Kerem ke were bi min re, lê divê ko tu rojî bigirî, qet malê xelkê nexwî û tu dehban meêşînî." Rovî got: "Ji niha û pêve ezê bi rojî bim, heta em bigihim hecê û vegerim."

Bi hev re xweş bi rê ketin, pêş ve diçun. Ji nişkekê ve kerekî jîr û heja rastî wan hat, li wan silav kir û ji wan pirsî bi kû dê diçin. Leg gote kerî: "Emê diçin hecê û hemî bi rojî me, da ko Xwedê heca me qebûl dike." Kerî got: "Ez ji hevalê we me! Ezê jî rojî bigirim."

Her sê bi hev re bi rê ketin, diçûn. Roj bi roj perê legê hin bi hin derdiket. Leg dikarî bû çend gazan bi xwe bifiriya. Çaxê ko dûrî hevalê xwe diket, çend kurm û genim û ceh davête devê xwe û nikulên xwe bi perê xwe paqîj dikir. Ker û rovî jî birçî ne, hêdî bi rê ve diçûn heta ko digihaştin legê. Gelekî diwestahan, ji ber ko ker û rovî bi rojî bûn, qet tiştek nedixwarin. Çaxê ko rovî pir birçî bû, gote hevalên xwe: "Me navê tiştekî xelkî bixwin, lê me divê ê ko biçûk e bi emr hemî bixwin."

Leg got: "Ez emrê min gelekî mezin e, ez ji beriya serê Rûm û Ereban hatime cihanê." Rovî got: "Ez mezintir im, ez hatime cihanê beriya her sê peyşemberan." Piştre ker serê xwe hilda, guhên xwe ên dirêj ber jor

dikir û got: "Diya min, navê min û emrê min bi latînî li binê lingê min ê paş nivisîye: û ez guman dikim, ko ez ji we her duwan mezintir im."

Rovî got: "EZ xweş bi latînî dizanim, ka şani me bide lingê xwe!" Her lingê xwe ê paş hilda ber jor; rovî hêdî serê xwe nêzîk anî. Kerî pehinekî heja û xurt li serê rovî xist, serê wî perqeji û mejiyê wî tev li hev bû. Di cî de mir, ker baz da bi aliyê mîrgakî şîn de, çû biçêre û leg firî, bi aliyê hêlîna xwe vegereha.

IBRAHÎM MULLA

7. *Roviyé Xapînok*

Roviyekî defek kir stoyê xwe, li ber kûna xwe sekînî, li defa xwe dixist û digot: "Xebereke mezin ... Dawetekê giran ... Pronivîseke ecêb ... Lîskê mişkan ... Şere kwîsan ... Stranê şalûlan ... Rabin! Rabin! Vê rasthatîya zengîn û rengîn winda mekin, werin, werin ... (ding û ding ... ding û ding) Derbasbûna mirîşk û kewan belaş e, rabin ... rabin."

Kewek bi ferûckêke mirîşkan xwe li deng girtin û hatin. Kew ji ferûckê re got:

— Were, em derbasî vê dawetê bibin, ji bo ko bê pere ye.

Gava derbas bûn, rovî got:

— De werin, werin, ez we bixwim. Hon ketin dava min.

Kew û ferûckê dest bi girî kirin û li ber rovî gerîyan, gotin:

— Apê rovî, di me bibuhûre!

Rovî got:

— De, îro xem nake, taştê û şîva min heye, ezê sibehê we bixwim, û rovî kevirek danî ber kûna xwe û çû gerê.

Kew û ferûckê bi nikulên xwe kevir wergerandin, derketin û revîyan. Vê car ferûckê ji kewî re got:

— Îdî nema em têx xapandin!

QEDRÎCAN, *Xwendina kurdi* 1938, p. 45

8. *Seyê ko gur tanî féza pêz.*

Di tebaxa sala 1923an de gurek hînî keriyê pezê min bû. Derî adetê, her du rojan pezek dixwarin. Em ko di berê de xweyî pez in, tim seyên no û şivanen serwext bi xwedî dikin, tu caran tiştên holê li me ne qewimî bûn. Keriyê min ê ko sê şivan, serşivanek û çar sepandiyê wî bûn, dirêjiya salê di navbera 8 û 13 pezan de bi dev guran ve berdidan. Lê di meha tebaxa 1923-an bi tenê de nîzîka bîst mihiyên çak bi dev gurekî ve berdan.

Ji ber ko serwextiya şivan û nobebûna seyên min ji herkesî re nas bûn, ev yeka han ji xelkê cşîra me Mirdês re ecêb dihat. Ji bo vê yekê, hîn mehek kuta ne bû bû ko xelkê navê min li gur kiri bûn. Herwekî, cihê ko bigotana “Îşev gur pezeke Osman Sebrî xwar” digotin “Gurê Osman Sebrî pezek xwar” an li filan cihî hate dîtin. Êdî gur bû bû yê min û navê min dihate saliğdan.

Çi roja serşivan serê peza kuştî bianîna, min dûr û dirêj jê dipirsî û békêriya wî dida ruyê wî. Li ser gotinê min ên giran serşivê devê xwe dimizmizand û bê ko gotineke rast bide dest min diçû.

Rojeke dîsa em li odê runiştî bûn ko xortekî digot:

— Duh gurê Osman Sebrî berdaye keriyê Bîdosê (navê gundekî min e) û mihiyek biriye.

Êdî ci gurê ko di wê erdimê de pez dibir bi navê min dihate xwendin. Vê yeka han ez gelekî kiz kiri bûm. Hîn diltengî li ser min ne çû bû ko serşivanê min Mislimê Qucûl kete hundir û serê mihiyekê kuştî li ber min danî. Di wê bîntengiyê de hatina serşivê û anîna serê mihiyeke nuh ez yekcar aciz kiri bûm. Mîna ko serşivan raste arê cinan were: bê xweragirtin, min hilmeysi ser camêr kir û got:

— Kuro Mislim: êdî nema ez dikarim li ber vê pîsiya we şivanan xwe ragirim. Heke mihiyeke din bête kuştin, divê hon her çar şivan jî terka pêz bidin û ezê her çar seyan jî bidim kuştin.

Mislim xweşnasê eqil û gotinê min bû. Herçiya min bigota, ez nema jê vedigerîm û min tanîn cih. Li ser gotina min Mislim serekî pûnijî û paşê serê xwe hilda û got:

— Îşev tifinga xwe bigire û were cem pêz, tuyê her tiştî zanî bî.

Piştî vê gotinê rabû û bi der ket, çû. Mislim di şeran de mîrekî çak bû: hindik dipeyivî û pir dikir. Ji bo vê min gelekî rûmeta wî digirt û gotinê wî dibihiştî.

Êvarê piştî şivan min û peyan (peyayê) me tifingê xwe hildan û em çûne fêza pêz. Her çar şivan jî bi tifing bûn. Di her çar hêlêñ fêzê de em dudu bi dudu rûniştin. Mislim di rex min de rûniştî bû û deng ne dikir.

Şeveke tarî bû. Her çar se hîdî hîdî di dora pêz re diçûn û dihatin. Hîn çaryekeke şevê ne çû bû ko Mislim hîdîka gote min:

— Tu zanî? Gur dike were.

— Tu jî ci dizanî?

— Ev e, seyê mezin dike gaziye ke.

— Ma qey seyê mezin î xiniz e?

— Erê, tu niha bala xwe bidê, ezê her tiştî paşê ji te re bêjim.

Li ser gotina Mislim min bala xwe dayê. Seyê mezin li pêz bi dûr ket û mîna torpekî sipî di nava tariya şevê de wenda bû û çû.

Çariyekek saet ne borî ko dengê zûrîna sê hat û du sê dengan li pê hev zûriya. Hîn cara paşîn dengê sê ne hati bû birîn, ko di nîveka çiyê de dengê zûrîna gur jî hat. Mislim gote min:

- Te dengê gur jîbihist?
- Erê. Ma hatina wî dê pir bajo?
- Nîv saetê.

Di vê navbarê de seyê mezin vegevê bû cem pêz û herwekî ên din nobedariya hêlekê (hêla ko gur dê tê re were) li xwe girtî bû. Piştî çaryekek saet dengê reyîna seyan xurt bû. Jê xweya bû ko bêhna gur kirine û hatin nîzîk bûye. Çend deqiqeyên din borîn: sê yekcar har bû bûn û bi reyînê dinê bi serê xwe va kiri bûn. Mislim hîdîka gote min:

- Qenc hişyar be, wê niha bê.

Hîn Mislim gotina xwe ne qedandi bû ko gurîn kete pêz û li ser me rabû. Min tiştek ne dîti bû. Mislim bi destan salixa min dida û digot:

- Ev e mihiyek bir.

Min li dûsa destê Mislim nihêrî. Gur li stoyê mihiyekê siwar bû bû û dibir. Me her duyan da ser, lê ew ji me bezatir bû. Gava min dît xwe gihadin ne mikûn e, me yek dest tifing berdanê: gur mihî berda û revî.

Ez serwextî tevayiya rastiyê bû bûm. Seyê mezin gur tanîn fêza pêz û di hêla xwe ve rê didanê. Dema gur pez dibir, heya seyên mayî dihatin, seyê mezin berê xwe didane hêleke din û şop li ser gur bi wendakirin dida. Sibetirê dida ser şopê û diçû ser bilata peza kuştî û têr dixwar. Hînga ez vegevême ser Mislim û min gote:

- Ma ne seyê mezin gur taniye fêza pêz û arîkariya wî dikîye!
- Erê ezbenî, haya min ji vê yekê heye.
- Mafir ko haya te jê heye, te çima ji min re ne digot?
- Ez ditirsiyam ko tu sê bikujî, ji lew re min ne digot.
- Ma gelo tu bê ji vî seyê xiniz re kuştin navê?
- Belê, divê, lê ne niha.
- Piştî ko pêz hemî bide gur û hînga em wî bikujin?
- Ezbenî, ev sê seyekî ecêb xurt û jêhatiye. Dêla me di van rojan de tê ye se. Min dil hebû ez carê duduyan wî berdim ser dêlê û pasê te serwextî çîrokê bikim û hînga em wî bikujin. Lê berî ko daxwaza min cih bibîne, tu bi bêbextiya sê hesiyayî. Ji bo vê yekê min bê scbeb bîst mihiyên gewr bi dev gur ve berdan: dem ne hat ko wî berdime ser dêlê û çend cewrêñ baş jê bistînim.

Di wê navbarê de herwekî seyê mezin zanî be ko em şora wî dikine, hati

bû pêş me. Hema min devê tifingê da bin çeng û ling kişand. Piştî ko seyê xiniz heqê xiniziya xwe da, ez vegerîm ser Mislim û min gotê:

— Heke li héviya ehmeqiya te bimana, ji bo tovê seyekê xiniz, dê te hîn gelek pez bidana der. Ma tu nizanî ko çi tinawirê xiniz çêliyên wî jî xiniz dixin. Çê ko dêl ji wî ne hate se, an na min ew jî dikûst.

Mislim ji wenda bûna bîst mîhiyan poşman ne bû bû û gotina min a ko çêliyên xinizan jî xiniz dixin bi serê wî ne diket. Wî dizanî ko ez ji kizbûna xwe wan gotinan dibêjim.

Lê a rast, bingehê ramana min li ser wê yekê bû ko ji seyekî xiniz cewrine baş û rast çar nabin û mirov jî welê. ...

Hîn jî car caran ez diramim û dibêjim: “Ma gelo heq di destê Mislim de bû?” Paşê tê bîra min ko Xwedê di Quranê de gotiye:

“Û Nûh got: Xwedê, li ser erdê çêjikekî ji kafiran mehêle! Heke tu bihêlî wê ebdêne te ji rê derxin, ji ber ko ji gelacan bê çêliyên kafir tiştek çar nabe. ...”

Sûreyê Nûh

Ji xwe tecribeyên ko min di warê jînê de dîtî, ev ramana han li nik min xurt kiriye. Ji qencan ne qenc, ji neqencan jî qenc kêm caran çar dîbin. În mayî herwekî meseloka me Kurdan dibêje: “Ciya li ser koka xwe hişîn dibe.”

OSMAN SEBRÎ, *Ronahi* 1.6.1943

9. *Warê min ne î kor e*

Di Kurdistanâ roava û wîlayeta Meletiyê de eşîra Bêzikân heye. Nîvê vê eşîrê yê pirtir li nîvroyê Ferêt di wîlayeta Rihaye de dimîne, ko jê re Bêzikê Omaxecê dibêjin. Ji ber ko Ferêt ev eşîr kiriye du cihan, malmezinên her du cihan cida ne. Pir caran neyarî jî di navbera van malmezinan de çêdibe.

Mala Ûsiv axa ji malmezinên Bêzikê jorîn û mala mérkasen eşîrê ne. Vê paşiyê di vê malbatê de navê Hemê Qadir axa mîrek rabû bû, ko di wî welatî de rû bi mîran va ne hiştî bû Bavê Hemê, Qadir axa, sê kur hebûn, Hemê, Emer û Mistefa.

Birayê biçuk Mistefa him delaliyê bav û biran û him jî bi desthilanîna xwe ji Hemê ne kîmtir bû. Rojekê Mistefa ji bo derbasbûna Ferêt diçê ser gemiyê û li wir rastê Seyîd Weqas tê, ko ew ji ji malmezinên Bêzikê Omaxacê ye. Ji ber ko di berê de neyariyeke biçük di navbera van her du malbatan de hebû, li ser gemiyê zû li hev radibin û her du bi şeşaran bera

qefsinga hev didin. Berikên Seyîd Weqês pêşîra Mistefa dihingêvin û bê can dikeve erdê. Seyid Weqas jî, berî ko gazî bi ser gihê, li Ferêt derbas dibe û diçe mala xwe.

Qadir axa jî tê, cendekê kurê xwe dibe mal û ji her alî dost û nasên wan berê xwe didin, mala Qadir axa, ji bo serxweşiyê. Le çiqas ko Seyîd Weqasê çû bû mal jî ji tirsa Hemê xew ne keti bû çavan û ji mala xwe jî baz da bû. Méraniya Hemê ewçend deng da bû ko Seyid Weqas riya revê jî şas kiri bû. Piştî çar rojan Seyid Weqas jî xwe bê hêvî bû û berê xwe da mala Qadir axa û dexaletê.

Çaxê nîvro bû, dema taştiya mêvanan. Qadir axa li odê hêreyi danîna sifrê û Hemê jî li metbexê çavdariya rakirina firaqan dikirin. Di wê gavê de bû, ko Seyîd Weqas li pêş mala Qadir axa xewinî. Kesek bi xwe re ne anî bû, ko ev şareta xwe avêtinê bû. Xulaman li hêla odê xeber da bûn Qadir axa û li hêla malê haya Hemê kiri bûn.

Li ser vê yeka ko ne dihat bîra kesî, bavê bi kur ve xwe ne tertilandin û her yekî quesda yê din kir. Qadir axa di dilê xwe de digot: Hemo î serhişk e, heye ko gotinine sar bide rûyê Seyîd Weqas an tiştinî lêde. Hemo jî dizanî ko Qadir axa bi mihrivaniya bavîtiyê dexaleta xwîniyê kurê xwe qebûl neke û bi wê yekî navê camerî û dilgîrsiyê li ser malê Usiv axa rake. Di navbera quesra odê û malê de kur û bav raste hev hatin. Ji devê herduyan bi hev re ev gotin bi derket:

— Ev e Seyîd Weqas têye û xwe davêje mala me. Divê em tê biborin.

Piştî ko her yekî fikra ê din nasî, Qadir axa, yê ko heyâ we hingê hêstirek bi çavan ne keti bû, du hêstiran di nav bijangan re da der. Dema Hemê hêstir li çavên bavê xwe dîtin, got:

— Bavo, ma evçend ji te re giran e ko tu di xwîna kurekî xwe biborî? Ma ji bo vê digirî?

Qadir axa bi dilê xwe ê xurt li Hemo vegerand û got:

— Na Hemo, tê borîna xwîna kurekî ji min re ne ewçend dijwar e. Lê gava min tu li ser ve riya camêr dîtî, ji kêfxweşîyan ev hêstir bi çavên min ketin. Sebebê kêfxweşîya min ev e, ko min zaniye warê min ne î kor e. ...

OSMAN SEBRÎ, *Hawar*, no 51, 1942

10. *Tersê şevê*

Ji aşayêñ Reşuan bi navê Ose Qêsim peyayekî xurt û merxas hebû. Ew camerî han ji dostêñ malbata me bû. Ose di xortaniyê xwe de gelek keleşî kiri bû. Min jî di biçûkiya xwe de ji çirokêñ keleşan û keleşitîyê

gelek hez dikirim. Her sal careke an du caran Ose Qêsim dihat mala me û bi heftan mehvan dima.

Rojekê min jê pirsî û got: “Xalo, ma tu rojan tirs li te qewimî?” Li min vegerand û got: “Ma kes heye ko tirs lê ne qewimî be? Ez du caran di ewrî Xwedê tirsiyame, lê ditirsim dijwar.

Yek jê: rojekê min di navbera Adiyaman û Bihisnî de rê kiri bû. Min dît, xortek hat û tifingek bi milên wî hebû. Min dikir ku tifinga xort jê bistînim û min gotê: “Brazî, ma bihere agir nîne, da ciixerâ xwe vexwin!” Xort ber ve min hat ko agir bide min. Min dest avêt tifinga wî û gotê: “Brazî, min divê tifinga te bibînim.” Xort xuyaye ji hêlên xwe bawer bû, ku tifing da destê min. Gava tifingî ha giha destê min pê bi hespî da û meşîya. Dema xort dit kû dilê min ne çak e, himbêza xwe di stoyê hesp rakir û girt. Çiqas min li hesp da û hesp da xwe, ne dikarî xwe ji himbêza wi xelas bike. Êdî ez keti bûm rewşeke dijwar. Ji be meferî peya bûn û me hev û din girt. Serekî dirêj me hev û dî bir û anî. Min zanî bû ku xort ji min xorttir e û wî zora min bibe. Hingê taliya emrê min bû. Dawî bayek li min da û ez ketim ser çogan. Dema me rê ne ji hin ve xuya kir, xencerâ xwe hejand û bê hemd daw şande sînga wî. Hingê desten wî pêda hatine berdan û min tifing pê bir.

Tirsa dudowan ezê bejime te, lê divê tu bi xalê xwe ne kenî. Rojekê di binhêla pira Ginderê de min rê heri bû. Serekî dirêj ez rawestim, lê tu nêçîr ne hat. Careke ez li hêla nîvro fikirim ku karek di rex re de disekîne, holê min dinihêre. Ez bawer bûm ku ev karê han ji kesî bi şûn de maye û di winda bibe. Mafir ku wê rojê tu ya na qenc min ne kiri bû, min xwest qencyekê bikim û min berê xwe da karê ku bigirim û bînim, nîzinga gundekî berdim, da ku gur naxwin. Min dît karî kete ser çogan û berê xwe da min û dengekê ecêb li ser ket. Dikir “ye ye ye”; hingê nizanim ji çi bû, tirsek ecêb giha min û bê ku li karê binêrim û bifikirim, min zengû avête hespî û reviyam. Revek welê ku çiqas hukmê hespî hebû direvim û karik li pê min nediman û dikir “ye ye ye ye....” Wê rojê dirêjiya riya du saetan ez reviyam û karek li pê min nediman û her dengê wê di guhê min de bû. Talî hespê qut westî, êdî ez mecbûrî li ber xwe dane bûm. Dema min hesp ragirt û sekinim ku şerê karekê bikim, min dît, tişt nîne.

OSMAN SEBRÎ

11. *Enker û Nekîr*

Carekî di çiyayê Kurdistana navîn de gundekî biçûk hebû. Xwediyyê wî gundî aÿayekî ciwan û ji xwe hez kiri bû.

Di rex gundi de goristanek bi darêن xwe ên xort û mezin bi tirs û sihin hebû. Xelkê gund der heqê wê goristana han de gelek çirok digotin. Ser û binê çirokên wan ji mirov re dida zanîn ko goristana gund netekîne û têde mirî dinalin û terşê sevê têن dîtin. Ji lew re herkesî bi şev ne diwêre bû here nava wê goristana han.

Şekekê zivistanê bi ba û baran aÿayê ciwan di mêvanxana xwe de rûniştî bû û ji gundiyyê xwe re dipeyivin. Gotin, piştî ko gelekî doş bû, hate ser goristana gund û çirokên ku der heqê wê de têne gotin. Aÿê berê xwe da civatê û got: "Gelo, kes heye ko bikare bi vê şeva han a reş di nava goristana gund û nîv gorekê de raze?" — Xortekî ji xwe hez kiri, lê ne jîr got: "Belê, aÿa, ez dikarim. Heke ez biçim cî û nîv gora tu bixwazî û heye sibe ez têda razêm, tuyê ci bidî min?" Aÿê got: "Law, heke tu xwediyê vê gotina xwe bî, ezê tifinga xwe ya bazin-zîvinî bidim te!"

Ew tifinga han li ber dilê aÿê gelekî heja bû. Ev yeka han hemî xelkê gund dizanin. Ji lew re xort rabû ser xwe û got: "Aÿa, heke tu ji min re sond bixwî ko tuyê gotina xwe bînî cih, ezê niha herim û nîvgora dixwazî, têda razêm û sibe vegekim cem te." — Aÿê got: "Bi gora bavê min, heke tu herî, di nîvgora filankes de razî, ezê tifingê bidim te!"

Xortê remtele da xwe û rabû, berî xwe da malê ku tifinga xwe bigire û here goristanê.

Di nava civata aÿê de çend rîspî hebûn. Yekî ji wan got: "Aÿayê delal, ne diviya bû te ev sond bixwara, xortê han û remtele ye, here û di nava goristanê de razê, ma ne heyf e tu tifinga xwe bidî sûtalekî holê?"

Hinekan ji xorten civatê gotin: "Welê yelewê here; lê heke aÿa destûra me bide, em dikarin herin, wî bitirsînin." Hînga ê bi rê ve, were mal û nema aÿa tifing ê didê peçan û dan ser riya goristanê, xortê remtele keti bû pêsiya wan û berî wan xwe gihad nava goristanê û di nîvgora, ko aÿê jê re saliix da bû de, vezeliya bû.

Şev reş û tarî bû, bi dirêjiya gazekê mirov hevdu ne didîtin. Her du xortan di nava goristanê de solêن xwe xistin û berî xwe dane nîvgora ku xort tê de. Dema pejna wî bihîstin, her yekî xwe da hêleke gorê û li ser awayê, ku gotina xwe bi rê ve kirî bûn, dest bi pirsan kirin.

Bi rê ve gotina wan di wî warî de bû bû yek, ku zaravayê Munkir û Nekîr bikin. Ji lew re yekî wan gote xort: "Xwedayê te kî ye?" Xort birast bawer kiri bû ku ewêن jê pirsa dikin her du melek in. Wî jî gora zanîna xwe bersîva wan da bû. Paşê xortê din jê pirsa bû: "Pêxemberê te kî ye?" Bersîva vê pirse jî ne dijwar bû. Ji lew re pirsa wî bê bersîv ne hiştî bû. Lê gava careke din jê pirsa û got: "Şertên imanê ci ye?" Xort nedizanî bersîva wî bide û lê vegerand û got: "Hey sebab! Melayê gund

vî tiştî nizane. Ma tu doza çi li min dikî?” Gava hinekî bi pirsên dijwar cih lê teng kirin, da tifinga xwe, rabû û got: “Law, ma ne bes e ku we bav û kalên me bi van bêmirêş aciz kirin!” û bi dengê wî re tifingê, da qefsinga yekî ji wan û ling kişand.

Bi gurmîna tifingê re qîrîn ji xortekî hat û ket erdê. Yê din, dema mirin li ber çavê xwe dît, berê xwe da gund û bazda. Xortê remtele da ser pişta wî ku bikuje. Dema nîzîkî gund bû, li gundiyan dikir gazî û digot: “Gelê gundiyan, min Munkir kuşt û ev e Nekîr li pêş min direve: zûka xwe pegînin ku em tola bav û kalên xwe jê bistînin.”

Gundiyan bi heft belan ew xort ji nava destêñ wî xelas kirin, lê piştî ku yek kuşt.

Hêj ji xelkêñ dora wî gundi holê henekêñ xwe bi wan dikin û dibêjin: “We Enker kuşt, ma çi bi Nekîr hat?”

OSMAN SEBRÎ

12. *Eli û Husein*

Gundek heye nav eşîra Hawerqan, navê gund Gîzrê. Muhtarê gund, navê wî Osman.

Ciwata muhtar di koşkê de qom bû. Muhtar got:

— Gelî ciwatê, kesek heye go here Şkeftê Pîrevoka, çar libî hêk bibe, bikelîne ji xwe re û li hindirê şkeftê bixwe. Çi dixwaze emê dibin.

Yek hebû, navê wî Husein. Husein got go:

— Heçi here vê şkeftê, hêka têde bixwe, ezê keça xwe dime. Eli rabû ser xwe, go:

— Destê xwe bide me! Gelî ciwatê, hon hem şehada di navbera min û Husein de go paşê hîle nebe, ezê herim şkeftê.

Muhtar jî got:

— Ciwatê, em şehada ne navbera wa de!

Eli hate mala xwe, çar libê hêk rahiştiye û hebek rûn û mikilk, kirine çeltê xwe de û şev reşa tariyê berê xwe da şkeftê. Ew Husein jî, bavê keçikê, bi bez çû şkeftê. Berî Eli çû şkeftê, kete kûn ya paşî. Eli jî çû, ji xwe re hebek dar ciwandin û hindir şkeftê agir ji xwe re kir û rûnpêja xwe danî ser agir û hêkê xwe şkandin û hazır kirin, li ber xwe danî. Dest bi xwarinê vekir. Dî go kesek ji paşê şkeftê tê, dibêje: “Elî, ka hinê bide me!” Eli şahwire çi bû, hebekî tirsaha, guh ne daye. Sê çar “Elî bide me!” Eli dixwe, guhê na dide heta xelas kir xwarina xwe û bi lez rabû, berê xwe da mal.

Ma heta sibchê, çû cem koşka muhtar, go:

— Ezbenî, ez çûm şkeftê, heke te bihor nake, du zilamê bisye şkeftê!
 Muhtar rabû, du zilam şiyandin şkeftê. Ew go çûn, meyizandin li
 şkeftê, gava Elî agir kiriye û kaşûlê hêka li cem agir in. Vegerehan, ji
 muhtar re gotin:

— Ezbenî, rast e, Elî çû şkeftê, me bi çavê xwe emelê wî dî li şkeftê.
 Muhtar go:

— Husein, Elî keça te bire. Keça te bide Elî!
 Elî şiyand, keçik anî mala xwe, wilo mehr kir. Elî cem razaya, Elî ne
 zewicî. Saleke keçik ma cem Elî û Elî ne zewicî. Paşî keçik çû mala bavê
 xwe.

Elî çû, go:

— Husein, pîreka bide me! — Gote:

— Bi kêt naye, ez keça xwe nadime te, ji ber ko tu jî weke pireka î!
 Keça min cem te nayini. (Husein go) Elî, tu zilamekî bêzirav î. Şeva go
 nê paşıya şkeftê, ez li ji te re go: “Ka, hinê bide me!” û tu pir tirsahayî!

— Elî gote:

— Tu buyî? — Go:

— Belê, ez bûm! — Elî gotiye:

— Ma tu zanî, te çi bi me kiriye? Ew serê sebebê te bûyî, sebeb go ez ne
 zewicî.

Elî xencera xwe kişand, bi milê Husein girt, da ber xencera û kuşt û
 dest jina xwe girt û bire mala xwe. Evarî cem xwe razahan û zewicî Elî.

ÜSİF HACO

II. CONTES POPULAIRES

13. *Pira sehirdar*

Zilamekî delal hebû. Jinek ji xwe re anî, pir jê hez dikir, qedir û qîmeta hev du geleç zanîn. Şeytan di nav wan de dixebite ka wana li ser hev du xerab bike, nikare. Şeytan çû cem pîrek sehirdar û jê re got: Tu dikarî di nav wî zilamî û jina wî xira bikî? Go: Belê, ez dikarim. Go: Heke te xira kir, xelatek te yî mezin li min heye.

Pîrê çû dikana mîrê wê û jê re got: Ez dixwazim topek hevrêsim ji bona dostika lawê min. Mîrik jê re topekî hevrêsim anî, heqê wî deh zêrê zer standin. Pîrê hat, li mala wî zilamî pirsî. Giha mala wî, li deriyê wana xist. Jina zilêm biderket, go: Tu çi dixwazî? Go: Ya keça min, Xwedê ji te re razî be, tuê bihêlî ezê li mala we nimêj bikim, cihê min dûr e, ez ne ma digehim herim. Jinikê jê re got: Were; Oda, ko mîrê wê lê radize, secade jê re danî û go: De nimêj ke! Pîrê bi derewa nimêj kir, ew topê hevrêsim xist di nav lihêfa di wan û derket, çû, xebera jinikê pê tu ne ye. Heya êvarê, mîrê wê hat, şîva xwe xwarin. Wa'dê ko razin, ew top mîrik dî û geleçkî qehirî: Ez ewqas ji jina xwe hez dikim, jina min dost û yarê wê hene. Ban jina xwe kir û jê re go: Here mala bavê xwe, mi tu berdayê!

Jinik ne ma zane, hewala mîrê we çi ye. Jinik bi qehir û girî derket ji mala xwe, pîrê li serê ziqaqa wan sekiniye. Nêrî ko jinik derket û digirî. Jê re got: Hewala te çi ye? Jinikê jê re got: Mîrê min ez berdame. Pîrê go: Xem na ke. Were mala me, sibchê ezê te û mîrê te pev xweş bikim. — Jinikê pê re çû mala wan. Lawikê pîrê heye, keçelokî gurî ye, pîrê jinik xist hinduro û lawê xwe xist hinduro û kir hawar.

Esker pê ve hat û jê re gotin: Hewala te çi ye? Go: Lawikê min gurî heye, min bi xwedî kiriye heyâ niha, ko mezin bûye, we hero yekê bîne cem xwe û min bi der dike, min divê hon li halê min bipirsin! — Hikûmetê lawê pîrê û jinik birine, xistin hebsê, xebera jinikê ji tişkî tu ne ye, digirî halê xwe.

Pîrê ji xwe re go: Ezê îcar herim, wan derxim û şeytan lê diferice, bê çi dike. Pîrê çû sûkê, hinik nan û helaw kirî û hat ber devê hebsê û ji dergevanê hebsê re got: Lawo, Xwedê te bihêle, sedeqak li min e, mi divê tu bihêli, ezê herim hebsiya. ... Ê dergevan jê re got: Bibihure, xem

na ke. Pire çû cem wan, ji jinikê re got: Were, çerçefa min li xwe ke û derkeve ber derî, ji dergevan re bêje: Mala te ava, min sedqa xwe da van hebsiyan û ezê herim mal û here mala me heta ko ez bêm; ezê niha xwe xelas bikim.

Jinik derket, wilo got û çû mala pîrê. Pîrê kir hawar, go: "Ev ci hikûmet e, ez û lawê min em anîne, xistine hebsê, eyba me ci ye?" Hikûmetê hat, nêrî ko pîrê û lawê wêna ye, mane ecêbmayî. Mezinê wan ji wan re got, çima wê pîrê û lawê wêna keçelok anîne? Esker ji mezinê xwe re gotin: Pîrê li mala xwe kir hawar, em çûn, jinikek û lawê wêna me anî hebsê; em ne ma zanîn, ev çawa çêbû — pîrek schirdar xuya ye. Ji pîrê re go: Here mala xwe, bela te li te keve!

Pîrê û kurê xwe hatin mal, ji jinikê re got: Tu dixwazî ezê te û mîrê te pev xweş bikim, ci pere bi te re hene, ko tu bidî min. Jinikê jê re got: Deh zêrê min hene: ezê bi te dim, ko tu careke din min û mîrê min pev xweş bikî. Pîrê çû cem mîrê we û giriya, mîrik lê nêrî ko pîra ko top jê kiriye ew e. Go: çima tu digirî? Go: Ya, lawe min, ev topê ko min ji te kirî, lawê min ji min xwestî bû û min ji cem te bir û wa'dê limêja min hat, ez çûm malekê ji vê taxê, min limêj kir û min topê xwe li wê derê ji bîra(xwe) kir; ez nema zanim kîjan mal e, û lawê min ne ma min dihewîne. Gava wilo ev xeber ji zilêm re da, go: Pîrê, mala te ne ava, min jina xwe li ser vî topî berda. — Mîrik gelikî qehiri. Pire go: Lawo, ma qehire, ka topê min bide min, îşaleh jina te li kû be, ezê ji te re bînim. Belê tuê heqê min bidî min. Zilêm jê re got: Ha, ji te re deh zêr heqê te, ji te re topê te, û jina min bîre, binêr bê li kû ye!

Pîrê çû mala xwe û ji jinikê re go: Ka deh zêra û biliy bi min re, czê te û mîrê te pev xweş bikim. Jinik pê re çû, bir mala wêna pev xweş kirin, pîrê vege riya mala xwe. Şeytan lê ma ecêbmayî, tiştê ko pîrê kir.

Pîrê ji şeytên re go: Ev ne tiştékî mezin e, ezê ê meztir bikim. Tu ji xwe re biferice.

Daket sûkê, va kerwanek çel xort hene, çel xort hejayî ne. Ji ehlê gunda ne, çel qantir bi wan re hene. Pîrê ji xwe re got: Ev derbek mezin e, ezê di van de bikim. Giha rasta vana û ji wan re got: Barê di we ci ye? — Jê re got in: Barê me fêkî ye, emê daxin sûkê bifiroşin. Pîrê ji wan re got: Ez jina serekê bajêr im, û barê di we hemî bi tenê bikirim. — Xortan jê re gotin: Baş e! Pîrê da peşıya wana û birin.

Mizgeftik heye, du deriyê wêna hene. Pîrê ji wan re got: Ev mala me ye, hon li ber vî derî bisekinin, ezê qantira bibim hewşê, bela xulamên me, barê we deynin û ezê qantira û heqê barê we ji we re bînim. — Xortan jê re go: Baş e. Li ber deriyê mizgeftê rûniştin, pîrê qantir birin hewşa

mizgeftê û di deriyê din re derxistin, çû, qantirê wan li sûkê ji xwe re firotin. Ew xort man heyâ nîro, nêrîn ko pîrê derneket. Zilamek di wir re hat, ji wan re got: Hon li vir çi dikin? Go : Em li bendê qantirê di xwe ne. Jina serekê bajêr qantirên me birine, hîna ne anîne. Ewî zilamî ji wan re got: Ev deriyê mizgeft e, herin, li qantirên xwe bipirsin, qantirên di we çûn. — Ewan xortan rabûn, nêrîn ko bi rast mizgeft e. Gelikî qehirin û bi sûkê de çûn, li pîrê digerin. Careke nêrîn, rastî pîrê hatin. Pîrê girtin, jê re gotin: Kanî qantirên di me? Pîrê dibê: Min qantirên we ne dîne. — Go: Bila, emê herin şerîetê. Çûn cem qadî û miftî. Pîrê ji wan xortan re got: Ezê berî we banî kevîm û ifada xwe li cem qadî bidim, piştre hon herin; çê na be ko em hemî pev re herin. — Xortan jê re gotin: Baş e, tu here, piştre em hemî banî kevin.

Pîrê banî ket jor û digirî di miqabil qadî û miftî de. Qadî û miftî nêrîn ko pîrê digirî, gotin: Çi hewala te ye, tu digirî? Pîrê ji wan re got: Mêrê min çel gundî wî hebû û mîrê min mir û min xulamên di xwe anîne, ko ez bifiroşim. Jê re gotin: Kanî xulamên te? — Pîrê got: Va, xulamên min li ber derî ne, çel xort in. Qadî di şibakê re nêrî, ko çel xulam li ber derî ne. Go: Baş e, emê bikirin. — Pîrê her çel xort firot qadî û miftî û ji wan re got: Ne ma çavê min bardibe, ko ez di berwan re dakevim herim. Derîkî din tu ne, ezê tê re herim? — Qadî derîkî jê re vekir û pîrê çû mala xwe.

Qadî ban xorta kir û ji wan re got: Hon çi karî dikarin bikin, go ez we bişînim gundê di xwe? — Xorta li hev û du nêrîn û ji hev re gotin: Te çi ji me re? Qadî ji wan re got: Min hon kirî ne. — Xortan jê re got: Te em ji kê kirî ne — em hatine cem te şerîetê! — Qadî go: Min hon ji pîrê kirî ne. — Go: Pîrê le fenek di xwe li me kir û li te jî kir, qantirê di me birin û em firotin te. — Qadî pir qehirî tiştê ko pîrê te kir, go: Herin, lawên min, malê di xwe, ev işê min ma, ezê heyfa xwe û a we ji pîrê hilînim. — Ewan xortan ji wî bajarî derketin û ji bezê çûn heyâ gundê di xwe û go: Li me heram be, em tu carî ne ma têñ vî bajarî.

Qadî karê wî li pîrê digere, di ziqaqek teng de rastî pîrê hat û jê re got: ‘Îcar tu ji destê min xelas na bî!’ — Bi destê pîrê girt û bi dû xwe kişand heyâ mala xwe û bir: kîsek anî û pîrê xist vî kîsî û devê kîs girêda û ban hemalekî xwedîyê qantirekê kir û jê re got: Vî kîsî bavêje behrê; û mecidik da xwedîyê qantirê. Xwedîyê qantirê ev kîs bar kir ser qantira xwe û bi rê de ji xwe re got: Ev kîs hejayê mecidikê, ma çima ezê bavêjim behrê?ê ko di hindurê wî de ye, ezê vala kim, bavêjim behrê û kîs ji xwe re bînim, bifiroşim. — Giha ber behrê, kîs vala kir, nêrî ko pîrek jê diket. Pîrê çavê xwe vekir û eşheda xwe anî û ji xwedîyê qantirê re got: Her mizgîniyê bibe ji lawê min qadî re, bê: diya te rahet bû, elhemdi lillah,

wê xelatek mezin, wê bide te. — Xwediyyê qantirê beziya û hat cem qadî û ban kir qadî, go: Mizgîniya min li te, diya te rahet bû! — Qadî fehim kir û jê re got: Mizgîniya min li te, qantira te çû! Min ji te re got: Bavê behrê, tu hatiyî, mizgîniyê bidî min!

Xwediyyê qantirê vegeriya ber behrê, nêrî ko qantira wî çûye. Pîrê hat mala xwe û mesela xwe hemî ji Şeytên re got. Şeytên xwe jê diweşand, go: Ez nikarim wek te bikim, Xwedê min bi agirê te ne şewitîne!

Roja Nû, n^{os} 45–46, 1944

14. *Usifê tenbûrvan*

Hebû hakimek û sê lawên xwe. Hakim rojek ji rojan di xwe fikirî û got: Ez pir bûme û ev lawên di xwe min ne ceribandine bi kêr têna yîn.

Rojekê ban lawê xwe ê mezin kir, jê re got: Lawo, heger ez mirim, piştî ko ez bimirim tu brayê mezin î, tu ê bibî hakim li ser bajêr, tu ê çi edaletê bimeşînî? Lawê wîna jê re got: ko heçi tadayiya li min bike, ezê tadayiya lê bikim, heçi qencî bi min bike, ezê qencîya pê bikim.

Hakim jê re got: Here! û ban lawê xwe ê navê kir. Ev xeber jê re got. Ewê jî wek brayê xwe ê mezin lê vegerand.

Hakim ban lawê xwe ê biçûk kir. Navê wî Üsif e. Ev xeber jê re got, Üsif li bavê xwe vegerand: Heçi xerabiyê bi min bike, ezê qencîyê pê bikim, heçi qencîyê bi min bike, ezê sê qencîya pê bikim. Heger ez herim qehwa, ezê xesareta ehlê qehwa hemo bidim.

Bavê wî destê xwe li pişta wîna xist û jê dilxwes bû û jê re got: Sibehê ez dixwazim ez û tu herin seyranmişê. Sibehê her yekî hespek ji xwe re derxist ji tewlê. Hakim û lawê xwe Üsif meşîyan bi çolê de.

Ji sibehê heyanî êvarê meşîyan, Üsif ji bavê xwe re got: Tu dixwazî me bibe kî derê? Bavê wîna jê re got: Em va gihane qonaşa xwe. Nêzîkî gesrekê bûn; gihane ber qesrê. Hakim giha ber dîwarê qesrê u ji qesrê re got: Derî veke! Derîk ji qesrê vebû, çûn hinduroyê hewşê. Üsif nêrî ko hewşa qesrê bi zîv resîf kiriye, sola xwe ji lingê xwe kir. Bavê wî lê nêrî ko sola xwe ji lingê xwe dike, jê re got: Çima tu sola xwe ji lingê xwe dikî? Got: Ya bo, eyb e ji me re ko em bi qonderê pê li zîv bikin. Bavê wî jê dilxwes bû, kefa wî gelekî hat, çûn hinduroyê qesrê. Nêrîn ko du text têde danîne, her yekî ji wan li ser textekî rûniştin, nêrîn ko şîva wan hate ber wan. Kesî di qesrê de nabînin. Üsif ma ecêbmayî.

Wê şevê razan. Sibehê hakim ji Üsif re got:

— Tu çi bixwazî ji dinyayê, ev qesir ji te re hazir bike. De rabe, emê îcar herine mal!

— Erê, ma insanetî ne maye? — Got:
 — Tu here; — Ban birayê wîna ê navê kir û jê re got:
 — Heke tu lawê apê min bûna û ez wilo bihatama cem te, te ê cardî ez
 bibirama ji ê tacir re? Got:

— Erê, qencî qenciyê nas dike! — Keçikê ji wî re jî got:
 — Tu here! — Ban ê biçûk kir, Üsif, û ev xeber hemî jê re got. Got:
 — Heke tu ê wek tacir an wek lawê apê min bûna, ez a wilo xweşik bi
 destê te kevim, te ê ez berdama?

Üsif jê re got:

— Na, çawan dilê min li te hebe û ez berdim, ezê xwe bidime kuştin û
 ez nahêlim tu ji cem min herî?

Keçikê got:

— Baş e; — ban her du birayên wîna kir û ji wan re got:
 — Birayê we ê biçûk mehrûm e ji malê!

Her se lawên hêkim vegeriyan, hatin mala xwe. Du sê rojan man,
 birayên xwe bi der kirin ji mal. Qesir bi bîra Üsif ne hatiye; ji xwe re di
 nav bajêr parsê dike. Gelekî perişan bû. Çi mala ko diciye, jê re dibêjin:
 ‘Herc, heger tu baş bûna, birayên te tu bi der nedikirin.

Rojekê li ber dîwarekê rûniştiye û bi halê xwe de digirî. Qesra wîna hat
 bîra wî; rabû ser xwe û ji bajêr bi der ket heyanî êvarê gihaşt qesrê. Ji
 qesrê re got:

— Ya bimbarek, derî veke!

Derî jê re vebû, çû hinduro. Nêrî ko va hemam germ e, av û sabûn ha-
 zir e; xwe şust. Nêrî ko bedlek cilê milûkî hazır bû jê re. Cilê xwe li xwe
 kir. Hat, nêrî ko textek hazır e; li ser textê xwe rûniş. Şîva wîna hate ber
 wî, şîva xwe xwar û serê xwe danî û raza. Se rojan di vê kêfê de ma.
 Piştî se rojan ji xwe re got: “Ezê rabim, herim ber bi birayên xwe de!”
 Nêrî ko hespek jê re hazır bû, zihn û gemê wêna hemî zér in. Bi ser piştâ
 hespê ket û berê xwe da bajêr.

Her du birayên wîna jî posman bûne û digirîn û dibêjin: “Çawan me
 birayê xwe bi der kir? Bîst xülam li mala me hene, ew jî weke wana bûna
 û eyb e ji me re ko brayê me parsê dike.” Li brayê dipirsin, saxlixî wîna
 hilnanînin. Ew dibê qey hina kuştiye. Dorbinê wana li ber çavên wîna ne,
 li ser riyan dinêrin. Carekî nêrîn ko siwarek ji wê ve tê. Şewq ji wî siwarî
 diçe. Ewana got:

— Qey belkî sultan hatiye bajerê wan!

Her du lawên hêkim pêrî wî siwarî ve çûn, serê hespê wîna girtin û anîn.
 Banî xistin jor, hespa wî kişandin tewlê. Her du lawên hêkim lê dinêrin û
 digirîn. Üsif ji wan re got:

— Çima hon digirîn? — Jê re gotin:

— Birakî me hebû, bavê me ew ji malê mehrûm kiri bû, û me ew bi der kir û em poşman bûme û em lê digerin. Em wîna nabînin. Tu di şiklê wîna de yî. Me li te nérî, brayê me hat bîra me û em giriyan. Üsif ji wan re got:

— Heger hon brayê xwe dibînin, hon nas nakin? — Gotin:

— Belê, heger tu niha ne di vî siklî de bûna, menê bigota tu î. — Ji wan re got:

— Ez brayê we me!

Kêfa wan pir hat û jê re gotin:

— Ya brayê me, ev mal ji te re ji kû? — Üsif ji wan re got:

— Ez di nav bajêr de bûm, min ji xwe re pars dikir. Yekî cuhî ji min re got: “Were, cem min bişüxile!” Ez pê re çum. Min nérî ko malê wi zehf e û min ê cuhî kuşt û ez di mala wî de rûniştîm.

Her du birayên wî jê re gotin:

— Lazim emê sibehê herin, li mala te bifericin.

Sibehê her se rabûn, li hespên xwe siwar bûn û berê xwe dan qesrê û meşîyan. Heyanî êvarê meşîyan, gihane ber qesrê, nérîn ko derî di qesrê de vebû ji keviran. Gava her du birayên wîna dîn ko hewşa qesrê timam zîv e, nérîn ko se text ji wan re hazir bûne; şîva her siyan, her yekê bitenê, hat ber wana.

Her du birayên wîna mane ecêbmâyî û ji hev re gotin:

— Lazim sibehê em wîna bi xwe re bibine çolê û em bikujin û em vê qesrê ji xwe rebihêlin. Ev qesir ji bajarê me hemî çêtir e.

Sibehê ji birayê xwe ê biçûk re gotin:

— Em dixwazin herin néçîrê.

Birayê wîna got — Bila be! — Her sê siwar bûne hespên di xwe û meşîyane heyanî êvarê. Rastî şikeftekê hatin. Her du brayêd di mezin gotin:

— Emê işev di vê şikeftê de razin! — Üsif ji wan re got:

— Hon bi ya min dikin, em di şikeftê de ranazin.

Her duya got:

— Belê, emê razin — û di dilê wan de ko birayê xwe Üsif bikujin di şikeftê de.

Her diwa a xwe kiriye yek û bihortin hindurê şikeftê û Üsif bi wan re. Carekê nérîn ko derê şikeftê li wan hate girtin Nérîn ko hûtek di devê derî de ye. Üsif şûrê xwe kişand û çûye, bi şûrê xwe li wî hûtî dixîne, çiqa lê dixîne, tiştekî pê nabe.

Hût ji wan re got:

— Ez Canpolâ me! Ji niha heta sed salî hon li min xînin, tu tadayî bi min nabe. Şertekî min heye, heke hon bikin, xelas bin, heger hon nekin, hone bimînin di şikeftê de heyânî ko hon bimirin. Birayê mezin got:

— Şertê xwe ji me re bêje!

Hût got:

— Şertê min, ezê lingên xwe ji hev bikim, hone di nav lingên min re derbaz bibin, herin ji der ve.

Birayê mezin got: — Ez hatim! — Hût lingên xwe ji hev kir û birayê mezin di nav lingên wî re derbaz bû. Hût çirek mîz bi pişta wî de berda, heft destê goşt ji laşê wî hilandin. Heft parsû di laşê wî de şikenandin, heft rihê méraniyê ji pişta wî qetandin, mala wi xira kir.

Di fikra birayê navê de ko birayê wî ê mezin xelas bû, ewî jî got: — Ez hatim! — Hût çirek mîz bi wî jî berda. Ew jî ket halê birayê xwe, her du ji der ve li hevdu rast hatin, hevdu nas nakin tiştê ko bi serê wan hatiye.

Birayê wan Üsif di şikeftê de maye, şûrê xwe dileyizîne, û li hût dixîne:

— Dibe bela, ez bimirim di şikeftê de û ez di nav lingên te re derbaz nabim!

Hût jê re got:

— Tu xortekî delal î, ci heqê te li rûhê te heye ko tu xwe di şikeftê de bimirînî? Şertekî min e di heye, heger tu bikî, tu ê xelas bibî.

Üsif jê re got:

— Şertê te ê din ci ye?

Hûtjê re got:

— Şertê min e dî Gulbarîn keçika mîrê Cinan. Tuê ji min re bînî, tuê soz bidî, ezê te xelas kim. — Üsif jê re got:

— Baş e, hidûdên mîrê Cinan pêş min bike! — Hût gote wî:

— Baş e, were bi dû min be!

Canpolâ pê re çû heta hidûdên Cinan û jê re got:

Ji vir û wilo de ez nema karim bêm, de Xwedê bi te re be!

Üsifê Tenbûrvan, tenbûra wîna pê re ye, çil têl li ser tenbûra wîna heye, her têlekê çil hawî heye, dengê wîna zehf xweş e, meşiya di nav bajarê Cinan de; li ber dîwarekê rûnişt, tenbûra xwe li ser çonga xwe danî û lê dixîne û delalê xwe di ber re dibêje. Ehlê bajêr heçî dengê wîna dibihîse, dev ji kar û xebata xwe berdide û tê, lê diferice. Di wî hewayî de du sê rojan ma. Xeber ji mîrê Cinan re çû û fê re gotin:

— Delo Eliyek hatiye vî bajarî û ehlê bajêr sûk û dikanên xwe girtine û suxlê di xwe hemî betal kirine û li wî Delo Elî difericin. Mîrê Cinan got:

— Ez dixwazim Delo Elî bê cem min, ev tiştê wiha xweş, lazim em jî bibînin.

Yekî ji xulamên xwe şand dû Delo Elî û jê re got:

— Rabe, mîrê me te dixwaze!

Üsif rabû ser xwe û bi xulamê mîr re hat dîwanê. Tenbûra xwe li çonga xwe danî û bi wî dengê xwe ê xweş bi tenbûra xwe re got. Adeta mîr heye, ew di quesrekê de ye, jina wî di quesrekê de ye û keçika wîna di quesrekê de ye. Heyanî ko her sê bi hev re taştî û firavîn û şîv bixwin, bê hevdu tiştekî naxwin. Ewê rojê mîr xwe ji bîra (xwe) kir heyâ êvarê: ne xwarin û ne jina wî û ne qîza wî ne hatin bîra wî. Jina mîr ji cêriya xwe re got:

— Rabe, here, bê ci hewala mîr e, em birçi bûne?

Cêriya wî rabû, çû, hate dîwana mîr, û nîrî ko tiştekî ecêb di dîwanê de ye. Cêriyê ji xwe re got:

— Mîrê me rokê xwe ji bîra kiriye. Heger ev Delo Elî bê cem xatûna min, wê ew se rojan xwe ji bîra bike.

Bi şûnda cêri vegeiya xatûnê, jê re got:

— Ya xatûna min, tiştekî ecêb min di miclisê de dîye! û jê re qala deng û tenbûra Delo Elî kiriye. Xatûnê got:

— De here, bela bê cem me jî! Ma kîf ji mîr re divê, ji me re navê?

Cêri çû, ji mir re got, mîr got: — Baş e! — ji Delo Elî re got:

— Rabe, here aliyê malê cem xatunan!

Delo Elî rabû û hate cem xatûnê. Rojekê li cem wê jî ma, qîza wêna du rojan bê xwarin maye: cêriya xwe şand cem diya xwe, got:

— Binêr, bê hewal ci ye!

Cêriya Gulbarîn hat û vegeiya, xeber anî jê re û hewala Delo Elî jê re got. Keçikê got:

— Bavê min û diya min pîr in, û kîf ji wan re divê, ê me, em qîz in, ji me re navê? De here, bila bilezînin û wî bişînin cem min!

Cêri hat, ji wan re got. Diya keçikê ji Delo Elî re got:

— De rabe, here cem keça me Gulbarîn û kîfê jê re bibuhêre!

Delo Elî rabû û bi cêriyê re hat cem Gulbarînê. Gava çavê Gulbarînê bi Üsif ket, hiş û eqilê wîna çû, û jê re got:

— De rûne, tiştê ko tu lê digeriya û ez lê digeriya Xwedê da me. Çend rojan di wê kîfê de man, Üsif jê re got:

— Wiha nabe, lazim ji me re işekî tu safî bikî: ez ji bona te hatime vê derê. — Gulbarînê jê re got:

— Bavê min bi qelenan min nadé, şertekî wî heye. Gelek mîr û beg û

axa hatine min û ev şertê bavê min hilnanîne. Ez newêrim vî sertî je te re bêjim, ev şert tiştekî zehmet e.

Ûsif jê re got: — Bêje çi şert e! — Gulbarînê got:

— Hemamek bavê min heye li ber avê, dixwaze wî hemama xwe ave bike. Her sal ave bike: wextê ko timam dike, teyrik heye, tê, başkê xwe li wê hemamê dixîne û ismê sihrê lê dixwîne, hemamê xira dike. Heçî ko kari be wê hemamê bisilimîne, wê min bidiyê û heçî nikare, serê wî jê dikan. — Ûsif got:

— Ez dixwazim herim, vî şertî hilînim.

Gulbarînê jê re got:

— De here, di dîwanê de du kursî hene, yek zîv e, yek zêr e; heçî xwez-gîniyê min e, li ser a zêr rûdinê, heçî bê ko ji xwe re tiştekî bixwaze, li ser a zîv rûdinê.

Ûsif rabû, çû dîwanê û li ser kursiya zêr rûnişt. Mîr jê re got:

— Kuro, ev ne cihê te ye, Tu Delo Elî yî, tu hatiyî, ez tiştekî bidime te. Li ser kursiya dî rûdinê! — Ûsif jê re got:

— Ev cihê min e, ez ji bo xatirê vê kursiyê hatime!

Mîr jê mesela hemamê got. Ûsif got:

— Baş e, ez karim vî şertî hilînim.

Mîr hoste berda hemama xwe: ave kirin. Roja ko timam bû, Ûsif çû, li ser pişta hemamê rûnişt, tenbûra xwe li ser çoga xwe danî û dengê xwe ê xweş pê re dibêje. Ehlê bajêr ji dora hemamê reviyane û ji hev re dibêjin: “Wextê teyir bê, wê wî xortî û hemamê berde bi avê de!” Ûsif carekî di ko teyir hat û xwe berda bi ser hemamê de. Denge Ûsif û tenbura wî kete guhê teyir. Pir kêfa teyir hat û di ser serê wî re başkê xwe kir sî û guhdariyê lê dike. Ûsif destê xwe avêt lingê teyir: ji destê Ûsif filitî, tiştek ket dawa wî, nêrî ko hingulîskek e. Çiqa lê dinêre, li wî hingulîskê, tiştê wiha ne dîye.

Xeber bi mîr ve çû ko hemama te silimî. Bi def û zurna ve hatin pêşıya Ûsif, li hespekê siwar kirin û anîn dîwanê û gelekê jê dilxwêş bûne. Ûsif ji mîr re got:

— Tu li ser soza xwe ye? — Mîr got:

— Belê, kurê min, rabe here, cem Gulbarînê: min dayî te, tu dixwazî here, tu dixwazî li cem min bimîne.

Ûsif çû cem Gulbarîn: kêfa wan bi hevdu hat, û jê re got:

— Va diyariyek baş, hingulîskek min ji te re anîye!

Kêfa Gulbarîn hat. Ûsif jê re got:

— De rabe, emê herin!

Her yekê li hespekê siwar bûn û hatin hidûdên Canpola. Canpolabihna wan kir û hate pêrî wan ve. Li wê derê Ûsif ji Gulbarîn re got:

— Hewala min û Canpola ev e: tu ne ji min re ye, tu ji wî re ye.

Li wê der ma'dê keçikê nexweş bû. Dilê wê gelekî bi kul bû. Canpola hat û rahişte keçikê ji ser hespê û bihin kir, xwîna we hemi ziwa kir. Ji Ûsif re got:

— Here, muhneta sê roja ji te re ye; piştî sê rojan ez te li kî der bibînim, ezê te bikim aă!

Canpola çû şikefta xwe û Ûsif ma bi dilekî kul. Ji xwe re goncalek kola û xwe tê de vedişêre di miqabile şikeftê de. Îşê Canpola çi ye? Sibehê derdikeve, diçe nêçîrê, û êvarê tê. Wexta ko diçe, Ûsif tê cem Gulbarîn, kêf û heneka xwe dikin heya êvarê, û êvarê diçe, di goncalâ xwe de xwe vedişêre.

Çend rojan di vî hawayî de man. Rojeke Ûsif ji Gulbarîn re got:

— Lazim e tu bi hawakî li rûhê Canpola bipirsî, binêr rûhê wî li kû ye, ko em bikujin, heger ne wilobe, em jê xelas nabin.

Êvarê Canpola hat. Keçik xwe digirîne, Canpola jê re got:

— Çima tu digirî? — Got:

— Te ez anîme, di vê çolê de bitenê te ez danîme. Ne kes heye sebra xwe ez pê bînim. Ez ji dê û bavê xwe kut bûme û ez mame ji te re. Ez pir aciz dibim: tiştek ji min re divê ko ez sebra xwe pê bînim. — Canpola jê re got: — Te çi divê? — Keçikê jê re got: — Min rûhê te dive. — Canpola keniya û jê re got:

— Rûhê min dûr e, ezê ji te re bêjim: ruhê min di qutikê de ye û ev qutî di kaba şezalekê de ye, ev şezal di deşta heywanan de ye. Kehnîk di wê deştê de heye, çiqa heywanen wê çolê têne ser vê kehniyê, avê vedixwin. Ev şezal heya ko heywanik hebe, ew nayê, piştî ko heywana hemî av vexwarin, wê ewê bê ser kehniyê û heger bihna insana jî bike, wê bireve û ev şezal tu carî namire heyanî ko tîr û kevanek ji sindiyanê başhedadî Diyarbekrî lê keve. Ü ev sindiyan tu carî naşkê heyanî ko ne du mû ji riha min di bin de bê şewitandin: piştre wê bişkê ev sindiyan. Îcar, ya Gulbarîn, tu li ruhê min dipirsî kî kare bîne. Gulbarîn got:

— Îcar dilê min rahet bû, gumana min jê qut bû.

Piştî ko Canpola raza, Gulbarîn meqesek anî, çend mû ji nav riha wî quisandin. Sibehê Canpola çû nêçîra xwe. Ûsif hat cem Gulbarîn. Gulbarîn hewal jê re got. Ew çend muyêni riha wî dane Ûsif. Ûsif çû bajarê Diyarbekrê, çû dikana başhedad, li ber dikana wî sekinî. Başhedad jê re got: — Tu çi dixwazî? — Ûsif jê re got: — Ez dixwazim tu min li cem xwe bişuğlînî. — Başhedad jê re got:

— Baş e, tuê gi bixwazî ez bidim te roja te? — Ûsif jê re got:

— Ez peran ji te naxwazim, soz tuê bidî ji min re, heger sindiyanê te şikest, tuê ji min re tîr û kevanekî jê çêkî?

Ê başhedad keniya, got:

— Lawo, ji xwe re tiştekî dî bixwaze, sindiyanê min tucar naşkê — go — bila, qe, ez vî şertî bi te re bikim.

Li cem ma heft heşt rojan. Roja ïnê bi ser wan de hat, başhedad ji Ûsif re got:

— Çavê te li dikanê be, ezê herim limêja ïnê.

Piştî ko çû, Ûsif ev muyên di xwe derxistin û di bin sindiyên de şewitandin. Sindiyen teqiyeye. Dengê wî çû başhedad hindurê mizgeftê de. Başhedad hat û gelekî xeyidî û ma'dê wî nexweş bû. Piştê saetkêbihna wî fireh bû. Ûsif jê re got:

— Soza xwe bi cî bîne, ji min re tîr û kevanekî çêke!

Bâshedad jê re tîr û kevanek çêkir. Ûsif çû deşta heywanan. Li ber kehniyê ji xwe re goncalek çêkir û xwe tê de vesart. Dinya germ bû, nêrî ko heywan sef bi sef hatin ser avê, şêr û piling û rovî û gur û fil. Ciqa heywanen ko hene hatin, av vexwarin û çûn. Ûsif nêrî ko xezala wîna ji wê ve tê. Hêdî ji xwe re diçêre û nêzîkî li avê dike. Giha ser avê,bihna insanen kir: ew xezal reviye, müşwarekî xurt beziye ber bi çolê de. Gelekî tî bûye, carek dî vegekiye, hat û devê xwe xiste avê. Ûsif je xwe re got: — Ez vê xezalê li ser avê de nakujim, fro nebû sibe. — Piştî ko xezalê av vexwar, ji ser avê bi paş de çû, li xwe fitilî û bi stureyêd di xwe xwe dixurîne. Ûsif tîr û kevan berdayê, xezal kuşt, çû, lingê wîna şikênan, ev qutî ji qaba wê bi der xist, anî û hate cem Gulbarîn. Qutî vekirin, dîtin ko sê kurmik tê de ne, dido kuştin, ma yek, tayê bi qirika Canpola girt. Hêdî ber bi şikeftê ve tê, ban kir:

— Ez li bextê Xwedê û we me, honê min nekujin! We du kurm kuştin, yekî bihêlin, heyata min winda mekin!

Ûsif dixwest vî kurmê bidiyê, Gulbarîn rahiştiyê û perçiqand. Nêrîn ko Canpola di cihê xwe de mir.

Her du hatin, di quesra xwe de man bi dilxwesî. Sibehê Ûsif rabû û çû bajêr, her du birayêñ wî kuştin û ma hakimê bajêr.

Kurdistane û serê haziran sax be!

15. *Séro û Pîvaz*

Dibêjin ko carekê du zilam birayê hev bûn. Navê yekî Sêro û yê ê dî Pîvaz bû. Rojekê Pîvaz gote Sêro:

— Bira, min divêt ez biçim xulamiyê. Tu çi dibêjî?

Sêro got: — Tu bi dilê xwe yî, lê tu ji ya min bikî, naçî, tu nikarî xulamiyê bikî: tebietê te nexwes e.

Pîvaz got: — Nabit, ezê biçim!

Sêro got: — Bila be, tu bi dilê xwe yî!

Sibehî Pîvaz rabû, çû, bû mêvanê keşekî. Keşe gotê:

— Pîvaz, tu li çi digerihî? — Pîvaz got:

— Ez ji bo xwe li xulamîkê digerihim.

Keşe got: — Were, bibe xulamê min!

Pîvaz got: — Qenc e, sala min bi çi ye?

Keşe got: — Qewlê min û te ne bi sala ye, belkî qewlê min û te heta pêpûk bixwînî, ezê hevqas bidim te. Bi wî şertê ko heçî ji min û te bienirit, emê zolekî çerm ji pişta stoyê wî rakin heta ser dûvka wî.

Pîvaz got: — Qenc e.

Sibehî rabûn ji xew. Keşe got Pîvaz:

— Here cot, seyê min li kû rûnişt, li wê derê cot bike; êvarê barek darên bêtovil digel xwe bîne! Ezê taştiya te rêkim.

Dema Pîvaz çû çolê, seyê keşe çû, geriha, li ser berekî meşel hat. Pîvaz gayê xwe girêda, li ser tatê cot kir. Dema taştê, keşe tastê da keça xwe û gotê:

— Bêje Pîvaz, bila nan neşkênit, tokê mast jî neşkênit, fehît nekê têr bixwit. Evarê, dema mal hat, bila ga li derî de neêxit mal de, dîwar jî xirab nekê.

Keça keşe çû nîk Pîvaz, herwekî bavê wê gotê, ewê jî welê got Pîvaz. Pîvaz enirî, nan nexwar, ma heta êvarê. Evarê hat, got keşe:

— Mala te ne ava, ezê biçim mala xwe!

Keşe gotê: — Ma tu enirî?

Sêro got: — Erê, ez enirîm!

Keşe got Pîvaz: — Me qewlê xwe kiriye, ezê zolekî çerm ji pişta te vekim.

Keşe rabû, zolekî çerm ji pişta Pîvaz vekir. Pîvaz tevlî wê xwînê çû nik Sêro. Sêro got:

— Bira te li ser min lazim kir, ez biçim heyfa te.

Sibehî Sêro rabû, berê xwe da mala keşe, bû mehvanê wî. Sêro bû xulamê keşê. Keşe tistê gotî Pîvaz, welê gote Sêro jî. Sêro jî qebûl kirin.

Sibehî Sêro rabû, çû cot. Se jî bi xwe re bir. Se dîsa çû, li ser tehtake meixel hat. Sêro dest avêt berekî, li bin guhê seyê keşe da, kuşt; çû, li erdekî xweş cot kir. Dema taştê keça keşê taştıya Sêro anî:wek gotî Pivaz, welê got Sêro jî. Sêro got: — Qenc e! — Sêro rabû, jî nava nan xwar, dora wî neşkand. Binê dîzikê qul kir, tokê wi neşkand. Dema têr xwar, binê keçike jî qul kir. Keçik vege riha, hat, got babê xwe.

Dema bû êvar, Sêro rabû, nîr û halet şikandin, li kerê kirin, anîn mal. Dema Sêro hat pişta xanî, her du ga jî şerjêkirin, qet qet kirin, li kulekê re avêtin, û hat nik keşe. Keşe got:

— Xwedê qeweta te bidit, kanî seyê min? — Sêro got:

— Min seyê te kuşt, min keça te jî xirab kir, min nîr û halet jî şikêndandin, min gayên te jî şerjêkirin, qet qet kirin, li kulekê re avêtin. Ma tu enirî?

Keşe got: — Ne xêr, ez ne enirîme!

Keşe û jina xwe li hev şêwirîn, gotin:

— Emê îro kadê ji xwe re çêkî, esîdekê çêkî, emê birevin, Sêrobihîl xew de.

Pêkanîna xwe kirin, kada xwe, esîda xwe kirin ciwalekî û danîn wê derê. Dema keşe û jina xwe nivistin, Sêro rabû, tiştêñ ha ji ciwal derêxistin û xwe kir ciwêl de. Berî sibchê keşe rabû, ciwal hilgirt, jina wî kete pêş, çûn. Nîzîkî sibehê mîza Sêro hat, di ciwêl de mîst. Keşe got jina xwe:

— Keçê, esîda te çiqas têr-dihin e! — Jinikê got:

— Wê bima ji Sêro re, min hemî êxist esîdê.

Dema çûn nîzîkî gundekî, seh hatin wa. Keşe got jina xwe:

— Xwezî Sêro li hir bûye, da seh ji me vekirana.

Sêro got: — Mamê, keşe min dane ezê se ji we vekim. Keşe Sêro danî. Dîsa keşe û jina xwe li hev şêwirîn ko “emê biçî, şev li ser pirê razî”. Jinikê got keşe: — Tu li nav de raze, ezê li rexê te ê rastê razim, bila Sêro li rexê çepê razê. Dema bîbit nîvê şevê, emê rabin, Sêro bavêjin avê, jê rahet bibin! — Dema bû nîvê şevê, Sêro çû cihê keşê, keşe anî cihê xwe; demekê ma û bakir jinikê:

— Rabe, em Sêro bavêjin avê!

Jinik rabû, destêñ keşê girtin, Sêro lingêñ wî girtin, avêtin avê. Keşe li avê de çû. Sêro jina keşe jî ji bo xwe anî. Heyfa birayê xwe jî ji erdê rakir.

Çirok çû deştê, dê û babê min çûn bihuştê.

16. *Hakim û sé keçik*

Hakim û wezîr rojekê daketin seyranmişê di nav bexçan de. Nêrîn ko sê keçik hene, ji xwe re dolabê dirêsin. Hakim ji wezîr re got:

— Emê xwe veşerin, binêrîn be, ev qîz ci ji hev re dibêjin!

Keçka wezîr yek jê, yek keçka qadî ye û a sisîya keçka gavanê bajêr e. Nêrîn, keçka wezîr ji hevalên di xwe re got go:

— Heke hakimê bajarê me ez bikirima, minê jê re mexfûrek çêkirina ko hindurê mala xwe hemî pê raxistana û derenceyêd mala xwe heya bi hewşê. — Keçka qadî got go:

— Heger ez bikirima, minê jê re balafirek çekirina ko ew û miclisa xwe tê de siwar bibûna, kîjan dera ko dilê wan bixwesta, biçûna û bihatana.

Keçka gavan got:

— Heger ez bikirima, minê jê re du zaro b'anîna, yek qîz û yek lawik, her avdak ji porê wan yek zîv û yek zêr û hakim dengê wan dibihîsin.

Hakim û wezîr vegeriyan mala xwe û hakim ji wezîrê xwe re got:

— Here, keçka xwe ji min re bîne!

Wezîr keçka xwe ji hakim re anî û mehra wêna li xwe birî. Èvarê gava çû cem qîzikê, jê re got:

— Tu li ser soza xwe yî an na? — Keçikê jê re got:

— Ci soz e? — Go:

— Te di nav bexçan de got: “Heke hakim min bike, ezê jê re mexfûrekê çêkim”. — Keçikê je re got:

— Mi derew ji xwe re kir. Ez ci zanim mexfûra çêkim?

Keçka qadî jî bi vî hawayî.

Keçka gavan anî ji xwe re û jê re got:

— Tu li ser soza xwe yî? — Kêçikê got:

— Heke Xwedê bike, ez li ser soza xwe me.

Sala wê qediya, Xwedê teala du zaro dan keçka gavêن. Keskê din li cem we tu ne, her duhew iyêñ wê pê vc. Gava her du hewiyêñ wê dîn ko keçka gavêن soza xwe bi cih anî, pir jê qehirîn, çûn, du cewrik anîn û danîn ber wê, her du zarokêñ wê veşartin. Sindoqek anîn, her du zaro xistin sindoq, li wan girtin, qîr û zift kirin û avêtin bahrê. Çûn, ji hakim re gotin:

— Va, jina te du cewrik jê re bûne.

Hakim pir qehirî û çermekî gamêşî anî û jinik xist nav vî çermî û danî ser cadê û emir daye ser bajêr, heçî here û heçî bê tifkê bidin vê jinkê.

Di bajarê din de, yekî masîvanek heye. Carekî nêrî ko sindoqek bi ser avê re tê. Ev sindoq anî û hat cem pîra diya xwe û jê re got:

— Xwedê da me. — Gava sindoq vekirin, nêrî ko du zarok tê de ne. Her yekî tiliya xwe xistiye devê ê din û dimijin. Lawik û pîra diya xwe man ecêbmayî li wan zarokan. Ji diya xwe re got:

— Êdî tu karî tu nekî, çavê te li van zaroka be.

Ev zaro li cem pîrê mezin bûn, navê lawik danîne Ferzende û navê keçikê danîne Gulçiçek. Heyanî ko mezin bûne, emrê wan bû deh sal, her du li hev rûniştine û dibêjin: Çawan bavê me tu ne? Em ji pîrê re dibêjin yadê û ji lawê wêna re jî dibêjin yabo. Bavê me kî ye, divê em seh bikin. Çûn cem pîrê her du û jê re gotin:

— Yadê, ji me re rast bêje, bê bavê me kî ye! — Pîrê ji wan got re:

— Ya rastî, ez nizanim. Lawê min çû bû masîvaniyê û nêrî ko sindoqek bi ser avê re tê û hon her du tê de bûn. Em nizanim bavê we kî ye. Hon dixwazin li cem me bimînin, hon diwxazin herin!

Ferzende jê re got:

— Pîrê, t'aba xwe li me helal bike, emê herin.

Her du, Ferzende û Gulçiçek, rabûn û bi dinyayê de meşîyan. Ketic kerbela, hatin ber çemekî mezin, nêrîn ko quesrek li ber çem heye û wî alî çem, bajarekî mezin heye. Nêrîn ko quesir vala ye, banî ketin qesrê. Ev û xweha xwe tê de man. Mişwarek kûrt di vê qesrê de wextê xwe borandine. Ev bajar bajarê bavê Ferzende ye.

Keçka wezîr pê hesiya ko du zarok hatine vî bajarî. Seh kir ko ev zarok ên ko avêtine avê. Kuncîlên şîn li xwe kirin û çû qesra ko Ferzende û Gulçiçek tê de ne. Ji Ferzende re got:

— Heyfa te, xortê delal, ko hespê te tu ne ye. Divê tu herî hespê qemer ji xwe re bînî û lê siwar bî. Enceq minasibê te ye.

Ferzende jê re got:

— Pîrê, hespê qemer li kî derê ye? — Pîrê got:

— Lawo, heke te quesda ewî kir, t'ê bibînî; ez jî nizanim li ku derê ye, dibêjin li bajarê xerabe ye. — Ferzende go:

— Lazim ezê herim! — Xweha wî jê re got:

— Heke tu bi ya min dikî, tu na rî, tu zaro yî, t'ê li çoline bimirî herî kû? Ferzende go:

— Nabe, ezê herim. Ferzende derket û bi çolê de meşîya. Qonaşa du roja çû, gelekî tî bû. Nêrî ko zelamekî ixtiyar li ser devê rê sekiniye. Serbikekî avê pê re heye, giha cem kalo, xeyirhatin tê dan; kalo av dayê û jê re got:

— Ya xortê delal, t'ê herî kû? — Ferzende jê re got: Ezê herim hespê qemer. — Kalo jê re got:

— Lawê min, ya xortê delal, gelek peyayên weke te çûne wî hespî û venegeriyane. Tu nikarî bînî, vegere mala xwe! Go:

— Nabe, ezê herim. — Kalo nêrî ko ra tê na be, go:

— De ezê mesela hesp ji te re bêjim. Go ev hesp di bajarê xerabe de ye, kesek nikare wî zeft bike. Niha dinya navê rojê ye, germ e, niha li ber siha diwarekî bilind e, çavê xwe bigir, ezê te li ber vî bajarê xerabe deynim, here ser serê dîwêr û xwe bavêj ser pişta wîna. Hesp tihn e, ewê dihn bibe û bibeze. Tu jê re bêje: “Ya heywanê delal, ji roja xulka te bûye, tu ji bona min î.” Wê bisekine û t’ê bînî.

Ferzende çavê xwe girt, kalo destê xwe li pişta wîna xist; çave xwe vekir, nêrî ko di bajarê xerabe de ye. Miqabil xwe nêrî hesp bê xwedî. Çû ser dîwêr, mîna kalo jê re got kir û hespê xwe anî; hate mala xwe.

Keçka wezîr nêrî ko lawik hesp anî û keçka wezîr dixwaze wî bişîe bi rîkê de ko ne yê. . . .

Careke din hat ba wîna, jê re got:

— Hespê te pîroz be, tişk dîj ji te kêm maye! — Ferzende jê re go:

— Ci ye? — Go:

— Tu bê jin î, heger tu Bilbilhezar ji xwe re bînî, wê gavê t’ê kîf bikî.

— Ferzende jê re go

— Bilbilhezar ci ye? — Wê jê re got:

— Qîzek e, Bilbilhezar. — Ferzende go:

— Lazim e, ez wê jî bînim. — Ferzende li hespê xwe siwar bû û hespê wîna mîna bê difire. Bi çolê de çû, carekî nêrî ko kalo sekiniye; giha cem kalo, xeyirhatin tê da. Kalo jê re got:

— Tu herî kû? — Go:

— Ezê herimê Bilbilhezar! — Kalo jê re got:

— Gelek siwarêd wek te bûne kevir û ne gihane wê; ew hikmê cina ye, tu bi ya mi dikî, tu’ê vegevê. — Ferzende go:

— Kalo, oxiira ko ez pê de derim, ez tu car venagerim!

Kalo nêrî ko çare tê nabe, go:

— Lawo, tu niha herî qonaşa du roja, t’ê bigehî, sirtek bilind, t’ê binêrî hemî siwar in, bûne kevir. T’ê di wan siwaran de bibihorî, kehnîk di pêsiya te de heye, t’ê peya bibî, li ser vê kehniya avê, nanê xwe derxî û li ber xwe deynî. Rovîk heye, yekî ko gurî ye, wê bê cem te, t’ê jê re bê: “Kerem bike bi min re bixwe!” Rovî wê ji te bibêje: “EZ gurî me, çawan ez bi te re bixwim?” Tu bêje: “Xem naake, tu ji min çêtir î”, wê ev rovî bibe zilam, wê te bigihîne miradê te. Heger te wilo ne kir, wê te jî mîna wan siwaran bike kevir.

Ferzende bi ya kalo kir, giha wan siwara, rovî dî, qedrê rovî girt û rovî jê re got:

— Siûda te baş e, û ezê te bigehînim miradê te. — Rovî jê re got:

— Tu hatiye çi? — Ferzende go:

— Ez hatime Bilbilhezar. — Rovî go:

— Baş e. Ev qesra hana tu dibînî, t'ê herî ber derê qesrê, şerek di vî ali derî heye û qantirek li aliyê din heye. Goşt li ber qantirê danîne û giha li ber şêr danîne. T'ê giha bavêjî ber qantirê û goşt deynî ber şêr, ewê bi xwarina xwe dakevin, wê rê bidin te, tu herî hinduro. Çel ebîd hene li pişt deriyê qesrê de razayî ne, her çel cbîdan bikuji, qîzek li ser textê xwe de raza ye Bilbilhezar, rahêje wê li ser hespê xwe deyne û herc.

Weke rovî jê re xeber da, bi ya wîna kir û Bilbilhezar anî mala xwe. Pir kêfa wîna û xweha wî bi Bilbilhezar re hat. Bilbilhezar ji Ferzende re got:

— Lazim tu dara min bînî vê derî. Konaşa sê roja tuê herî, t'ê di welatê Tar û Barê kevî, wê li te bibe şeva reş, t'ê de di nav dora kevî, şaqekî jê bişkîne û bîne.

Ferzende çû, şaqek ji vê darê anî, li hewşê de çikandin. Sibehê nêrîn ko ev dar bi ser qesrê ketiye, çiqas fêkiyên dinya hene, di vê darê de çêdibin. Bilbilhezar ji Ferzende û Gulçiçek re got:

— Ev bajar ê bavê we ye û diya we niho di eyarê gamêşê de li ser cadê danîne, heçî dire û tê tifkê didiyê. Tu rabe, here qehwa ko bavê te lê rûniştiye û jê re bêje: “Ya hakimê delal, işev tu li cem me mîvanî yî.”

Ferzende çû qehwa ko bavê wî lê ye û jê re got:

— İşew tu mîvanê me yî.

Hakim lê nêrî ko ci xortê delal, eşqa hêkim çû ser wî xortî û jê re go:

— Baş e, ezê bêm.

Ferzende vege riya, hate mal û ji Bilbilhezar re got:

— Bavê min wê bê vê derê. Karê wîna kirin, xwarinek minasib jê re çêkirin! — Ü êvarê, Ferzende çû, hakim anî mala xwe.

Piştî ko şîva xwe xwarin, Bilbilhezar ji hakim re got:

— Ji me re çîrokekê bêje! — Hakim go:

— Ez nizanim, kerem ke tu ji me re bêje!

Bilbilhezar qiseta wîna û zaroyê wîna û her sê keçikan jê re got. Ji nû ve hakim nas kir ko zaroyê wîna ne. Kêfa wî gelekkî bi wan re hat û jîna xwe jî ji çermê gamêşî derxist û ew û zaroyêd wî li ba hev anîn û her du jinêx xwe ên din kuştin.

Serê Kurdistanê sax. . .

III VIE ET MŒURS DES KURDES

17. *Konê res*

Konê res bi pişkoj û rewakê û çît
bi pêşmal û perde û pargon û şerît

Di bin de çewal û tejber û kulav û nivîn;
bi pez û deve û hêstir û dewar û mehîn

Kebanî sipîdê radibî pir çeleng û bê xew,
sêpiyê li dar datênenê û li dar dixî meşka dew.

Bi dest navkîl û du lewleb in, û di bin re mexmer,
mast dibî dew û bi ser dikevî nîvişkê zer.

Nîvişkê xwe xwê dikî û tavêjî binê hîz;
li welatê jêrî hîz e, li welatê jorî dîz.

Sivika hindirû keç e, yan bûk e yaxud qerwaş
benik bi destâ û tûrê rengî li paş.

Kom dikî quncik û sitûrik û sergîn;
malxo rûniştîye, Çeko, Ferzende û Gurgîn.

Pez tê ser dana û bêrîvan diçin der,
şivan pez dikî kom û serbêrî li ber.

Şîr didoşin û vedigerin ciwanik û pîr,
kod bi destâ û li nav piştê eyarşîr.

Êvarî agir û pêtî geş dibî li nav konan
wek çiraş û loks yan stêrên li ezman.

Rencber û malxo bi tifing in bi qîrqîr û gizgiz,
tersê xwe diparêzin ji dijmin û gur û diz.

Çend rojan li warê xwe dimênin ew koçer,
bar dikin hêstir û bergîr û huştir û ker.

Bi ir û zir deng ji wan tê geh bi şehîn û kalîn.
Koçer diçin, siwar in, xort û kal û keçen narîn.

Wardozî tim diçin, digerin li waran,
dengê pez tê, kalîna berxa û warîna karan.

Kona datênin, şerîta vediresênin paş û pêş rind:
li pişt hev rêz dikin wek bajar û gund.

Mêkut radibî ser serê sing û di bin re pêwend.
Pev diçin pêşîr û benî û quflik û bazin û zend.

Diçêrênin kulîlk û hoşib û gihayê rengreng;
li wan diborîn sal û dem û çax û beng.

Bi şadî û dilxweşî dimênin bê keser û bê şîn.
Li cihan temaşa nakin, ey Seydayê Cegerxwîn!

CEGERXWÎN, *Diwan* (1945), 57–58

18. *Şivanê Kurd*

Kurd xwedî pez in û li çiyayêni bi têr çêre rûdinin. Çêreyêni çiyan dewlemendiya welêt pêk tînin. Bi deh hezaran pez li wê diçêrin, goşt û bez digirin.

Li zivistanê, çiya bi berfa stûr pêçandî ne, lê li bin tîréjêni rojêni biharê yên pêşîn tebiat zû vedinije. Berf dihele, erd nerm dibe, heşnayî û kulîlk qûntarêni çiyan dixemilînin.

Li çiyan hewa siviktir e û wek li newalan ne germ e. Ji lewre li wê, li havînê bi xwe, giya tu caran hişk nabe. Şûna giyayêni hişk bûyî, giyayêni dinêni ter derdi Kevin û kulîlk ciyêni xwe ji yên nû dihêlin. Pez her gav çêriyêni ter li ber xwe dibîne, û ji sibê heya êvarê bê-î ku ji gemiryê aciz bibe, diçêre. Li wê, wek li newalan pez ji puşî, mêsêni mezin û heşeratêni din aciz nabe. Li ser darêni çiyan bi hezaran têyir bi hev re difirin û nêçîra kelmêş û mîşa dikin.

Hema berf dihele, giya şîn dibe, û kulîlk vedibin, gundê Kurd xwe tev dide. Serê sibê zû, çûn û hatin destpê dike, Kurd xwe pêk tînin, da bi kerîyen xwe ve herin lêfa.

Kurdan li lêfan gelek bala xwe didin berxêni nû zayı, wan xweş têr dikin, da ku zû mezin bin û bikaribin, gava dinya dibe germ, derkevin zozanî.

Li zozanan, Kurda bi awakî xas, dicivin hev û bi navê “obe” ji 40 heya 80 êl pêk tînin, da bikaribin tev de li çiyan keriyên xwe biçêrînin. Li serê her obe “Oba başiyek” heye, endamê dewlementir û bi-nifûztirê xudiyên pez. Her tişt di bin emrê wî heye. Ew bêş davêje ser xelkê, ciyê çêreyan nîşan dide û wextê zivirandina wan dibêje.

Ew merkez bi intixabê dibû û gelek bi şeref bû:diviya bû her kes bê lam û cîm emrên “Obe Başî” bi cî bîne. “Obe Başî” hemen, hergav serekê qebile ye û li ber çavêن feqîr û karkeran hakimê mitleq e. Ji lewre, li ser şivanan wacib e, ji şîxûlên xwe yên şivantiyê pêve, hemî karêن “Obe Başî” jî bê pere biqedînin: anîna pezê wî konî, her êvar jimartina wî, her sibê paqîj kirina govan û derêxistina ziblê derive.

Li gundê Keleha Reş em bûne şivan. Em di meha Sibatê de hatine û hema giya di newalan de şîn bû, me pez da hev û me ew bire lêfan.

Li gora adetên wî ciyî, piştî pez digehe lêfan û dest bi zayînê dike, her kurdê dewlemend pezekî serjêdike, xwarin dirust dike, cîran û şivan diezimîne. Xudiyê pez û jina wî bi destê xwe xwarin didin mîvanêن xwe. Piştî xwarinê, xort stran dibêjin û bi şivanan re direqisin. Gava cejin di-qede, her kes sipasên xwe pêşkeşî mîvendarê xwe dike û dia dike, ku jina wî li havînê gelek rûn û penîr pêk bîne, ku tu nexwesi neyête pez û ku zozan bi xweşî here serî.

Wê rojê ha, mîvendar gelek comerdî nîşan dan û ewqas man û goştdan me ku çar rojan têra xelkê malêن me kir.

Kurdan ji vê cejnê re “Serê Pez” dibêjin. Di heyata xwe de cara pêşîn bû ku min ev tişt didît û jê hêyran mabûm; lê yadê û bavo dikenîyan û digotin ku “Serê Pez” ne cejneke ewqas mezin e, lê di nêzîkê de “Baro Dan”, roja salê ya xweştir, wê bê. Ez jî bê sebir li benda “Baro Danê” dimam.

Ji roja ku berxik hinek mezin û xurt bûn û berf hîn bêtir li çiyan helîya, Obe-Bâşî roja “Baro Dan”, ango derketina pez ji lêfan ber bi zozanan ve, tayin kir. Berî hefteyek her kes haziriya xwe ji vê rojê re dikir. Ev roj bi xwe hat.

Serê sibê xelk giş cilêن xwesik ên cejnê li xwe dikin. Keçêن ciwan cilêن birengêن ronak û têrzînet wergirtî, serên xwe bi kulîlkê ter dixemilan-din û xizêm datanîn bêvilêن xwe. Kurdan li stûyê mî, beran û bizinêن xwe gulîkêن rengareng danîbûn û li yên çêtirêن ji wan jî zingil daleqandîbûn. Piştire ew berdabûn nav pez û saeta meşê tayin kiribûn.

Ber bi rê derketina me ve, roj li ifiq qederek bilind bûbû. Ezman safî û bê ewir bû, hewa bi xweşîya germiya rojekê biharê û bi bêhna kulîlkan dagirtî bû. Her tişt pêkhatî bû û Obe-Bâşî emrê seferê da. Li peşîya “Baro

Dan” bi cilê xwe yê xweşiktir û bilûra wî di dest de, serşivan dimeşıya. Ewî wezîfeya serfermandar dikir: ji şivanên xort re, ji bo idareya berxikên piçuk û miyên neban talîmat didan. Li dû serşivan nêrî yê spehîtir dihat, li stûyê wî zingilê mestir danîbûn. Paşê gotin min ku ewî noteşa bilindtir lêdixist.

Berê em bi rê kevin, axa banî şivanên xwe dikirin û ji wan re digotin: “Bi girtina te ji xwe re şivan, ez ji te dixwazim ku tu wezîfeya xwe baş bi cî bînî û qenc bala xwe bidî pezê min.”

Gava tenbîhat qediyân, serşivan dest bi bilûra xwe kir û em gîş bi rê ketin. Keriye me bi nîzam li dû şivan diçû û duşivan û zaro li her du alî, vir da wê da, bazdidan, ne dihiştin ku nîzam xirab be û bi kopalên xwe an bi fîkandineke xas di nav kerî de ji her pezî re ciyê wî nîşan didan.

Ji vê rojê heya nihu gelek sal derbaz bûne, lê tesîrên cejna Baro Dan a pêşîn di bîra min de pir vejandî mane. Her wekî iro bû, ez li ber xwe rûyên biken ên zaro, xort û şivanan dibînim û stranên wan dibihîsim. Cilêni bi neqîş yên keçikên delal û serê wan ên bi kulîlkan xemilandî di ber çavêni min re derbas dîbin. Newal giş bi heşînayiyê pêçandî ye. Li her derê, ronahiya rojê diçirise û li dûr çiya hîn li bin berfê ne. Barîna mî û ya berxikan, stranên şivan û xortan li dûr di newalan de ekis dîkin û gundî ji malêni xwe derdi Kevin û têni sêyra me.

Ev tişt di salê de du caran çêdibin, li biharê, gava pez dîbin zozanan, û li payîzê dereng, gava ji zozanan vedigerin mal. Divê ji bîr nekin, ku dewlemendiya Kurdê koçer gi di keriyêni wan de ye. Kurdan ji şîr ne bi tenê penîr û rûnê xwe yên salekê derdixînin, lê jê gelek jî dîbin bajaran û li wê digel hirî û pezêni xwe yên zêde, wan difroşin û bi vî awayî bêşê xwe didin û ji kifletêni xwe re tiştêni lazim dikirin. Üsa qet ne ecêb e ku Kurdan çûn û vegera zozanan di heyata xwe de bûyerêni hêja bigirin û wan wek cejnêni mezin bihesibînin.

Li zozanan

Xort, piştî ku çend kîlometir bi germî bi me re meşîyan, em berdan û vege riyan malêni xwe, lê şivan û duşivan, zadêni wan li pişt wan, hêdî hêdî dom bi riya xwe dikirin. Adetî, roja ewil mesafeyeke piçûk dibirin, piştire her roj hin bi hin wê zêde dîkin da ku pez gelek newestînin û wî hînî cîguhirandinê bikin.

Kerî ji hev û du hinek dûr li du hev bi rê ve diçûn. Li qonaxa pêşîn, em hinek rawestan da ku pez hinek bêhna xwe bistîne û biçêre. Hingê bavê min, wek serekşivan, ji me re dest bi parkirina diyariyêni, ku axeyan

dabûn me, kir: nan, goşt, helaw û mîyweyêñ hişk kirî. Heya hatina axan, bavê min wekîlê wan bû. Li rê, êvaran, şivan dihatin cem bavo û şîret jê distandin. Gelek pirsa jê dikirin: Ji bo istiraheta mî û berxikan, çend car rawestan diviya bû, çend car ji wan re avdan lazim bû?

Li warê pêşîn, em bi tena xwe pir neman. Piştî çar rojan, axên me bi kifletên xwe ve hatin û di cî de konên xwe danîn.

Konên Kurdêñ dewlemend gelek mezin û bi çar, pênc çîtan ji hev veqetandî, bi mehfûr û secadeyan raxistî bûn. Kon hin ji wan ji hev dûr, hinekan jî li cem hev, li quntarêñ çiyan, li nêzîkî tehtan, lehî û robarêñ çiyan dihatin danîn. Ji dûr ev konên reş wek warekî eskerî dixuyan. Di van robaran de, masiyêñ berad hebûn, ku di wextê de ber bi kaniyan ve derketin. Her kes xwe li wê şidiyayî û şêntir dihesiya û şixul ji me re xweş û hêsanîtir dihat. Zaroyêñ axan ji sibê heyâ êvarê li derive diman, dilêystin, di robaren nêzîk de masî digirtin û li çêre giya diciñîn.

Jiyîna şivanan bi awakî din bû. Li vir jî, dewlemendêñ Kurd ji yên Molokan kêmîtir em ne diêşandin. Li vir jî em perişan û bedbext bûn. Di hatina me ji deşte ber bi zozana ve, di ser kevir û zinaran re, em pêxas gihaştî bûn jor. Ji dirih û daran cilêñ me diqetiyân û em bi kincê zerzili diman, wek li cem Molokan. Malê min ji van tiştan pêve ne bû: kulavê şivaniyê ku bi şev min xwe pê dipeçand, tûrikê xwey, perçeyek nan û pîyanek. Carna ji şivana hinek şîr min bi dest dixist. Diviya bû ku xwarina germ tu car neyê bîra me. Digel vê yekê, halê min dîsa ji yên din hinek çêtir bû. Her du, sê hefte carek min dikarî serekî bidim mal û li wê ji destê diya xwe xwarineke germ bixwim. Bav û birayêñ min hin ji me bijortir pezê mêsîn diçerandin, di şiverêyeke welê re ku pezê biqiloç nikari bû derbaz be. Ewan bi mehan rûyê mal ne didîtin.

Li ber destê min kerek hebû ku pê carna berxek nexweş an lingsîkestî min tanî mal. Hurmirê min jî giş li ser pişta vî kerî bu. Şivana hemû 24 saetên xwe li bin ezmîn derbas dikirin. Wextê baran û bager min xwe li bin berîha, di şikeft an di quncikeke şîl de, vedişart û bê agir bi cilêñ xwe yên şîl, bi saatan ve li wê ji şermê dilerizîm. Carna bi heftan, heta bi mehan ve, min dengê tu însan ne dibihîst.

Di jiyîna xwe de li ciyêñ kuvî em her gav li ber xetera mirinê bûn. Me pez ji tada guran, ji çeteyêñ dizan, ji herikandina sîpanêñ berfê û ji gundirbûna keviran diparast. Carna kevirêñ mezin ji serê çiyan bi dengekî gur digundirîn û li ber xwe ci hebû dibirin newalan.

Bi rojan em li palêñ ciyayêñ aşê, di kenarêñ zinaran re, û di kortalan de dimeşîyan, pez ji ciyêñ bi xeter bi dûr dixist û bala xwe dida ku tu ziyan ne gihe axayêñ me. Carna bi strandin an bi fîkandin, bê tirs û telaş, wek

pez kuviya, ji tehtekê me xwe davête tehtekte din. Le piştire me li jêr dinêrî û li bin xwe newalan an kortalên kûr ên bi lehiyan didîtin: tirs dîkete dilê me û em jê gêj dibûn. Her wekî dibêjin: ji mirinê em bi tiliyekê dûr bûn. Lê li miqabile van laşê me xurt û hisêne me tûj dibûn. Di cî de, bi roj an bi şev, gava tiştekî xerîb xwe nêzîkî me dikir, em pê dihesiyan û dengêne gelek nizm zû digihaştin guhên me.

Lêstikên me

Car car duşivana keriyên xwe nêzîkî hev dikirin û bi xweşî bi hev re dilêyistin. Hin ji lêyistikên me ji yên kevin bûn ku ji piçûkahiya xwe de me dizanîn, lê hin jê me bi xwe derdixistin. Ew jî pir caran reqis û stran bûn. Mesela, me destêne hev digirtin û me heleqeyek çêdikir; yekî ji me distrand û ên din jî bi dengekî lê divegerand. Yek ji stranên me ev bû:

Lo şivano, lo, lo, şivano, dil bi kulo, dil kovano!
navê şivanê'm Elî ye, pez berda dora gelî ye.
Lo şivano, lo, lo, şivano, dil bi kulo, dil kovano!

Bilura şivan'm zêytûn e, pir bedew û şikil çûne,
bi wî dengê xwe yê xweş e, di bilûre de dixûne,
Lo şivano, lo, lo, şivano, dil bi kulo, dil kovano!
Lê keçikê, lê bedewê, navzirav û laşqelewê!
Gava çavê m'le dikeve, narazim ez roj û şevê.
çavêne te î di reş kuştım, ax û eman gidiyano!

Me stranên kevin ên li ser egîdan jî digotin, wan zilama, ku bi meranî, ji bo bi destxistina çêreyên baştı, xwe davêtin ser Kurdên din, ew dikuştin an ew bi xwe dihatin kuştın. Carna me bêhna xwe bi şerê beranan jî derdixist. Ji nav keriyên xwe li beranên xurt û şerker digeriyan, ew berditan hew û seyra wan dikir. Karkirî ji me ew bû ku beranên wî bera yên dîtir dida.

Ev lêstikên me bi dizî çêdibûn. Axeya qebûl ne dikir ku em keriyên xwe bînin cem hev, ji tirsa ku pez ter nexwê û goşt negirê.

Di tenahiya me de, teseliya me ya bingehîn bilûra me bû. Her yekî ji me yeke wê hebû û xweş lêdixist. Bilûr bi kêrî gelek tiştan dihat: bi hew-akî hezîn, me pez û kerî li hev didan, bi ahengeke din me ew dibirin avê, dîsa bi nexmeke din me banî yên winda bûyî dikir. Hêdî hêdî me ew hînî deng û nexmeyan dikir. Gava berxik hin gelek piçûk bûn û me ew dibirin avdanê, me ji wan re bi awakî welê dixist ku li ciyên din naye lêxistin.

Gava me xwey dida wan, dîsa bi hewakî xas me ew didan hev. Berxên me zû dielimîn dengê bilûra û ew ji hev gelek xweş ferq dikirin. Kîjan deng ji bo kîjan sebebê bû, zû dikete guhê wan û li gora wî dikirin.

Ji zozanan veger. — Cejna payîzê “Beran berdan”.

Koçeriya Kurdan xwedî pez ne bê sebeb e. Li biharê di newalan de berf zû û li çiyan dereng dihele. Berî li quntarêñ jêrîn despêdike û hêdî hêdî, her hefte, li ciyêñ ku berf li wê winda dibe, li bin germiya rojê, erd şîn dibe û bi giyayêñ ter tê raxistin. Bi berfê re ku hin bi hin xwe bi şûnda dide, koçer bi keriyêñ xwe ve hin ber bi bilindahiyê ve derdikevin. Li payîzê, piştî nîvê çiriya pêşîn, tevdan ber meqlûb despêdike. Li newala baran û li çiayayêñ bilind berf dikevin. Kurda jî bi keriyêñ xwe ve ji ber berfê direvin, berê xwe didin jêr û digehin warêñ xwe yên berê. Li wê nihu giya ku li havînê hişk bû bûn ji nû ve ter derdikevin. Piştire, di dawiya payîzê de, pez dadikeve newalêñ ku hin berf li wê ne ketiye, eger bikeve jî zû dihele û qet xwe nagire. Digel vê yekê, berf dereng namîne ku bigehe newalan jî; hingê xwediyyêñ pez bi keriyêñ xwe re vedigerin war-gehêñ xwe yên zivistanê.

Kurda vê vegera payîzê bûyereke bi xêyir dihesibînin, ji ber ku rojêñ zozana, her xweştir û serbestir bin jî, ne bê xeter in. Ev dem bi xweşî digehe dawiya xwe û kerî bi selametî vedigerin ciyêñ xwe û şivan jî kiriya xwe ya havînê timam ji axayê xwe werdigirin. Digel vê yekê, ev roj ne wek a “Cejna biharê” ye. Di vê de kêmîtir tevdan û can heye. Guhirandina mewsim li ser nefsa Kurdan tesîreke mezin dike. Ev tesîr di dema hatina rojêñ payîzê yên bi mij û baran de hîn bêtir xuya dike. Yek dibe qey pez bi vê guhirandinê dihese. Gava min pezê xwe ji zozanan ber bi germiyan ve dibir, welê ji min re dixuya, ku heywan bi serêñ xwe yên bi awakî dil-şikestî xwar kirî ji borîna rojêñ serbestî yên çiyan poşman bûne û nax-wazin vegerin govêñ teng, û heya dawiya zivistanê ji azadî mehrûm têde bimînin.

Lê heyat bi ihtiyac û zerûretêñ xwe me hergav bin dest dike. Jinêñ xweyî pez, li ser riya vegera mal, ji hev dipirsin eger havîn xweş derbaz bû an na? Bi hev re hêsab dîkin û ji hev dipirsin her yekê ji wan çiqa rûn, penîr û cacî li hev daye?

Îşê peyda kirina Çêreyê zivistanê jî ne hêsanî ye. Her wekî koçer li havînê ji pezê xwe re ji bo zivistanê tu êm pêk nayînin, di zivistanê de pezê xwe derdixînin çêreya.

Pîreka bi tiştên ku ji çerçiya kirîne, xwe dinepixînin û wan şanî hev dîkin: destmal, derzî, ta, biçkov, kibrît û zînetên por. Xort û keç sirêن xwe dibêjine hev: ji xwe re kê û kê dergistî girtine û wan distînin an na? Dilketiya behsa rojêن bextiyarî yên zozanan dîkin û ciyêن, ku bi delalêن xwe re bi sactan li wê diman tîmin bîra xwe; kaniyêن ku ji ava wan ve-xwarin, şevêن tavheyivê, gava bi tena xwe ji çavêن xelkê dûr, li bin stêra, li serê çiyan, di nav kulîlk û hesînayiyê de, deqîqeyêن jiyîna xwe yên xweştir derbaz dikirin lawika digotin û direqisin û di dawiyê de, bi navê Xwedê sond dixwarin, ku heyâ mirinê ji hev re sadiq bimînin. Ev tişt nihu giş dihatin ber çavêن wan û pê dilê wan davêt.

Keç diyariyêن, ku ji dostêن xwe sitandi bûn, şanî hevalêن xwe didin: gustîlkêن zîv, ên paxir, eynikeke dora wê zêr kirî, mirariyêن rengareng.

Xort jî ji aliyê xwe hediyeyêن xwe şanî hevalan dîkin: Destmal, cizdanêن neqîş kirî, kirâsêن bi neqşen hevrîsim goreyêن hirî, lepik ... Ev giş û li dora wan giyayêن zer, kulîlkêن hişk bûyî, dar bi pelêن xwe yên cilmişî, ezmana tarî û bayêن hişk, deriyêن zivistanê vêdîkin û li benda we disekînin.

Bi vî awayî, Kurdêن koçer bi kiflet û keriyêن xwc ve li ser riyêن bi herî, ber bi warêن zivistanê ve dimeşin. Gava digehinê, pîrek hurmirêن xwe zû saz dîkin, tiştên ji çiya anî bi cî dîkin, pez dijmêrin û karên xwe pêk tînin.

Piştire cejna “Beran berdan” tê. Ji vê re, ji her kesî bêtir, kefa şivan û ya duşivanan tê. Di vê rojê de karê wan xilas dibe û kiriya xwe ya havînê ji axêن xwe distînin. Roja “Beran berdan” -ê, mî dixin govekê bi tenê û beranêن tevê, ku li havînê ji wan cuda diçêriyan, berdidin nav wan. Üsa dîkin ku li biharê giş di carekê de bizên.

Gava beran berdidin nav miyan, Kurd tifingan berdidin, herwekî şahîneta ziwaca miyêن xwe dîkin. Wê rojê ha xwarinêن rengareng çêdi-kin, xelkê diezimînin, banî belengaza dîkin û ji wan re xwarin didin.

Keçêن ciwan destmalêن xwe ji serêن xwe dîkin û wan davêjin stuyêن beranêن hêjatir û xort jî diçin, destmalêن keçêن, ku hez dîkin û dixwazin, bistînin, direvînin. Dê û bav bala xwe didin ka kîjan xort destmalê keça wan distîne. Bi vî awayî dizanin ku keça wan li havînê bi vî xortî re li hev hatiye û di dilê wê de heye ku wî bistîne. Eger dê û bav razî dîbin, nişana wan tête birîn û piştî demekê jî daweta wan çêdibe.

19. *Mêshingivî*

Di Kurdistanê de li cihê Botan li Qeza Şernex eşîrek heye: navê wê Eşîra Kendaliya ye. Eşîreke gelek piçûk û hindik e, bi xweyîkirina pezê çûr û bi dihindana wan gelek meşhûr û bi nav û deng e. Lê nemaze û sê behran bi pispûrî û serve-bûna mêsên hingivî héj meşhûrtir û bi nav û dengtir in.

Herwekî ez bi xwe di sala 1938an de wextê li welêt bûm, ez û çend mirov û pismamên xwe li gelî û niwalên çiyayê pişta Şernex digerayîn. Me dît ko çend zilam ên bi gopal, das, bivir û çelte bi mil ve wê li nav kelebestan de giya, kuç û fersan de digerin û têñ û diçin. Wextê min holê dît, min ji wan pirs kir:

— Pismam, ma ci li hewe qewimiye ko hûn vê spêda hinde sar û cemidî li nav van giyan û vê erda xwîsgirtî û şil digerin, têñ û diçin? — Gotin:

— Pismam, a niha tu dibînî dinya iro bihar e û erd hemî kesk û heşin bûye. Vêca wextê mêsên hingivîye, mês hingivî hingiviyê xwe dikan çêkin. Ji lew re em holê kin, ev li me qewimiye.

Îca min ji wan re got:

— Ka xêra xwe niha ji min re bêjin ka hûn çawan çêdikin û dizanin û serve dibin.

Gotin:

— Biha re pismam, mêsên hingivî dê bêñ, li erdê têr av, gul, kulilk û giya bigerin û danîn, têr avê vexwin û ji gul, kulilk û giyayêñ bi bihin û bihindar barikêñ xwe çêkin û bi lingêñ xwe ve girêbidin û bişidînin, bifirin û paşê biçin mal û cihê xwe û hingiviyê xwe çêkin.

Vêca em jî dê bêñ, li wan digerin û hêre bikin. Wextê me holê dîtin: emê xwe li hêviyê bigirin heta firîn û çûyîn. Heke me dît nîv fitlekê an du fitlan firîn û çûn, hingê em dizanin cihê wan nîzîk e û ne dûr e. Heke me dît sê çar fitlan bilind bû û xwe dewir da û firî, hingê em dizanin cihê wê dûr e. Dibit ko riya saetekê hebit, emê lê digerin û pê biçin, heta em vêdi Kevin û serve dibin. Vêca emê tîj û hûr lê binêrin ko berê xwe kû ve da û çû. Emê xwe bi wê hindamê bigirin û herin. Em winda nakin heta em rast biçin ber devê qula wan bisekinin: vêca eme dest birîna meşa xwe bikin, meşa xwe bibirin, hingiviyê xwe jê derêxin û biçin mala xwe.

Dibêjin rojekê Mihemed begê mîrê Botan li zozanê Herekolê bû. Ji civata xwe re got:

— Me divêt em vê hefteyê herin, seyrana xwe li Kêla-Memê bikin.

Kêla-Memê zozanê Goyan e, gelek bilind û xwes e, pez gelek lê qelew û xurt dibin. Çiya û avêñ wê gelek bi xêr û bêr in.

Rabûn, kar û barê xwe kirin, xwe pêk anîn û çûn: li Kêla-Memê danîn û dest bi seyrana xwe kirin. Mîr Mihemed digel civata xwe li nav mîrg û çîmenekî têr av û giya de li ser kaniyeke sar û cemidî rûniştin. Dîtin ko mîşek ya hingivî ji jor de hat û li ser avê danî. Di nav civata mîr de zilamekî Geverî hebû. Gever gundek li cihê Botan, li qeza Şernex, li qûntara çiyê û zozanê Çiravê ve ye. Wî zilamê Geverî got:

— Mîrê min, ev meşa ha ya hingivî meşa min e û ji gundê min Gever hatiye.

Mîr got:

— Te çawan zanî ko meşa te ye?

Zilamê Geverî got:

— Ez dizanim ya min e. Ka em rabin bicerîbînin. Heke meşa min derneket, bila mîr serê min lêbidit.

Rabûn, meş girtin û piçik ermîşim bi lingê wê ve girêdan û berdan. Meşa gewir firî, çû. Mir rabû, xulamekî xwe û rast û dirist digel mîrikê Geverî rîkir. Her dû vêk re çûn Geverê, li ber dinbaşka meşan rûniştin. Dîtin ko ew meşa nîşankirî di ser gurbika xwe re difirit. Vegeriyan nik mîr û mesele jê re gotin. Mîr ji Geverî pirsî:

— Te bi çi rengi zanî ko meşa te ye?

Mîrikê Geverî got:

— Mîrê min, gava min dît meş rabû û bilind bû û xwe dewir da û berê xwe da nişûv û bilind firî, hingê min zanî, ew meşa min e.

Mîr rabû, Geverî xelat kir.

M. E. Botî, *Hawar* 56,5

20. Nêçîr.

Li welatê Kurdan nêçîr û nêçîrvanî tiştekî welê ye, ko her Kurd pê dizane. Çawan Kurd bi cengçûyî û şerkerî hatine nasîn, welê jî bi nêçîrvaniya xwe dilges in. Li Kurdistanê nêçîr û nêçîrvanî li goreyî cih û eşîran tê guhartin. Nêçîra ko ez dixwazim çêla wê bikim, herçiya li nav eşîra me Mirdês pê emel dikin û dizanin e. Heye ko li cihine din awane nêçîrê ên din jî hebin, ko min ne dîti be û ne jî bihisti be: lê herçiya dinivîsim, nêçîra ko min dîtiye û tiştekî jê dizanim. Li nik me di navbera rawir, dirende û firende dc heft texlît nêçîr hene ko hinekê wan bi çend çîşitan dîbin.

Nêçîra hirçan

Nêçîra van celeb direndeyan bi sê çîşitan dibe. Çîşîte pêşîn kêm nêçîrvan dikarin pê rabin, ko jê re dilekî xurt dixwaze. Nêçîrvanê vê nêçîrê

ji bo destê xwe ê çepê lepikeke kulavî pir zexim tevî singekî hesinî ï duserî û dunukul dide çêkirin. Xencera xwe bi werîsekî ve jî dibe û tevî hevalekî diçe ser devê kunhirçê. Serîkê werîs li pişta xwe girêdide û serê din dide dest hevalê xwe û dibêjê: “Heke heya nîv saetê ez ne hatim, cendekê min bikişîne!” Piştî vê gotina han xwe berdide kunhirçê. Kunhirç gelekî kûr û daketina wê e dijwar e. Nêçîrvan hêdî hêdî pêda diçe: dema digehe dawiyê, borîn bi hirçê dikeve û dirêjî nêçîrvan dike. Gava hirç xwe digehînê, nêçîrvan destê çepê ko lepikirî û singhesîn tê de derbasî devê hirçê dike. Hirç bê dilovanî destê ko ketî dêv gez dike. Di wê gezkirinê de ya ko xwelî bi hirçê dibe. Her du seriyên sing ên dunukul di çen û ezmanê devê wê da cit dixin. Ji ber ko her du seriyên sing e dunukul in, nema bi der tê. Nêçîrvan piştî ko bi vî awayî xwe ji devê hirçê diparêze, bê ko kêsê bide destê wê, bi destê rastê xencera xwe di ser û binê parxanan de bi lez çend caran dadiçikîne. Heke nêçîrvan ï xencerhingêv be, bi du xenceran perda dil diçirîne û davêje erdê. Ji xwe gava birîna hirçê ne ji dil be, bi sed xenerî jî namire. Dema hirç dikeve, nêçîrvan werîsê bi pişta xwe va vedike û pê lingê hirçê girêdide û welê dikişîne derê kunê. Di vî awayê nêçîrê de li nav Mirdês Mehmedê Silêman axa ï jêhatî bû.

Çîşîtê dudûyan: Vî awayê nêçîrê, nêçîrvan dîdevaniya kunhirçê dikan. Ci gava şopa lingên hirçê an tersê wê ê nuh li dora kunê dîtin, sê-çar nêçîrvan tev tê û di dorhêla devê kunê de xwe vedîşîrin. Piştî roava ko tariyê erd hilçinî, ji bo çêreyê hirç bi derdikeve. Gava ji derê kunê bi derket, hemî bi hev re tifingên xwe pê de vala dikan. Heke birîn ne xedar bin, hirç direve û difilate.

Çîşîtê sisiyan: Ev awayê nêçîrê di mehêن Gulân û Hezîranê de dibe. Piştî ko berf li çiyê radibe û giyanermik di kortan de hişîn dibe, hirç piştî roava û berî birbangê du danan ji wî giyanermikî diçêre. Ji bo ko nêçîrvan bikari bin derba xwe bihingêvin, di hîveronan de diçin vê nêçîrê. Nêçîrvanên jêhatî pir caran ji vê nêçîrê destvala venagerin.

Nêçîra keftaran

Heke keftar ji birê direndan be jî, li cem me bi wî çavî le nanihêrin. Ev rawirê leşxwer bi qasî ko ji direndan bête jimartin ne ï jêhatî ye. Bi tenê xelkê Sûriyê ew jî xistine nava direndan û zarokên xwe pê dikan xwe. Heke min va benda han li welatê Kurdan binivîsîna, teqez min dê ew ji birê rovî û çeqelan bihesibandana. Lî ji ber ko îro di Sûriyê de rûdinim, divê hinekî hurmeta şîûra xelkê cih bikim. Ji bo xatirê vî xelkî bila keftar jî dirende be.

Nêçîra keftaran li hemî hêlên Kurdistanê bi awakî ye. Ew jî ê ko temayıya kavilê keftêr dike, kêt û benê xwe digire, bê ko hesaban jê bike dikeve kuna wî. Dema keftar nêçîrvêni dibîne, ji tirsan diranêni xwe li hev dixîne û şeqeşeq jê tê. Hînga nêçîrvan jê re lawikan dibêje û heke def pê re hebe, li defê jî dide. Li ber dengbêjiya nêçîrvêni, keftar weke keran guhan bi xwe de digire û nêçîrvan jî her du eşkan bi kêrê diqelêşe û serîkî bêni têra dike û zexm girêdide. Paşê serê bêni ê mayî digire û dertê derve û hînga dikişîne. Gava kişande derve û çav bi roniyê ket, nema li ber xwe dide; wekî keran li pê nêçîrvan diçe. Hînga nêçîrvan digire û tîne nava gund. Piştî ko serekî raveyî xelkê dike, kevirekî li serî dide û dikuje.

Carekê min yek ji keftaran girtî dîti bû. Bêtirî ko kovîti nişan bidana, şermok xweya bû. Heke ez bêjim, rûmeta rovîkî di serçavêni wî de tine bû, teqezi min zilim lê ne kiriye. Nêçîra keftaran karê gewendan e. Heke bê gewendan jî hinekêni din hebin, teqezi ew jî ji gewendan ne e dûr in. Min dil hebû çendekan ji lawikêni ko nêçîrvan ji keftêr re dibêjin binivîsim. Lê paşê hate bîra min ko sazbend di pişt keftaran rabin û bêjin: keftar ne direndeyekî ewçend ì tirsok e, lê ji ber ko mîla saz pê re pir e, ji xwe diçe û nema dibîne ko eşkêni wî têna qelaştin.

Nêçîra koviyan

Nêçîra van celeb rawiran bi du çîşitan dibe. Yek: çend nêçîrvanêni jê-hatî diçin gomêni wan û di goman de dikujin. Gomêni pezkoviyan hergav di êniyêni zinarêni mezin û asê de dibe ko ne rê û ne jî xaçerê pê nakevin. Ji xwe kovî di çûyîna rûyê zinaran de gelekî jêhatî ne. Dema nêçîrvan diçin diyarê zinarê ko gom tê de, nêçîrvanê şanpaz di rûyê zinêni re dadikeve gomê û koviyanêni tê de direvîne. Hînga ên li diyêr tifingêni xwe pê de vala dikan. Ji ber ko kovî gelekî sivik in û zû li ber çavêni nêçîrvanaan winda dibilin, nêçîrvanê pir ê sivik û bi desthilanîn, ji du berikan zêdetir nikare bavêjê. Hin caran nêçîrvanê, ko di êniya zinêni re xwe berdide goma koviyan, bi xweşi li hevalan venagere. An lingê wî dişemite, an jî di nîvê rê de kovî xwe lê diqelibînin û di bilindiya 800-1000 gazî de dikeve xarê ko perçê wî ê mezin guh dimîne.

Çîsîtê dudûyan: gava berfa kepekkî dibare, nêçîrvan bi çiyê dikevin û şopê digerînin. Gava bi ser rêçen wan ve bûn, li pê diçin heyâni dibînin. Hînga nêçîrvan û jêhatibûna xwe yekî, dudûyan, sisiyan jî dikarin bikujin. Goştê koviyan payîzê, berî ko nêri diçe nav kerîyan, xweş tê xwarin. Ji ber ko di vê demê de gelekî qelew dibilin.

Nêçîra roviyan

Nêçîra van celeb rawiran bi tenê, ji bo kavilên wan tête kirin ko du awa ne. Yek di dora gindan de feq lê tê venandin ko vê nêçîrê gewende û dûman dikan. Awayê dudûyan bi seyên nêçîrê û tajîyan têne girtin, ko min jî ev nêçîr kiriye.

Nêçîra kêvroşkan

Ev nêçîr bi çar çîşitan dibe. E pêşîn bi tajîyan ko awayê kirina vê nêçîrê ji her kesî re nas e û ne hewceyî salixdanê ye. Ji vê nêçîrê re, ji agahiya segman pirtir xurtiya tajîyan divê. Min pênc salan ev nêçîr kiriye.

Ê dudûyan li erdê dibe ko her nêçîrvanek bi kêrî vî awayê nêçîrê nayê. Ev celeb nêçîrvan gelekî bi bînayî ne û li erdê dibînin. Gava nêçîrvan kêvroşk li erdê dît, hêdî hêdî di dorê re doş dibe heya nîzîngiyê lê dike. Dema nîzîngî lê kir, bê rawestîn tifingê berdide.

Ê sisiyan: piştî rakirina bênderan, kêvroşk bi şev têñ û li ser bênderan hewên di nav kês û efarê de hildiçînin. Nêçîrvanê vê nêçîrê bi roj diçin ser bênderê û kozika xwe çêdikin: bi roava de têde rûdinin. Gava bi şev kêvroşk tê ser bênderê, bi tifingê lêdidin.

Ê çaran qemelax e, ko di berf barînan de ev celeb nêçîr dibe. Dema du sê bost berf dibare, berî ko berf xwe bigire û hişk bibe, çend nêçîrvan tev de diçin. Ci kêvroşkêni ji pêş wan rabin, naflitin. Ji ber ko lingên kêvroşk kin in û heya bin zik di berfê de terin xar. Heke bi holbûnê bi qasî du sê sed gaz bireve jî, zû diweste û tête girtin.

Li cihêñ mayî anê li deştan di hin cihan de bi teyran jî nêçîra kêvroşkan dikan. Lê di ve nêçîrê de, ev celeb teyr bi serê xwe nikarin kêvroşk bigirin: bi tenê arikariya tajîyan dikan. Ev arikariya han ew e ko gava kêvroşk radibe, nêçîrvan teyr û tajîyan bi hev re berdidin. Bê şik teyr berî tajîyan xwe digehînê. Di dema giheştinê de, ji ber ko nikare bigire an rake, perêñ xwe li çavê kêvroşk diexe û ji tırsan kêvroşk li ser piştê xwe davêje erdê û tajî digehînê.

Çiqas ko teyrêñ xurt, ûn ko kêvroşkan û hin ji wan mezintir rakin jî hene, lê ev celeb teyr bi kêrî nêçîrvanan nayêñ. Ji hêlekê, ewçend e mezin in ko ranabine ser destan, ji hêla din, ewqas e kovî ne ko kedî nabin. Di nava teyran de ê xurtir û dirende ev in. Ji van li welatê me teyrêrêş û dûbirang hene. Hinek ji Kurdan bi teyrêres re terlan jî dibêjin. Ji ber xurtî û zexmiyê Kurd wî padişahê teyran dizanin.

Nêçîra masiyan

Nêçîra masiyan li nik Kurdên berav pir çîşît in. Lê herçiyêن, ko li cem me pê dixebeitin, çar in:

Ê yekê, tor e ko ev awayê han ji hemî kesan re nas e. Ji lewre di wî warî de peyivînê ez zêde dibînim.

Ê dudûyan çengel e ko ev celeb nêçîr karê zarok û biçukêن ko newêrin xwe bidin nav avê.

Ê sisiyan bi destan girtin e, ko ev celeb nêçîr li nik berçemîyan gelekî bi rewac e. Vê nêçîra han xortêن şampaz dikan. Di rojêن havîn û paîzê de birek xort digehêن hev û diçin ber çêm. Kîjan cihê ko fireh û kûrayî hindik e, di wir de xwe berdidine çêm. Ev masîvanêن han her yek kirasekî an derpeyekî li ser xwe dihêlin û di rex hev re bi nava çêm de dimeşin. Herçî masiyeñ heyî li ber wan direvin û xwe davêjin keviya çêm bin keviran û ïnikan (kun û şargehêن masiyan). Hînga masîvan xwe noqî avê dikan û yek bi yek, dudu bi dudu derdixin. Carina jî masiyeñ li pêş xwe li keviyêن tenik asê dikan û hînga di dorhêlê de rûdimin. Bi vî awayî hêdî hêdî qûnxuşkî berve hev têن. Gava cih li masiyan teng dibe, dixwazin xwe li nav lingêن masîvanan de veşêrin. Hînga nêçîrvan destê xwe li ser stoyê wan datînin û digirin.

Ê çaran avbirîn e. Ev çîşîtê han bi birîna ava çeman dibe. Pir caran zivistanê, dema av pir dibe û di çêm hilnayê, di rex çêm de réne nuh vedike. Havînê gava av hindik dibe, vedigere halê berê. Hînga masîvan diçin û pêşıya avê digirin û li riya nuh siwar dikan. Gava av li ser riya kevin hate birîn, masî cih cih di pengavan de û hinek jî li giharê dimînin. Wê gavê masîvan bi destan pê dikevin û hemîyân digirin. Herçî berferatî, nêçîra wan bi piranî dîsa di devê çeman de dibe. Ew cihêن ko tê de çem dikevine ser Ferêt.

Bi navê metranê tiştekî wekî riman heye ko berferatî pê masiyan di-kujin. Metran pişk wekî rimê ye, bi tenê sere wê ï dunukul e. Gava masîvan davêje mêsî, ko li kîjan cihî keve, nema bidertê. Bi dawiya metranê ve benek heye, ko serîkî wî benî bi pişta masîvan ve girêdayî ye. Metran wek cirîdan tê avêtin. Dema li mêsî ket û pê de cit bû, masîvan serê bêñ ê ko pişta xwe ve dikişîne û mêsî digire.

Di çemên me de sê çîşît masî peyda dibin ko ev in: ferxe, şawût û ga-masî. Masiyeñ çeman pir mezin nabin, le goştê wan gelekî xweş e. Lê di Ferêt de heyâ bi penc-şeş gazan masî hatine dîtin.

Nêçîra kewan

Nêçîra kewan di welatê Kurdan de bi kitrimî belav bûye, lê nemaze li du cihan gelekî pêş ve çûye, qezayên Bêsnî û Gextê. Xelkê van her du qezayên Kurdistanê zîvar û dewlemend, biçûk û mezin vê nêçîra han dîkin. Ev nêçîr bi şes çîştan dibe. Lê gava nêçîra kewan têt gotin, nêçîra ko kewan li ber kewan digirin an dikujin tê bîra mirov. Berê, emê vê nêçîrê ji xwandevanê xwe re salix bidin û paşê vegeerin ser her pênc çîştên mayî.

Ev nêçîra han me goti bû li ber kewan dibe ko sê celeb in. Dudûyên wan, nêçîra marî û çatiyê bi tifingê, nêçîra bestî bi defan dibe.

1. Nêçîra çatiyê: Çatî bi gîhandina du kewan tê pê. Ev kewana bi biçûkî têne girtin û xwedî kirin. Dema yeksalî dibin, dudûyên wan di qufikan de bi hev ve girêdidin: di çiloreşan de pê diçin nêçîrê. Ev nêçîr di serê giran, bestan û devê newalan de dibe. Nêçîrvan diçe, kewen xwe li ser hijekê an di nav keviran de vedisêre, bi xwe di rex wan da kozikekê çêdike û tê de rûdine. Ci gava kewen wî bixwînin, kewen çolê bi dengê wan re têr û dirêjî ser çatiyê dîkin. Hînga nêçîrvan bi tifingê kewen çolê dikuje. Ev nêçîra han di birbanga sibê û serêvaran de dibe.

Nêçîra mariyê: Marî navê mîkewê ye. Dema meha Biharê a Paşîn kew dibin zo û mîkew hêkan dîkin û li ser rûdinin, kewen nêr bi tenê dimîn ko bi wan re margiros tê gotin. Kewê margirosî bê mîkew xwe ranagire. Rojê pê de dibe tiqetiqa wî. Ci gava dengê mîkewe dikeve guhêñ wî, bê xweragirtin bi koranî tê. Di we demê de nêçîrvanê, ko mîkewa wî heye, diçe wek nêçîra çatiyê, bi tifingê kewê margirosî dikuje.

Nêçîra bestî: Bestî bi kewê girêdanê re tê gotin. Her kewek bi kêrî girêdanê nayê. Ev celeb nêçîr carina bi kewekî (anê tenê bi bestî) û carna jî bi du kewan dibe. Bi kewê dudûyan re serdar tê gotin. Berê nêçîrvan bestî girêdide û li dorhêlê dafan direşîne, gava serdar hebe, wî jî li cihekî bilind datîne. Ci dema kewen nêçîrê bixwînin, kewen çolê têr û rast dirêjî bestî dîkin. Birêwan berî ko bigche bestî dikevin dafan. Hinekêwan jî rast bi firekê li ser bestî vedinin ko serê kewan di wir de dest pê dike. Carcaran şer ewçend di nava kewan de xurt dibe ko bestî bi kewê çolê digire û bernade. Qewimiye ko nêçîrvan kewê çolê di dev bestî de girtiye.

Ji bo nêçîra dafan û tifingê kewê gewr (kewen çiyaye Evdilezîzê) ê bi nav û deng in. Dema kewê nêçîrê pir qenc dibe, qelenê wî heya bi hêstirekê, hespekî hêja ye.

2. Nêçîra torê: Herwekî tora masiyan heye, ji bo nêçîra kewan jî celebek tor heye. Ev torê han perçek caw î çarkoşe ye ko bi dûyê rojinê çînina

li ser çêdikin û bi ser du darikên çeprast diêxin. Nêçîrvan dema kewan li cîkî dibîne, tora xwe vedigire, dide pêşıya xwe û di talda wê de ber ve kewan diçe. Ji ber ko kew nêçîrvêن nabînin, dîkin qışteqîst û nafirin. Wekî direndekî bibînin, heyâ negihe wan, jê narevin. Gava nêçîrvan nîzîk dibe, devê tifingê di kuniqa nîveka torê re dike û davêje. Ji vê nêçîra han re nêçîrvanê sivik û şanpaz divê.

3. Nêçîra kaniyan: Kew li ser kaniyan jî pir têne kuştin. Dema payîz tê û avên hişkeliyan dimiçiqin, serêvaran xwe berdidin ser kaniyên nependî. Hin nêçîrvan kozikên xwe li ser van kaniyan çêdikin û gelek kewan dikujin. Dema vê nêçîrê ji mehekê pirtir najo.

4. Qemelax: Gava berf dikeve, berî ko kew ji xwe re cihê banîn û çêrê bibîne, gundî bi dêsti ve derdi Kevin qemelaxa kewan. Di berfê de ji birçîna kew ji firekê zêde nikare bifire. Ji piranî û nermiya berfê bi lingan jî nikare bireve, hînga qemelaşvan wan bi destan digirin ko ji vî awayê nêçîrê re jî qemelax tête gotin.

5. Sokin: Di barîna berfê de hemî kew cihênen xwe berdidin û dadikevin deştê, ber çeman û av u çiravan, da ko di reşiyê de bikari bin biçêrin. Gava dibe bihar û berf li çiyê dihele, kew berê xwe didin cih û warênen xwe. Her refek bi sedan difirin.

Nêçîra sokinê di her cihî de nabe. Kozikên vê nêçîrê nayêne gîharîn. Heke kozik baş û nêçîrvan jî î jêhatî be, rojê çel-pencî kewî dikuje. Dema vê nêçîrê bi tenê heft-deh roj in. Kozikin sokinan hene ko bi qelenê jinekê têne guhartîn. Ew jî wekî erd û zeviyan ji milkan têne hesêb.

6. Nêçîra bi teyran: Gava em çêlî nêçîra teyran dîkin, her kes dizane ko nêçîrvan teyrê xwe dibe û dema kewan dibîne, berdide wan û digire. Lê pir hindik mirov hene ko çîşîten van teyran, awayê girtin û bixwedîkîrina wan bizane. Ji ber ko min bi xwe teyrê nêçîrê bi xwedî kirine çê û xerab ez hinekî agahî vê yekê me. Ji lewre min divê vê hêla ko ji xwendevanan re nenas e, bidim zanîn.

Teyrê ko nêçîra kewan dîkin, pênc çîşit in: teyrîres, hulîlik, şahîn, sipir û doxan. Ji van her pênc çîşitan her dûyênen pêşîn, yanê teyrîres û hulîlik, kedî nabin û bi kêrî nêçîrvanan nayênen. Lê her sê çîşîten mayî kedî dîbin û teyrine nêçîrvan in. Ev teyrê han jî bi çîşîtek tor têne girtin. Ev torana di kozikine xweser de têne vegirtin. Kozikên teyran gelekî biha tenê firotin ko yek hêjayî qelenê jinekê ye. Xwedîyênen van kozikan di rojîn bi mij û dûman de diçin û torê li ser dîwarênen kozikê vedigirin. Mirîşkekê di bin torê de datînin û benekî bi lingê mirîşkê ve girêdidin û serê bênen bi dest xwe dîkin. Dema mij û dûman dikeve dinê û ev teyrê han jî kêfan radibin fir û gerê, nêçîrvanê teyran hêdî hêdî serê benê, ko

bi dest de ye, kaş dike û mirîşk di cihê xwe de vedipirtike. Gava teyr mirîşkê dibîne, di jor de xwe berdide ser û dikeve torê. Bi vî awayî nêçîrvan diçe, têyr digire û her du çavan didirû û tîne mal. Ev teyrê han li goreyî cinsên xwe têr firotin.

Şahîn, ko kêm caran tê girtin, bihayê wî sî zêrêñ zer e. Tevî ko teyrekî biçûk e, tu nêçîr xwe jê xelas nake. Ev teyr bi kêrî nêçîra qulingan jî tê. Dema quling ji çiyan dadikevin deştan û gava vedigerin çiyan, nêçîrvan teyrê xwe bera refê wan dide. Çaxa şahîn refê qulingan dibîne, di jêr ve wekî tîrekê tîk hol dibe, heya bi serhêla rêf dikeve. Hînga berî hemiyan rêberê rêf dikuje. Gava rêberê qulingan kete xar, êdî en mayî nema dizanîn kû da herin û li banî ref li dora xwe doş dibe. Hînga şahîn wekî nîşandarê jêhatî yek bi yek di serê qulingan de lêdixe û diexe jêr. Heya qulin-gek li banî bimîne, şahîn danakeve. Ên ko bi şahîn nêçîra qulingan kirine, dizanîn ko ev teyrê biçûk ci bela ya. Herçî refê kewan in, ne bi awayê refê qulingan, lê dîsa şerpeze dîbin. Gava kewê pêşîn digire, ên mayî xwe berdidin erdê nav devî û keviran. Hînga segman tevî seyên xwe wan li erdê digirin. Kewê, ko dengê gujîna perê têyr keti be guh, heya du saetan diqufife hev û nikare bireve.

Sipir: piştî şahîn teyrê çeleng û nêçîrvantir ev e. Lî sipir, bê kew û kevokan bi kêrî tu nêçîrêñ mayî nayê. Di gava berdana nêçîrê de ew jî refê kewan bi tevayî dîqefilîne. Ji ber ko ew jî kewê pêşîn digire û yêñ mayî ji segmanan re dihêle. Bihayê vî teyrî bîst zêrêñ zer in.

Doxan: bi qasî şahîn û sipir ne î nêçîrvan e. Ji ber ko çav nade kewê pêşîn û carina di nîvê rêf de û pir caran kewê pêşîn digire. Ji lewre refê ko teyr di ser re ne firiye bi tevayî naqefile û difilit. Bihayê doxan bi deh zêran bêtir nîne.

Awayê xwedîkirin û daxistina teyran a nêçîrê jî hewceyî westeke mezin e. Ji ber ko benda me pir dirêj bû, min ne xwast ko xwandevanan kiz bikim. Heke rojekê kês di min keve, dê di bin navê: "Xwedîkirin û daxistina teyrêñ nêçîrê" de bendeke xweser ji axayê xwe re binivîsim.

Ji van celeb nêçîrêñ me nivîsî pê ve jî, dirende, rawir û firende têne kuştin, lî nêçîra wan ne e xweser e. Ji lewre min ne xwast wan ji çîşitêñ nêçîrê bihejmêrim.

OSMAN SEBRÎ, *Ronahî* 17 (1943), 13–18

21. *Gawestiyayî û koçerên Kurdan*

Berî dora sed salî pirê Kurmancan koçer bûn. Havînêñ xwe li çiyayêñ Kurdistanê ên heftreng û di nav gul û gulîlkan da dibihartin. Pez û

dewarêن xwe bi nefel û giyayêن zozanan xurt û qelew dikirin. Zivistanê berê xwe didan nîvro, ji ber pûk û berfa zozanan direviyan, dihatin germiyanan, biniya çiyayêن Kurdistanê. Ji Ferêt heta Dicle li vê deşta hana fireh cî cî koçeran datanîn.

Di vê çûn û hatina koçemalî da gayêن zexm û xurt, hûr û mûrên malen wan hildigirtin. Yekcaran çend malan ji ber qelsbûna gayêن xwe nikarî bûn tevî êla xwe bimeşin, ji wan diqetiyâن; di cûkî têr av û giya da çend rojêن xwe dibihartin. Paşê diçûn digihiştin heval û hogirêن xwe. Hinek ji wan gawestiyâن heyfa xwe ji warê xwe ê nû ra dianîn û li wê cî digirt û diman.

Ji ber wê ye ko di pey terikandina koçeriyê ra em dibînin, birek ji eşîrekê di germiyanan da ye, birekî din li çiyê cî bûye. Ev ji hev vejetin bi sebebekê din be jî, ji wan ra gawestiyayî tê gotin. Wek remzekê hatiye nas kirin, gawestiyayî ew in ko ji eşîra xwe a bingehîn vejetiyane.

Ger em li eşîrên deşta biniya Mêrdînê binêrin, wek eşîrên Kîkan û Deqoriyan yên ko eşîrên giran in, emê bibînin ko tev da ne ji bavekî ne, ji eşîrên din gihane hev.

Mesela Deqoriyê Amûdê: bi xwe birekî Deqoriyêن welatê Wanê ne. Ew bi xwe jî, herwekî min got, ne ji bavekî ne, di nav wan da birê Seyida heye, ko di Kurdistanê da sê çar bir in. Qebîla rehmetî Seyidxan jî yek ji wan e, qebîla Gabara qismekî ji çiyayê Şingalê ye, Kîkan jî wisa ye. Tê da Remî, Kosekan û Omeriya hene. Evana tev da ji eşîrên din in. Ev di wê wexta koçeriyê de ji eşîra xwe, bi çi hawayî be, vejetiyane û di nav Deqoriyan û Kîkan da mane: bûne Kîkî û Deqorî. Pirê eşîrên Cezîra Sûriyê wiha ne.

Lê herçi eşîrê Xerecna ko îro temam bi erebî dipeyivin, gelo ji kû ne? Evana ji çiyayê Têrika dahatine biniya germiyanâ Mêrdînê. Di rê da gayê hinêن wan westiyane û li dora Dêrikê mane. Yêl lo li dora Dêrikê mane, ko îro bi navê qebîla Rûta deng dayîne, bi xwe xwerû Kurmanc in, ev û Xerecna pismamê hev in: êdî çawan bûye ko Xerecna zimanê xwe winda kirine, divêt ev bête kolan.

Bi min çiroka gawestiyâن ev e.

QEDRÎ CEMÎL PAŞA, *Hawar* 52 (1943), 1

22. *Mîl û Zil bir û esasên eşîrên Kurdish*

Di hejmara Hawarê a 52an de dû bend hene: “Gawestiyayî û koçerên Kurdish, (Qedrî Cemîl Paşa), “Mirdêsan û gawestiyêن wan” (Osman Sebrî).

Di van bendan de xwediyan li mesela gawestiyen hûr bûne û esasê vê gotinê xistine ber ronahiyê. Herçi axayê Mirdêsan, jê pêve çîroka eşîra xwe, nemaze ji awirê gawestiyen ve, bi ser û berê wê ve gotiye û rûpelekî tarîxa eşîrên Kurdan ji windabûnê parastiye.

Herwekî ji wan bendan jî dixuye, li wextê koçeriyê û dema ko Kurdan barêن xwe li gan dikirin, hin eşîr, gava diçûn zozanan an jê vedigeriyan, ji ber ko gayêن hinan diwestiyan, ew eşîr bi xwe ji hev vediqetîn û birê bişûndemayî di cih de dima, nema vedigeriya welatê xwe û ji xwe re warekî nû dibijart. Ji wî birî re gawestî digotin.

Piştre, ev gotin ji hemî birêن eşîrên re, yên ko bi sebebîne din jî ji koka xwe vediqetîyan, bû elem. Yani ew bir jî bi vî navî hatine bi nav kirin.

Li wextê berê gava eşîr ji hev de diketin ne bi tenê di cihekî de bi şûn de diman. Lê carina di yekî bêtir waran de bi cih dibûn: wek eşîra Berazan.

Îro di sê derên Kurdistanê de Beraz hene: Deşta Sirûçê, Serhedan û Welatê Ecem. Îdî em nizanin, ev birêن ha di yek seferê de an bi seferine gelêr (miteedid) û têvel (mixtelif) de hatine pê.

Ji milê din birêن bişûndemayî li gora boşiyê, carina bi navê xwe eşîreke bi ser xwe tanîn pê, carina ji navê xwe hiltanêن lê dibûn qebileke eşîra ko li warê wê datanîn.

Bivê nevê, ên bişûndemayî heke bi tenê ji çend konan bi hev diketin, xelkê wan konan di nav eşîra xwediya war de winda dibûn.

Li gora mîsala Azîzan, carina wan çend peya bi serbendekî hêja malbateke hikimdariyê jî tanîn pê û dibûn hakimê welat an eşîrekê.

Tiştê ko ez dizanim, Azîzan di sê derên Kurdistanê de têne dîtin: Serhedan, Beriya Mêrdînê û welatê Botan.

Azîzan bi ser Heyderan ve diîhesibînin. Lê bi xwe eşîreke boş e û warekî wê î xweser heye û jê re welatê Azîzan dibêjin. Herwekî li welatê Serhedan ji komeke golan re jî golêن Azîzan tête gotin.

Azîziyên Beriya Mêrdînê qebileke Kîkan in û bi xwe dibêjin ko ji eşîrên gawestiyayî ne. Welê dixuye, ko ew Azîziyên ha gava ji eşîra xwe veqetîyan nikarî bûn eşîreke bi ser xwe bînin pê, xwe dane ser Kîkan û bûne qebîla wê eşîrê.

Di dora Kîkan de eşîrên din hene ko sedêن wan digehin sedêن Kîkan. Gelo van Azîziyên ha çire Kîkan di ser eşîrên din re girtine û rajêriya wan kirine? Heye ko ji ber sebeba Mil û Zil. Bi rastî Kîkan jî wek Azîzân Silîv in. Herçi Azîziyên cihê Botan, ew ji gawestiyayîn Azîziyên Serhedan in. Lê wan di cihê Botan de ne eşîrek anîye pê û ne jî bûne qebîla eşîreke Botan. Azîziyên cihê Botan mîrîn Botan bi xwe ne.

Herçend di destêن me de tu wesîqeyên tarîxî nîn bin jî, em dikarin bi

rêzikên koçeriya Kurdmancan ve herin, bidin ser şopa Azîziyêñ Botan û texmînin li ser bikin.

Li deşta Mişarê û li tixûbe Jêliyan çiyayek heye, jê re Banê-Azîzan dibêjin. Heta vê paşiyê ev çiya koza dudêran bû. Ev çiyayê ko navê Azîzan hildigire, divêt bi navê Azîziyêñ gawestî hati be bi nav kirin.

Li gora vê texmînê, li wextê berê gava eşîra Azîzan di nav Kurdistanê de digeriya û piştî ko konêñ xwe li beriya Mêrdîn û deşta Hesinan vegertiye, reya xwe bi deşta Mişarê jî xistiye. Li deştê gayêñ hinan westiyane. Ên gawestî li vê deştê mane û paşê hilkişiyane çiyayê rex û ew çiya kirine koza xwe. Ji ber vê yekê navê Banê-Azîzan li wî çiyayî kirine.

Ev Azîziyêñ ha li şûna, ko bibin qebîla eşîreke Botan, çavêñ xwe berdane mezinahiya welêt û bi rê va bûne mîrêñ Botan. Ji xwe ji mîrêñ Botan re hetanî îro jî mîrekêñ Azîzan dibêjin.

Ji vê biserhatiyê dixuye ko gayêñ van Azîziyan westiya bin jî, bi xwe qet ne westiya bûn. Westiya biwan ma kengê dikarî bûn vê xebata zor bixebeitin û bibin mîr û hakîmêñ welitekî.

* * *

Piştî ko me çavêñ xwe bi kurtî li mesela gawestiyan gerand, em bêñ ser mesela “Mil û Zil”. Herwekî ji her du bendêñ “Hawarê” û ji vê bendê dixuye, eşîrêñ Kurdan ji awirê war û tevdanê ve bi du biran leva dîbin: Eşîrêñ ko li ser warêñ xwe ên kevnare mane, û eşîrêñ ko di wextê koçeriyyê de ji giraniya eşîrêñ xwe veqetiyane û li warekî nûjen danîne. Lê di nav eşîrêñ Kurdistanê de jê bi-esastir teqsîmek heye. Ew jî birêñ Mil û Zil e. Mîna ko herkes pê dizane, eşîrêñ Kurdan bi bingehêñ xwe ve vedigerin du bend û cihderkan: Mil û Zil. Yanî herçî eşîrêñ Kurdistanê hene, an Mil an Zil in. Ji Zil re Silîv jî dibêjin. Mirov ji kîjan Kurdî bipirse, ewê tavil bibêje: “EZ Mil im” an “EZ Silîv im”.

Li wextê berê, gava eşîran şerê hev dikirin, koma şerevanîyan li ser vî esasî bi hev diketin. Heçî Mil di warekî de digihan hev, Zil jî li hev dici-viyan û şer dikirin. Heke di nav du eşîrêñ Mil an Zil de neyartî hebiwa jî, gava şerê tevayiyê çêdibû, ev neyartî ji bîr dikirin: Milan bi Milan û Zilan bi Zilan re hevaltî dikirin.

Belê, Mil û Zil welê bûn û îro jî carina guh didin vî esasî. Em tev de pê dizanin. Lê çire? Mil ci ye? Zil ci ye? Mil kî ne? Zil kî ne? Divêt ev bête eşkere kirin.

Min gelek lê pirsî. Lê tukesî ne zanî bi bersiveke maqûl li min vegeŕîne. Divêt peyayin hebin, ko pê dizanin: lê mixabin ez rastî wan ne hatime.

ber işê hikûmetê gelsek kete nav wan û her du biran welat di navbera xwe lêk vekirine. Cizîr bû para Bext, Hesenkêf jî giha Becen. Li gora riwayeteke din taîfeyên Kurdan tev de zaroyê Bext û Becen in.”

Ez bi xwe dibînim ko min di vê bendê de tu ronahîke nû ne reşandiye ser mesela “Mil û Zil”. Bi tenê min hevî heye, piştî ko min ev mesele bi vê bendê tev da, yên ko serwext in, çira xwe bêxin ber mesela Mil û Zil û wê ji tarîtiyê xelas bikin.

HEREKOL Azîzan, *Ronahî* 12 (1943) 12–14

23. *Ezdî û ola wan*

Tevî ko der heqê Êzdiyan de heyâ niha çend kitêbok hatine nivîsandin jî, a rast kesî xwe negihandiye rastiyê, ji ber ko rastî ji ber sebebekê winda bûye. Ew sebeb jî heyâ îro heznekirina Êzdiyan a ji xwendin û nivîsandinê re ye. Gav ez bi têexistiyê van kitêbokan qaîliya xwe nînim, ne ew e ko zanîna xwe a di vî warî de bi navê rastiyê berpeyi xwandevanan dikim!

Na, ev yek ne hatiye bîra min û nayê jî. Bi tenê di vî warî de a ko tê bîra min ev e ko Êzdî Kurdine xwerû ne û ola wan a îro, ji averûya gelek olan bi hevketiye û hatiye pê. Ji ber vê ye ko dema em bawerî û rê û rêzanêن ola Êzdiyan didine ber çavêن xwe, bi rihetî tê de şopén olên Zerdeş, Mûsa, Îsa û Mihemed tev dibînin.

Ev ola ko ji oline têvel ji xwe re bawerî û peyayêن mezin girtine, hêjayî pirşîneke dûr û kûr e ko ev yeka han, ji yekî wekî min û xwediyêن wan kitêbokan re pêkhatin gelekî dijwar e.

Heke dîroknivîsên Ereban di navbera babilîskên 7 û 15-an de bi tiştên holê mijûl bûbûna, mikûn bû ko îro tiştek ji ola Êzdiyan zanîn ne dijwar bûna. Lê mixabin ko di dema me gotî de dîroknivîsan bi tenê bala xwe da bûn pesna melîkêن dor an ser xwe û bes! Ji ber vê ye ko îro bi hûr bûna ola Êzdiyan a nehatî nivîsin, rastî ji hev bi derxistin bi qasî vejandina miriyân dijwar bûye.

Heya niha li ser vê ycka han ez bi gelek Êzdî û nemaze bi sê şêxên wan re mijûl bûme. Heywax ko di warê baweriyê de gotinêن dudûyan hev û din ne girtine. Her wekî diayêن nivêjan ên ko şêx Heyder ji me re gotine, gava min ji şêx Xidir re xwandin, her wekî ez jê re tiştekî biyanî bixwînim: qîma xwe pê re ne dianî. Dema min ên ji deve şêx Xidirbihîstî ji şêx Xelef re xwandin, bi carê kenê xwe pê kir. Tew Îsmaîl beg rehmetî bi awakî din goti bûne min.

Dema mirov têveliya gotinêن van her çar mezinêن Êzdiyan dide ber

hev, jê ev rastî tê giharê: "Ol û baweriya Êzdiyan ji dest nehatina nivîsanê ewçend gewherê xwe ê bingehîn winda kiriye ko bi ger û hûr bûneke serpilkî binatî û rastiya wê bi dest xwe xistin, dijwariyeke di hikmê ne bûnê de ye."

Ji ber vê yekê, bi belav kirina herçiya ko min di heqê Êzdiyan û ola wan de ji devê şêx Xidir nivîsî, mikûn e ko bikari bim fikrekê bidine xwandevanên xwe.

Di serê havîna 1940-î de ez çû bûm Hesîçê. Hîngê şêx Xidir û şêx Xelef jî li ber hikûmeta Îraqê revî bûn û hati bûn wir. Di nav şanzde rojê ko min li Hesîçê derbas kiri da, pirtirî diwazde caran bi şêx Xidir re û sêçar caran jî bi şêx Xelef re rûniştî bûm. Di van rûniştinê ko bi danan dajotin da, bê pirsîn û nivîsandina der heqê Êzdiyan û ola wan de me kar û xebatek nîn bû. Tevî vê xwe westandina han, tişte ko me hêjayî nivîsandinê dîtiye ji xebata saetekê pê ve tiştek nîne. Ew jî ramana ko me li jor dayî zanîn dide mirov û bes. Di pirê van civînê min û şêx Xidir de şairê me ê delal Cegerxwîn jî dihate dîtin. Rojekê piştî belav bûna civînê di rê de min ji Cegerxwîn ev pirs kir:

— Seyda! Ev bûn şeş heft civîn ko tu jî bi me re rûdinî. Ma gelo ji ola Êzdiyan ci dikeve serê te?

Seyda bi nérîneke manîdar û rûkî bi ken li min vegerand û got:

— Ne tiştek. Berî ko ez van şêxan bibînim, min dizanî ko ola Êzdiyan jî wek olê mayî li ser bingehekî hatiye danîn. Lê niha min zanî ko ji torta oline têvel pê ve ne tiştek e. Heke tu î serwext î, teqeze te bîr biriye ko gotinê wan şêxan ên duh û iro nabine yek!

Min bersiva gotinê seyda bi kenekî sivik da û dawiya gotinê birî. Erê, gotina seyda rast bû. Ev gotin li ser ola ko salixdana wê me ji devê her du şêxan û hempayêن wan dibihistin bû. Lê ola Êzdiyan a bingehî bê şik ne di halê iro ê bê ser û ber de bû. Ji bingehêن ola Êzdiyan herçiya nivîsan diviya bû, bê sê tiştan, min hemî nivîsîn ko ew her sê tiş ev in:

1. Diayêñ pênc wext nivêj.
2. Dia mehr birînê.
3. Telqîna ko li ser gora miriyan dixwînin.

Sebebê ne nivîsandina van her sê tiştan ev bû ko di vî warî de gotina du şêxan ne bûye yek. Li goreyî ko min zaniye, di pêşiyê de her wekî me li jor gotî, ji ber ne nivîsanê, diayêñ bingehî winda bune an hêline wan jê hatine guhartin. Bê şik dema kuran ji devê bavan hîn kiriye, kêm û zêde gelekî têde çêbûye.

Îxtiyarê Mergehê

Di ola Êzdiyan de Îxtiyarê Mergehê wek xelîfê misilmanan û papasê filehan e. Ev camêr di rex newala Lales de li gundê Esiyayê rûdine û rêzanên ola Êzdiyan digerîne. Di dema qewimîna şolên mezin de Îxtiyarê Mergehê xwediyê gotina dawiyê ye û herçiya ew bêje, dê welê be. Her Ezdiyê ko derî ola xwe tiştekî bike, Îxtiyarê Mergehê wî heram dike. Gava gunehkar here, ber destê wî tobe bike, dikare piştî hin dêlindêz û merasim wî kesî helal bike.

Êzdiyek bi kirina sê tiştan heram dibe:

1. Hek ji malbatêن Îxtiyar, mîr, şêxan û pîran bi yekê re zînayê bike.
2. Bi biyaniyan re zînayê bike.
3. Bi dilê xwe oleke din bihewîne.

Kesê ko ji van her sê gunehênen mezin yekî bike, bi fermana Îxtiyar û belavkirina pîran heram dibe. Kîjan gunehkarê ko ev cezayê han jê re bête dayîn, kesê Êzdî jê direve. Reveke welê ko ne dikarin pê re bidin û bistînin, ne herin mala wî û ne jî wî bihêlin mala xwe. Ci kesê ko mirove herambûyî bihewîne, ew jî heram dibe.

Na heke gunehkar ne xwediyê wê kirê bê û bêgunehiya wî xweya bike, dê hînga here cem Îxtiyarê Mergehê û tobe bike. Gava Îxtiyar qîma xwe bi bêgunehiya wî anî û toba wî qebûl kir, hînga destûra şuştina wî ji gunehan tê dayîn. Wê gavê yekê, gunehkar dibe û di avêñ Zimzim û Kaniya-Sipî de dişo û di pişt re tê, sicada Îxtiyar maç dike û bi vî awayî ji gunehan tê şuştin û paqij dibe.

Bijartina Îxtiyar

Îxtiyar di nav malbatên şê> tête bijartin. Lê divê xwediyê sir û kerem be. Îxtiyar heya tiştekî bê rê neke, ji Îxtiyarî nayête derxistin. Ci gava bêriyîkê bike, hemî serekên Êzdiyan digehene hev, wî ji Mergehê bi der dixin û ji malbata şêx yekî din dibijêrin. Îxtiyar divê nezewice: na gava jin bike, rûmeta wi gclekî kêm dibe, lê ji jinekê pirtir nikare bîne.

Heke di malbatên şêxan de yekî jê re sir û kerem çêbe dikare, xwe eşkere bike û dibe xelîfê Îxtiyar. Ci dema Îxtiyar bimire, ew dikare sicadê Îxtiyarê bigire dest xwe û kes têkilî wî nabe.

Mergehe

Mergehe di newala Lales de navê cihekî ye, ko hemî avahiyêñ Êzdiyan ên miqedes li wir in. Ev avahiyêñ han bi navêñ mirovêñ mezin hatine çêkirin. Ji bo gotina xwe a jor der heqê ola Êzdiyan a îro de, min navê

hin avahîyan nivîsî. Ji van navan xweya dike ko Êzdiyan ola xwe a kevin ji bîr kirine û dest avêtine peyayên olên din. Navê hin avahîyan ev in:

‘Derê melek Ferxedîn, mişara şêx Mend, quba melek şêx Husêن, avaniya Sicanîn, quba şêx Şems, avaniya Nasredîn, avaniya Şerefedîn Mehdi, avaniya şêxo Bekir, avaniya mîr Hesen Mema (serekê pîran), avaniya şêx Mihemed Reşa, avaniya Amadin, avaniya Şehsiwar, avaniya Xidir û Îlyas, avaniya şêx Xidirê Şemsan, avaniya şêx Xalê Şemsan, avaniya şêx Hesenê Şemsan, avaniya şêx Hevindê Şemsan, avaniya şêx Tokilê Şemsan, avaniya Babadînê Şemsan, avaniya Hesnalek (pîr), avaniya Xatûna Fexra, avaniya Îsîbiya, avaniya şêx Mişelih (gava ev şêx ji yekî dilxwêş nebe, wî dişelîne), avaniya şêx Bedir, avaniya Mûsê Sor, avaniya şêx İbrahimê Xitmî, avaniya şêx Indirîsê xeyat, avaniya Habûb necar, avaniya pîrê Kar, avaniya Hicala mominan, avaniya pîr xetîb Sî, avaniya Alî, avaniya pîr Balî, avaniya pîr Bûtarî, avaniya şêx Zendîn, avaniya şêx Sêva, avaniya Simaflê Enzelî, avaniya şêx Evdilqadirê Rehmanî, avaniya Mihemed Xuristanî, avaniya Hec Eli, avaniya Hec Receb, avaniya şêx Romî, avaniya Çêl mîra, avaniya Bilîlê Ebêş, avaniya şêx Heme, avaniya şêx Deqê Mêra.¹’

Ji van pê ve jî gelek avahî hene ko ji ber piranî û bê fêde bûnê me ne xwest hemiyan binivîsin. Ji van avahîyan han pê ve di Mergehâyê de bi navê Berê-reş ê mieleq, Zimzim, Kaf û Kaniya-Sipî çar ziyaretgeh hene ko bê dîtina van heca mîrê Êzdî tekûz nabe.²

1. Berê-reş ê mieleq ev berê han di pencereyeke avahîya ava Zimzimê de bi dar de kirî ye. Her Êzdiyê dixwaze heca xwe tekûz bike, divê destê xwe di berê-reş bide ko ev ji şertê hecê yek e.

2. Zimzim: navê golekê avê ye ko di şikefta Kafê de bi der têt. Bi qasî du dest av jê diherike.

3. Mişar: ji şikefta ser ava Zimzimê re tête gotin.

4. Kaniya-Sipî: ev ava han deh gazan di nîvroyê ava Zimzimê de bi der tê. Heciyêñ Êzdiyan xwe di vê de jî dison, ko ev şuştin jî ji şertê

¹ Di nav avaniyêñ han de gelek bi navê peyayêñ ola Mihemed an kesên, ko li nik xelkê wê olê xweyî rûmet in, hatine çêkirin. Xidir, Îlyas, Evdilqadirê Rehmanî (Geylanî), Bilîlê Ebêş (Bilalê Hebêş), Habûb necar, Indirîsê xeyat, Çêl mîran (Ereb in) ji van kesan in. Ev peyayêñ ko di efsaneyêñ ola Mihemed de cihekî çak girtine, Êzdiyan ew ji xwe re kirine mal û di Mergehê de ji wan re yek avanî çêkirine. Ji vê xweya ye ko ola Êzdiyan ji ber nexwendinê çiqas gewhere xwe winda kiriye û ketiye bin darê ola Mihemed.

² Berê-reş û Zemzem dîsa du tiştêñ ko di heca İslaman de şertê hecê nc. Êzdiyan ev jî ji xwe re çêkirine.

heca wan in. Li ber vê avê sê hewz hene ko yek ji bo mîran, yek ji bo lawan û yê din ji bo keçan e. Ji van her sê biran kes xwe di hewzê ê din de naşo.

Celsa Mîr

Celsa Mîr di nav hemî avahiyên miqedes de a mezintir û bi rûmetir e. Riya vî cihî di şikefta Zimzimê de dadikeve û bi riyeke binerdîn digehê. Ev riya binerdîn sêsed gaz dirêj dibe. Piştî wê mirov derê sê şikeftên di zik hev de derbas dike û hînga digehê Celsa Mîr. Di vê şikefta han de ji zêr an madenekî wekî wî û bi bilindiya mirovekî textek hatiye çêkirin. Her çar lingên têxt li çar kursiyan hatine siwar kirin, û li dora hêla têxt, ji bo her çar pêxemberên¹ xudan kitêb çar sindirûk û di pişt wan ve jî ji bo gewretirên ola Êzdî, bîst sindirûk hatine danîn ko ev bîst sindirûk bi dîwarên şikeftê ve hatine nûsikandin. Her sindirûkek ji van bi perdeke renginî hatiye por kirin.

Doraliyên têxt bi heft zincên (şiv) zêrinî hatine girtin. Serê her sinceke ji van bi çar goyên (gog) zêrinî hatine xemilandin ko her goyek bi qasî pûrtiqalekê e mezin e.

Li ser baweriya Êzdiyan, salê sê şevê bi tenê Tawis melek tevî pêxember û gewreyên olê di Celsa Mîr de dicivin û rê û rêzanên dinê digerînin. Herçî fermanên Xwedê ne, Tawis melek di van civînan de dibêje pêxemberan û gewreyan. Dema Tawis melek ne hazır be, her kes li ser sindirûka xwe rûdine. Lê gava tê û li ser textê xwe vedine, en mayî ji ser sindirûkan peya dîbin û li ser sicadan rûdidin. Di van hatinên xwe de Tawis melek di şiklê teyrê Tawis de xweya dibe. Ji vê ye ko Êzdî rûmeta vî teyrî pir digirin û mîrik bi wî bi nav dikin.

Her sê şevê ko Tawis melek dadikeve erdê û tê, Celsa Mîr rûdine, ev in:

1. Şeva çarşamba pêşîn ko dikeve serê salê.
2. Şeva Îda serê çileyê havînê.
3. Şeva Îda şerê çileyê zivistanê.

Herçî Êzdiyên olparêz di van her du idan de jî rojiyê digirin.

Leyletil-Qedir

Di vê şevê de hemî Êzdiyên, ko dixwazin ji xêra vê şevê destkewtî bibin, tevî zar û zeçên xwe di dorhêlên avahiyên miqedes de dicivin û

¹ Her çar pêxemberên xudan kitêb Mûsa, Dawid, İsa û Mihemed in. Ola Êzdiyan ya ko ji ola Zerdeş daketiye û iro jî xwe oleke serxwe dizane, nizanim çawan di ola xwe de cih daye van her çar pexemberên yweyî ol?

heya sibê di bin ezmên de îbadetê dîkin. Li ser baweriya Êzdiyan di dûşa newala Laleş de li ezmên kaniyek heye û di ber wê kaniyê de jî dareke mezin heye ko tilahiyên wê berjêr û rehêن wê berjor in. Di wê şevê de Tawis melek di şiklê teyrekî de tê ser wê kaniyê û perêن xwe di avê da-dike û bi ser wan kesên ko îbadet dikine de radiweşîne. Çi Êzdiyê ko ji vê ava han çilkek wekî xwenavê were ser, êdî ew rûyê dujehê nabûne. Sibetira vê şevê ji dibe cejnê ko jê re “Îda şêk Şemis” dibêjin.

Şêx

Şêxên Êzdiyan xwe kurên şêx Hadî dizanin. Mezinatiya ola Êzdiyan di destêن wan de ye. Riya bawerî, nimêj, rojî û dêlindêzan ji şêxan têن hîn kirin. Di wan çend rojêن ko min şêx Xidir dîtî de, min sê-çar caran pîrsa reha malbata şêxan kiri bû. Min diviya bû ez bizanim ka di bavê çêndan de digehê şêx Hadî. Di her sê-çar caran de jî di bavê bîst û sisîyan de gihandi bûyê. Lê di binavkirina bavan de pir xwe şaş dikir. Jê xweya bû ko di dayîna van navan de ne geleki serwext e. Nemaze cara paşîn şêx Xelef jî li wir bû. Min dît di binavkirina bavan de gotinêن wan ne yek bûn û her dûyan qîma xwe bi gotinêن xwe ne dianîn. Piştî nivîsîna gotina şêx Xidir, min xwest ji devê şêx Xelef jî binivîsim, lê wî a ber dilê min bîr bir û ne got. Gava min rû da ser, xwe bi vê gotinê ji min xilas kir:

— Gotina şêx Xidir welê ye û dirist e.

Li ser gotina şêx Xidir be, reha wî di jêr ve holê digehê şêx Hadî: Şêx Xidir, şêx Eto, şêx Cindî, şêx Reş, Sar, şêx Heydo, şêx Husêن, şêx Reş, şêx Hesen, şêx Simâîl, şêx Yas, şêx Sar, şêx Eto, şêx Yas, şêx Cayîd, Mîr Mihê, Qûlê Reş, şêx Meş'el, şêx Mend, şêx Bedir, şêx Adîn, Melek Ferxedîn, Êzîdê Nemîr û şêx Hadî.

Êzîdê Nemîr bi navêن sitiya Zîn û sitiya Ereb du jin hebûne ko Ferxedîn Melek û şêx Şems ji a pêşîn, şêx Secadîn û şêx Nesredîn jî ji a paşîn hatine dinê. Di pê şêx Hadi re, ev her du kurêن sitiya Zîn ji gewretirêن ola Êzdiyan têne jimartin.

Êzdiyêن ko îro bi rêzaneke eşîrî dijîn, di bin hikmê şêxan de ne. Her çend eşîr ji wan, bi şêxekî ve girêdayî ne ko dayînekê didinê. Her şêx di nav xelkê xwe de xwedîyê girêdan û berdanê ye. Ji xwe di diyaneta Êzdiyan de piştî Îxtiyarê Mergehê şêx tê. Ji ber vê yekê bêdiliya şêx kirin ne mikûn e.

Pîr

Di ola Êzdiyan de piştî şêxan pîr tê. Pîr di reha binatî de ji malbata şêxan in anê ji kurên şêx Hadî ne. Lê di parvakirina kar û xebatê olê de hinek şêx û hinek jî pîr hatine nasîn. Herçî pîr in, di bin destê şêxan de ne û di nav xelkê de arîkar û şûngirtê şêx tê zanîn.

Pîrîti jî wek şêxîtyê ji bavî digehê kur û yek ji pîran nikare derî malbatê jin bike. Pîrek nikare keça Êzdiyekî bixwaze, an keça xwe bide. Ji pîrekî re keça pîrekî divê. Herçî debara pîran, li ser dayîna ko xelkê eşîrê dide şêxan e. Ji vê dayîna han dudu ê şêx û yek jî a pîr e.

Feeqîr

Di ola Êzdiyan de piştî pîr feeqîr tê. Lê feqîrîti wek şêxîti û pîrtiyê ji bavê nagehê kur. Her mirîdê, ko di ber destê şêx û Îxtiyar de xizmeta ola Êzdî bike, dibe feeqîr.

Karê feqîran di nav Êzdiyan de digerin û der heqê ola wan şîretan li wan dikan. Debara wan bi parsê ye.

Ji bo feqîran ciline xweser hene. Nemaze di van cilan de li xwe kirina xırqe şert e. Bi çav Êzdiyan xırqe cilekî miqedes e. Ë ko xırqe li xwe dike (kî dibe dilê wî ye), mîrekî bikuje jî, Êzdî nikarin destê xwe dirêjî wî bikin. Bi Êzdiyan be, Êzîd xırqe ji xwe kiriye û daye feeqîr. Je ber vê, bêrûmetiya xırqe bêrûmetiya Êzîd tê hesêb.

Koçek

Koçekîti: ji şêx, pîr, feeqîr û mirîdan ko kîjan bibe xweyî keramet, dikare haya Îxtiyarê Mergehê bike. Gava ji Îxtiyar re bide xweya kirin ko xweyî keramet e, hînga dibe koçek.

Çiqas ko koçek di nav Êzdiyan de hindik e, jî qedra wî geleki mezin e. Karê koçekan, her gav ji pêşendeyê nûçeyan didin û nexweşan bi dian xweş dikan, an bi axa awahîyeke miqedes teberikê salixî nexweşan didin. Hemberê van dian an salixana teberikê sedeqeyekê digirin ko riya debara wan di wê da ye.

Mîr

Mîr mezinê hemî Êzdiyan e. Çawan ko her eşîrekê serekek heye, mîr mezinê wan hemî serekân e. Her Êzdî salê tiştekî xweya dayîn dide mir. Ji bo civandina vê dayînê berefkokine xweser hene.

Berê Êzdî di gotina mirên xwe de bi der ne diketin. Le paşê, piştî ko

miran piştä xwe dane hikûmetê û mezinatiya xwe bi arîkariya wê kirin, di çav Êzdiyan de ketin û rûmeta wan kêm bû.

Li ser gotina şêx Xidir be, koka mîrên Êzdiyan bi navê Xelo ji xulamekî şêx Hadî dadikeve. Dibêjin, Xelo mirovekî jîr û jêhatî bûye. Di saxiya şêx Hadî de dilê wî pir ji xwe xweş kiriye. Gava mirinê şêx Hadî, Xelo kiriye şûngirtê (wekîl) xwe. Bi vî awayî Xelo hefsarê mezinatiya Êzdiyan girtiye dest xwe û kurên wî jî bûne mîr.

Eşîren Êzdiyan

Eşîren Êzdiyan wek eşîren Kurdan ên mayî heyîn û yekîtiya xwe ne parastine. Eşirek tine ko ne bûye çend bavan û dîsa eşîrek nîne ko bavek an hêlek jê, ji ber sebebêñ ko em dê li jêr bêjin, di Êzîdxanê¹ an ola Êzdiyan de bi derneketi be. Heke em du-sê gundêñ Êzdiyêñ Kurdaşê û çend gundêñ li Kurdistanâ bakur jê biderxin, hemî eşîren Êzdiyan li Îraqê û di êrdimêñ (menteqe) Şengal û Şêxan de dimînin.

Berî sê sed salî, Êzdî ji îro gelekî pirtir bûn. Ci gava Êzdî di Êzîdxanê de bi derketine û li Kurdistanê belav bûne, gelek bavêñ pir eşîran hin bi tevayî û hinek jî bi malbatî bûne îslam.

Di dema xîlafeta Osmaniyan de hikûmeta tirk ji bo qelihandina reha ola Êzdiyan pir caran bi leşkerine mezin û xurt bi ser Êzdiyan de girti bû. Her carekê ji van caran, çawan ko bi sedan Êzdî dihatin kuştin, hin eşîr û bavêñ gelek eşîran jî Êzîdxane berdidan û li nav Kurdistanê belav dibûn. Tirk têkilî van eşîren derketî ne dibûn. Wan dizanî ko herçî eşîren di Êzîdxanê de bi derkevin û bi nav eşîren îslam de herin, demekî dûr najo dê îslam bibin. Dawî jî her wekî wan texmîn kirî bi derket. Ji van bav û eşîren ko ji Êzîdxaneyê bi derketî ji sedî heştê bûne îslam. Dinan, Delikan û Gevozan ji van eşîran in.

Eşîren ko îro di Êzîdxanê de mane, bûne gelek bavan. Ji van ên Şen galê dîsa hinekî rewşa xwe a eşîrtiyê parastine. Lê herçî eşîren êrdima Şêxan ew rewş jî winda kirine ko bi tenê navê eşîran maye. Ji ber vê yekê hemî eşîren êrdima Şêxan e bê serek û rasterê bi mîrê Êzdiyan ve e girêdayî ne. Navêñ eşîren êrdima Şêxan ev in:

Hekarî, Xetarî, Mamûsî, Tirkan, Qaîdî, Domilî, Hiraqî, Xiskan, Şêx Xidirî, Şariyan, Sînan, Girêpanî, Dinayî, Başîtî, Beîzanî û Hekîman.

Ji van eşîren han Hekarî bi tenê di rewşa eşîrtiyê de maye, ko ew jî

¹ Êzîdxane ji erdê ko Êzdî tê de rûdinin re tê gotin. Lê gava Kurd Êzîdxane dibêjin, qesda wan Şengal e.

di navbera şêx Xidir û şêx Wezîr de hatiye parvakirin. Tevayiya vê eşîrê hezar û sed mal e.

Herçî eşîrên Şengalê, herwekî me li jor gotiye, tevî ko bûne pir bavan jî rewşa xwe a eşîrîtyê parastine û xwedî serek in. Ji van eşîran Qîranî 1200 mal e: mezinê wan şêx Xidir e. Feqîran 300 mal e, serekê wan Xwedêda ye. Korkoran 250 mal e, serekê wan Eliyê Golo ye. Hibaban 750 mal e, serekê wan Etoyê Elî bi Xidirê Salih ve ne. Delikan 300 mal e, serekê wan Miradê Evdê ye. Mendikan 600 mal e, lê bûne sê bavan: ji van Keleşî bo Qasimê Meto ve, Ezoyî bo Qasimê Hisêن ve û Şenwanî bi Xelefê Hesen Reş ve hatine girêdan. Elîfiran 250 mal e, serekê wan Hesen Xelef e. Mirkan 500 mal e, serekê wan Idebê Eso ye.

Dinayî 1300 mal e ko bi navêن Bekiran û Aldexî du bav jê vegetîne. Bekiran 300 mal e, serekê wan Cerdoyê Mehmûd e. Aldexî 700 mal e, serekê wan Hesenê Haşûr e. Lê herçiyêن ko bi navê Dinan têne salixdan 300 mal e, serekê wan Hesenê Elo ye. Üsifan 500 mal e, serekê wan Xelefê Eto ye. Mala Xaltî 700 mal e, serekê wan Brahîmê Qûlo ye. Mûsqroran 1000 mal e, serekê wan Hesenê Berces û Evdelê Reşo ne. Heskayî bi navêن Ciwanî û Xurkarî bûne du bavan. Ciwanî 250 mal e, serekê wan Xidirê Hesûm e. Xurkarî 750 mal e, mezinê wan şêx Xelef e. Hewerî 100 mal e, mezinê wan şêx Xelef e. Heliqî 400 mal e, serekê wan Miradê Brahîmko ye. Cefrî 300 mal e, serekê wan Miradê Osman e. Simoqî 800 mal e, bûye du bavan. Ji van Heliçermikî 300 mal e, serekê wan Hemo Milhim e û Mehmûdî 500 mal e, serekê wan Smaîlê Ehmed e. Çelikan 150 mal e, serekê wan Simoyê Fatimê ye.

Ji van eşîrên Şengalê çiqas ko Feqîran hindik hatine nîşandan jî, hemî eşîrên Şengalê bi çavêن mezinatiyê li serekê wan ê kevin Hemoyê Şero dinêrin. Piştî mirina Hemo, kurê wî Xwedêda cihê bavê xwe winda ne kirkiye.

OSMAN SEBRÎ, *Ronahî* 19–20–21, 1943

IV. POÉSIE POPULAIRE

24. *Memê Alan*

Me Kurdan edebiyateke nivîskî, ji çend klasikên pê ve, hesêb nîne. Lê me edebiyateke xelkê ê welê heye ko ew li nik kêm miletan peyda dibe. Ji vê edebiyatê re folklor dibêjin.

Belê folklorâ Kurdan ewçend mezin û fireh e ko em pê dikarin iftixar bikin û di nav xelkê de serfiraz bigerin.

Di folklorâ me de, bêşik şaheser Memê-Alan e. Memê-Alan malê miletekî ewropayî biwa, Xwedê dizane di heqê wê de çend cild kitêb dihatine nivîsandin. Me Kurdan ewçend guh ne dayê, ji şair û rêberê me ê mezin Ehmedê Xanî pê ve. Belê Xanî berî sê sed salî bi qîmeta vê destançîrokê hesiya û rabû, li ser hîmê Memê Alan kitêba xwe a mezin û abadîn “Mem û Zin” anî wicûdê. Bi gotinê din, Memê-Alan bi navekî din bi nav kir û jê re “Mem û Zin” got û ferqin xiste navbera çîrokiya xelkê û esera xwe. Ji xwe herwekî nas e, Xanî bi hênceta çîrokê deng li miletê xwe kir û dil kir ko wî li nijad û qewmiyeta wî hişyar bikit.

Ji hingê ve ji 300 salî bêtir wext di ser me ve çûne. Kesî guh ne da Memê Alan, heta roja ko kurdîzane hêja û bilindpaye Mr Roger Lescot ew digel tercimeke frensizî gihande çapê.¹

Herwekî me got, ev destançîrok di pişt Xanî re bû xudanê du navan: “Memê-Alan” û “Mem û Zin”. Herçi Memê-Alan, li gora Hewêrkeyan guhartoyine gelêr hene. Xanî hin tişt li ‘‘Mem û Zin’’-a xwe zêde kirine û ji milê din tiştine din ji kitêba xwe bi der hiştine.

Vê paşiyê çavê me di kovareke erebî² de bi bendekê ket. Yekî bi navê Evdilmesîh Wezîr di wê kovarê de û di heqê Memê-Alan de nivîsarek belav kiriye. Mr Evdilmesîh herwekî bi xwe jî dibêje, Merdînî ye û Memê-Alan di zarotiya debihîstiye. Benda Mr Evdilmesîh hêja ye. Evdilmesîh qedir û qîmeta Memê-Alan, herwekî sezayî wê ye, gelek bilind girtiye. Mr Evdilmesîh xeman dixwe ko ev çîroka hêja ne hatiye wergerandin zimanine din û li dinya alemê belav ne bûye. Welê dixuye ko Mr Evdilmesîh tercima Mr Lescot ne dîtiye.

¹ Institut français de Damas. Collection de textes orientaux. Tome I. Roger Lescot, Textes kurdes. Deuxième partie. Mamé-Alan. Beyrouth 1942.

² El-risale we el-riwaye. Qahire, 12 Çariya pêşîn 1942. Sal 10. Hejmar 484.

Mr Evdilmesîh, piştî ko wesfê destançirokê dide, xulaseke çîroke jî dibêje. Çîrokiya Mr Evdilmesîh ji guhartoyen ke em nas dikin, xêlî bi ferq e. An Mr Evdilmesîh bi zimanî ve esilê çîrokê ji bîr kiriye, an çîrok-bêjê wî jê re welê gotiye. Herhal ev minho ji bona me guhartoyeke nû ye. Em gelek spasan ji Mr Evdilmesîh re dikin. Mr Evdilmesîh sernama benda xwe kiriye “Mem û Zîn”, sername Xanî û ne ya xelkê. Heye ko çîrokbehêjê wî, ev jî jê re welê gotiye. Ev e nivîsara Mr Evdelmesîh.

C. A. B.

MEM Û ZÎN

Temaşeke kurdî ê abadîn

Mêm û Zîn navê çîrokeke strandî e kurdî abadîn e. Vê çîrokê Kurd û hin nekurd¹ jî, di Iraq û welatên ko Kurd tê de dijîn, wek Sûriye, Tirkiye û Îranê, distrînin.

Hêj di bîra min de ye, li Mêrdînê di şevêne zivistanê ên sar de, em zaro digel dê û bay û nasêne xwe yên ko ji bo vê yekê dihatin, di dora tenûrê de em digihan hev û ker û laj me guhdariya dengbêj dikir, dengbêjê ko bi dengê xwe ê zelal û tebîj ji me re Mem û Zîn digot. Dengbêj gavabihina xwe dida, çîrok ji me re bi erebî qise dikir.² Stran û çîrokê heta derengiya sevê dom dikir. Piştî stranê em dinivistin û me di xewna xwe de evîniya her du aşiqan a tehil ya ko bi mirina her diwan temam dibû, didit.

Nik dilê min çîroka Mem û Zînê bi hêjabûna xwe ji çîroken Yewnani-stana kevin ne kêmtir e.

‘Mem û Zîn’ yek ji çîroken Kurdî ye. Hinê din wek” “Derwêşê Evdê”, “Çiyayê Mazî”, “Felîtê Quto” hene ko qet ne hatine belav kirin. Bi tenê “Mem û Zîn” bi zimanê kurdî ketiye çapê û hatiye belav kirin. Ev cara pêşîn e ko xulaseke “Mem û Zînê” bi zimanêke din tête belav kirin.

Min di kitêba “Elf leyle û leyle-Hezar û şevekê” de çîrokeke piçûk dîtiye ko dimîne Mem û Zînê. Nik dilê min yê ko çîrokên “Hezar û şevekê” dane hev, ew çîrok ji Mem û Zînê girtiye. Hingê jî Mem û Zîn di nav Kurdan de dihate gotin.

Min hêvî ji Xwedê heye ko rojekê şairekî Ereb î mezin an yekî biyanî vê çîrokê bêxe şikilê temaşayê an qesîdê û herwekî şairê ingilîzî Fîc Jérard ji bo carinê Xeyam kiriye, nav û dengê wê bêxe dinyayê.

¹ Em tucaran rastî wan ne hatine.

² Divet ev adet xweserî Mêrdînê bit, an dengbêj bi xwe ne î kurdmane bû.

Çîrok

Lî wextê berê, di welatê Kurdistanê, di bajarekî ava û çarnikarên wî bi çiyan dorgirtî de, mîrekî ciwan bi navê Mem hikim dikir. Mîr bi pakiya esil û nijad, bi merdî û mîranî û bi lewendiya xwe deng da bû.

Mem ezeb bû û qet ne tanî bîra xwe ko jin bikit. Ji ber ko di welatê xwe de tu dotmîreke çeleng ya ko jê re bi her awayî biwa hinkûf ne didît.

Rojekê wezîrên wî jê re qala ziwapê kirin. Mîr li wan venegerand û xwe ker kir. Wextê civata wî belav bû, mîr çû nav cihan da ko rakeve. Mîr texmîn dikirin. Belê diviya bû jin bikira da ko warê wî kor nemînit. Mîr di van texmînan de bû ko di xew re çû û xewnek dît.

Mîr di xewna xwe de xwe gihandi bû bajarê Cizîrê, Cizîra Botan, Cizîra ko li keviya Diclê bû û bi darî Sitiya Zîn, keça Mîre Cizîrê, keti bû. Mem û Zîn şevê pêde li rex hev man û bi şeraba evînê a safî serxweş bûn: qerara xwe dan hev û din bistînin. Mem Zînê ji birayêن wê Çeko, Heso û Qeretacîn dê bixwesta, ji ber ko bavê Zînê, mîr, çû rehmetê.

Mem û Zîn hingustilêن xwe jî pev guharti bûn. Memî hingustila xwe bi tiliya Zînê ve, Zînê jî ya xwe bi tiliya Memî ve kiri bû. Piştî guhartina hingustilan Mem û Zîn xwe li textekî dirêj kirin. Memi şûrê xwe danî navbera xwe û Zînê, da ko beriya mehirê tu tiştê neşerî di navbera wan de neqewimit.

Mem bi xwendinêن teyran yêن ko sira bê digihandin guhêن wî, hişyar bû û gote xwe:

— Ci xewneke şîrîn bû? Xwezi ez ji vê xewnê hişyar ne biwam!

Ü gava çavêن wî bi tiliyêن wî ketin, bala xwe da û dît ko hingustila tiliya wî ne ya wî ye. Biserhatiya şevê bi temamî hate bîra wî. Hingustil di çavê xwe re kir û li ser wê navê Sitiya Zîn xwend. Hingê zanî ko xewna şevê ne xewneke adetî, lê heqîqet bû. Heçî sûretê Sitiya Zîn terka xiyala wî ne dida.

Ji milê din Sitiya Zîn di qeraxa çemê Diclê de, gava ji xewê hişyar dibû, wê jî digot ko şevê din xewneke şîrîn dîtiye. Lê wextê çav bi hingustila xwe kir, ewê jî zanî ko tiştê şevê din ne xewin lê rastî bû. Sûretê Memî jî li xiyala wê hati bû neqîş kirin.

Di rastiyê de jî tiştê ko li Mem û Zînê qewimî bû, ne xewin bû. Şeva ko Mem bi wezîrên xwe ve qala ziwapê kiri bû, periyân Mem xisti bûn xewneke giran, Zîn jî nivinandin û ew anîn nik Memî. Bi vî awayî Mem û Zîn heta fecara sibê li cem hev man. Bi spêdê ve periyân ev cardî nivinandin û Zîn vegerandin bajarê Cizîrê.

Mem gava bi xwe hesiya, sond xwar ko ji keça mîrê Cizîrê, Sitiya Zîn, pêve (ziwaca) tukcesî nakit. Li ser vê qerarê Mem rabû, rext û bostê xwe

girêda, li hespê xwe siwar bû û bêî ko xelkê xwe pê bihesine, ji bajêr derket û berê xwe da Cizîrê. Ewê Zîna, ko şevê dî periyân anî bû rex textê wî, nîşan bikira.

Piştî sefereke dûr û dirêj, Mem gihaşte bajarê Cizîrê û bû mevanê her sê birayên Sitiya Zîn. Wan jî qedirekî mezin jê re girt.

Zîn bi hatina Mem hesiya bû. Zînê ji bo dîtina Memî her fedakarî da bûn ber çavêن xwe û di tu tevdîrê de teqsîr ne dikir. Dawiyê gihaşte miradê xwe û ji ker ve diçû ba Mem. Belê wextê ko birayên wê diçûn nêçîrê, Memî tiştek bihane dikir û li qesirê dima. Zîn dihat qesira birayên xwe û digiha Mem.

Di qesirê de bi navê Beko-Awan wezîrek hebû. Beko mirovekî dexsok û fesedkar bû. Beko ji Memî hez ne kiri bû û lê bi kîn bû bû. Li firsendeke digeriya ko xirabiyê pê bikit. Beko bi evîna Mem û Zînê hesiya bû. Li ser vê yekê rabû, li nik her sê biran fesedî kir û qsetai xweha wan gel Memî digote wan. Le her sê biran ewçend guh ne didanê.

Dîsa rojekê Mem bi hênceta nexweşiyê ne çû nêçîrê û li qesirê ma û Zîn jî hate balê. Mem û Zînê di ştexaliya evînê de xwe ji bîr kiri bûn. Her sê bira digel Beko ji nêçîrê vegeeria bûn û berê xwe da bûn dîwana ko Mem lê rûniştî bû. Mem gava ew ji dûr ve dîtin, ebayê xwe ê fireh vekir û Zîn di bin wî de veşart. Lê kezikê Zînê ji derive ma bû. Gava her se mirêن Cizîrê ketin hundir, Mem bi hênceta nexweşiya xwe ji ber wan ve ranebû. Herçî keziya ji dervemayî ji Beko pêve tukesî ew ne dîti bû. Beko nîzingî li birayê mezin Çeko kir û li guhê wî pispisand:

— Ev mîvan ci mirovekî kanc e (qebe û kêmedeb). Ji ber we mîrekan ve ranebû û di cihê xwe de rûniştî ma. Heçko hon xulamên wî an kesine adetî biwan!

Çeko lê vegerand û got:

— Tu jî ci mirovekî kêm û fesad î, heke ji ber me ve ranebûye, ne ji ber quretiyê, lê ji ber nexweşiyê ye.

Beko:

— Belê, nerabûna wî ne ji ber quretiyê ye. Lê ne ji ber nexweşiyê ye jî. Ez sebebeke din dibînim ko nahîle mîrê mîvan rabbit.

Beko ev got û keziya Zînê ya ko ji deriveyî ebayî ma bû, şanî Çeko da. Çeko Zîn ji dîwanê qewirand û Mem da hebis kirin. Mem avêtin zîndaneke welê ko di çil pêpingî re mirov tê de diçû xwar.

Mem çil rojî di zîndanê de dimînit. Zîn jî di vê navê de dikit ko birayên xwe qanî bikit. Ji wan re meselê dibêje, ko Mem destgirtiyê wê ye û hatiye, wê ji birayên wê bixwazê. Dawiyê Zîn fesadêن Beko pûç dike û Mem ji birayên xwe re dida efiw kirin.

Roja ko Mem dikir ji zîndanê derkeve, Zîn ciline spehî li xwe dike, xwe dixemilîne û digel çil keçen keçin yên ko ji nav bajêr bijartine, qesta zîndana Memî dike. Gava digehe serê derineê, Zîn deng lê dike, Mem lê dinêre û wê di wê bedewî û spehîtiyê de dibîne. Zîn di dilê xwe de dibêje, ko Mem jê û ji birayên wê eniriye. Zîn cardî deng lê dike û dibêje:

— Memo, heke ji ber tiştê ko çêbûye tu ji min enirî, ve ne çil keçen bedew, yekê ji xwe re bineqîne!

Van gotinan wek brûskekê li Memî didin. Mem di dilê xwe de digot qey Zîn nema wî dixwazitin û jê kerixiye. Dilopek xwîn di difina Memî de têtin û Mem bêrih dikevitin erdê. Zîn digel mewkiba xwe vedigere û şîna Memî girêdide. Ji xwe gelek neborit, ew jî emirê Xwedê dike û li gora wesiyata wê li rex Memî tête veşartin.

Piştî çil rojî, her sê bira, Çeko, Heso û Qeretacdîn, Beko jî digel wan, dîsan derketi bûn nêçîrê. Di wextê nêçîrê de hespên nêçîrvanan di ser erdê, ko Mem lê veşarti bû, re derbas dibûn. Lingê hespê Çeko kete kortalekê. Ceko li kortalê nihêrt. Ew tirba Memî bû, Zîn li rex bû; her diwan hev û din himbêz kiri bû. Beko gote mîr:

— Ma tu nabînî, piştî mirinê jî dev ji xebaseta xwe bernedane!

Çeko li Beko hate xezebê, şûrê xwe kişand, li Beko da û gotê:

— Hey, melûn, here cehenemê! Xwedê miroven ko xebîsêن wek te ji hev kirine, di axiretê de digehîne hev!

Beko ji hespê xwe de bêrih ket û cendekê wî ji tirba Memî dûr, lê di wî erdê de veşartin. Piştî midekî her sê biran tirba her du aşiqan ziyaret kir. Di ser tirbêن wan re gul û çiçekine spehî bişkivî bûn. Di nav wan de stiriyek hebû. Ew ji dilopeke xwîna Beko ya ko keti bû wê derê çar bû bû.

Hetanî iro tirba wan ziyaretgah e.

Beşda.

EVDILMESÎH WEZÎR, *Ronahî* 23 (1944)

* * *

Zînê got: “Lolo! Memo, ez bi heyrana wê bejna mîna tayê rihanê li qelem e

Ku te de tune tûk û gulmit. Ji derdê min re xwes şifa û xwes merhem e. Her gav kedera dilê min ê bi kul û bi elem e.

Seba xatirê te, ez çito ranakim serê lêvane?

Lê li paş binêre, hemû xelkê bajarê me yê Cizîrê li me dikin temasane. Ebebozêن bajarê me Cizîrê, karê wana dek û dibare ne.

Sibê heyâ evarê, digerin, dibêن: Xwedêo, tu ji me re bişînî şer û dawane’.

Dibêñ: Xwedêo, lê niha vî xortê ñerîb ji qîzêñ me yên Cizîrê re şorek
bikira, yan peya biba li cem wane!”

Berî giştikan xwe hazir kirine, destê wan li ser şûr û silehane.

Hele, tu carê binhêre li şûrê wan, giştik çar tiliyan ji kalên kêşane.
Ma çavêñ min rijiyane ku vê çarsefê ji ser çavêñ xwe rakim li cem van
qîzane?

Welah, welah, ku ez çarşefê bilivînim ji ser çavêñ xwe, bajar gişkî dê
hilweşe van derane,

Wê me her diyan bavêñ ber devê şûrane

Ma tu berê nizanî ku xelkê Cizîrê bûne sê bendane?

Wê, li ser me, bi hev kevin, mîna guran li erdê hildin cendekane.

Xwîna mîran wê bimeşe li erdê, mîna çemane.

Wê li ser Kaniya Qestele bibe şîngîna şûran û tasêñ mertalane.

Ez nakevime ber rûhê xwe û vê koma meriyane,

Lê xelkê bêje: Heyfa Padişahê Kurdan, Memê Alan

Ku li welatê Cizîrê çû bê piş, di rûyê toleke jinane!

Tu gura min kî, serê vi heywanî rihet vegeŕîne, here ber derê Hesen,
Çeko û Qeretacîn, wane.

Ji Xwedê berjêr ewana wê ji derdê min û te re bibînin dermane.

Memî got: Lîlê, Zînê, ez nizanim ku tu ji min re rastî an derewîn î?

Mîna kihêlên tewlan ên sorboz û zengûzerîn î.

Arekî mezin ketiye hundirê min û dûman ji devê min diçe, ma tu nabînî?

Tu nabê, ez carê berê xwe bidime Memî û bêjim: Tu dilbirîn î!

Tu niha bixwazî, dikarî vî arê di dil û hinavê min de vemirînî

Vê hêzarê li ser çavêñ reş û belek û eniya gewr hilînî

Ma tu kû da herî? Tu dergistiya min î, her hal tu nikarî vê gustirê ji
tiliya min bi derxînî.

Ku tu vê nekî, dikarî min li pêş hezar û sed qîzêñ Cizîrê vegeŕînî.

Dinê û alemê bi mîvanê xwe yê şevan, Memê Alan û siwarê Bozê Rewan
bikenînî.

Were, guh bide min, carê kuçê hêzarê bilivînî,

Çavêñ reş û belek, eniya gewr ji bin da, ji bo xatirê min bi derxînî.

Werî ser kaniyê, tasa zîvîn ji ber kemberê da bi derxînî,

Ji ava Gulan tijî bikî, bînî, li ber pêşîra Bozê Rewan bisekinînî,

Çavêñ xwe rakî, li çavêñ min binhêrî û tasê bi destê rastî hilînî.

Bi destê xwe avê bi ser min vekî, û daxwaza min ñerîbî bi cîh binî!

Pê vî arî di hundirê min de bi careke vemirînî”

Zînê got: “Lolo, Memo, dilê min bi kul û bi jan e.

Madam ku tu guh nadî gotinîn merivane

Ji berê da, xelkê kêmanî xistine derê me jinane,
 Dibêjin: “Jin parsiya kêm in, û rûreşıya dê û bavane”
 Were, destê xwe bavêje destê min u min çek ke ser pişta Bozê Rewane,
 Berê xwe bide welatê xwe, bajarê Mişribiyane,
 Bila heywan me her diyan bibe, bigihîne xwediyanê.
 Emê xilas bin û bifilitin ji şor û gotinane.
 Nema li ser me dimîne tirsa merane.
 Ne jî bi me wê birije xwîna tu kesane.
 Gava em bigehin bajarê we, Mişribiyane,
 Wê li nava xelkê welatê we bibe şor û gotin û dengiyane,
 Xeber biggerin di devê mezin û piçûkane,
 Wê bêjin: “Dibêne, hatiye Memê Alane,
 Bi xwe re ankiye diyariyeke layiqî padişane
 Keçek ankiye ji welatê Cizîra Botane
 Dibê navê vê keçê Zîna Zêdane”.
 Wê were Bengîn, birayê te yê canecane.
 Li dora min kom bike temamê qîz û bûkên Bajarê Mişribiyane.
 Gişkê bêjin: “Wa zewaca van dibe!” û ji me re bikin pir duane.
 Wê bê: “Ku qeder bû, bila wa be, bûk û zava pîroz bin ji xudiyane!”
 Memî got: “Zalim, li çêkirina bajarê we yê şewitî û li van zikakan û
 ewcane
 Li van kaş û newalên di dorê de, li van çol û çiyan û meslewane!
 Ku meriv bû hevalê jinan, her gav westê were ber dest û çavane.
 Min ji te tiştekî piçûk xwest, te ji nihu de berê min da dawiya iş, nizanim
 ku min biceribînî bi derewane.
 Min ji te re digot: “Hele, kuçê hêzar û çarîkê hilde ji ser eniya gewr û
 her du çavane,
 Were, tasek av bi dest min de, belkî pê vemire arê di kezeba min û hina-
 vane
 Gava Xwedê kire qeder, emê herin, tuê bibî bûk û ez zavane.”
 Zînê got; “Memo, dilê min ji kulan bi keser û firqate û wer liyan e!
 Yê ku îro bi dest te de hatî serê min, bira neyê serê kesê gawir û misil-
 mane!
 Ne min got: “Em jin, qismê parsiya xwar in, hergav dibin ser hevda serê
 peyane,
 Serê xwediyyê xwe berjêr dikin di nav xelkane.
 Madam tu qebûl nakî peyiv û gotinane,
 Ku tuê tim bibî sebebê serê me her diyanê,
 Tu were, ez bi te rûnim li ser kaniya Qestelê, ava Gulane,

Tu jî peya be ji ser pişta vî heywanî û berde nav keskayî û mîrgane.
Were, ez û te va çökêñ xwe bidine ser hev, têr li hev û din binêrin, bila
ev hesreta nemîne di dilê me her diyane.

Ez dibêjim: "Belkî va ji te re çêtir e ji vexwarina tasek av ji ser destane.
Memî got: "Canemergê, dilê min hewa ye!
Va bû saetek, te di serê min de ne hişt, bi peyvan û bendan, aqil û sew-
daye.

Ev gotina ku tu dibê, em li cem hev rûnin, çongan bidine ser çongaye
Ev yeka han li tu deran ne layiqî mîr û padışaye!"

Zînê got: "Min ji te re çi gotibû? Hele carê binhêre li paş xwe, li bajarê
Cizîra Botane!

Di nav bajêr de, giregir û aña ne mane.

Hemî rabûne ser banê qesr û qonaşan, rûniştine li ser kursiyane.

Tu niha dibê, kaniya Qestelê ji bajêr pir dûr e, kesek nabîne meriyane.
Herhal, niha dûrbîn dane ber çavane!

Dinhêrine li dorhêla Kaniya Qestelê û li vî êxliyê qîzikane.

Gava hinek me di vî halî de bibînin, li van derane, ji bona me her diyan
şermeke pir giran e."

Memê got: "Ez Mem im, wergî dîn im,

Va şes meh in bi pê vî işî ketime, text û tacê xwe dihêlinim.

Ma ez nizanim vî canî xwe derbeke din li welêt venagerînim.

Zînê, bila tu zanî bî ku Hesen, Çeko û Qeretacîn bi min re bûne bira,
êdî ez xemê li tu nakişînim.

Tu dixwazî ku ez carê şûrê xwe ji kalêñ bikişînim?

Ez ne ketime xema mezin û giregiren Cizîrê, tirsa min ew e ku pê re xwîna
feqîr û fiqarê bê şûç birijînim.

Niha ku tu pir bi dilê min bidî, ezê werim, bi destê xwe wê hêzarê ji ser
çavêñ te hilînim,

Daxwaza xwe bi zorê ji te bistînim.

Zînê got: "Memo, dilê min î liyan e.

Ne dihate bira min ku ji devê te bibihîsim van peyvan û gotinane.

Ma tu dixwazî min bitirsînî bi şûrane?

Ku tu niha destê xwe bavêjî qeterê guliyane,

Canê min bidî ber devê lahûrê girane,

Perçe bikî, bavêjî ber lingê Bozê Rewane,

Dîsa tu nikarî hêzara min rakî ji ser û çavane

Çima tu ev tiştê ha tune di qanûna welatê Cizîra Botane."

Memî got: "Tu min nas nakî! Ez Mem im, wergî dîn im.

Mîna teyrekî serdestan î çeng bi şerab û xebxeb zér û per zêrîn im!

Ez ne Tirk û ne Tacîk im, ez Kurdê canpola û serhişk û dilbirîn im!

Ez ne hatim ser Kaniya Qestelê, nav koma keçikan, xelkêbi xwe bikenînim.

Hewqasa pere didim, milkiya Kaniya Qestelê ji her sê biran distînim. Ev bûne sê roj dixebeitim, tapiyan bi hikmê peran bi der dixînim.

Tapî vane, min kirine bêrîka xwe û tê de digerînim.

Ez hatime ku her çar terefê Kaniya Qestelê tevî milkê wê bibînim.

Bi qanûna bajarê Cizîra Botan, hun çiqas qîzik tê de ne, madam hun bê izna min hatine nav vî milkî, ez dikim cezakî mezin ji we hemiyan bistînim.

Pâsê, Memî berê xwe bada ser koma qîzên Cizeriyane,

Got: "Keçino, metirsin, ez ji we kesî naxwazim tu cezane.

Gava civatek bi aÿayê xwe re diçe bajaran û rûdine li qehwane,

Vexwarina qehwê li civatê ye, û pere dayîn para aÿayê wan e.

Hun jî ûro bi Zînê hatine ser Kaniya Qestelê ava Gulane,

Di ber we giştikan ve, ewê bide cezane."

Mem dîsa vegerî ser Zînê û got: "Zînê, ez bi aqil im, ez ne dîn im!.

Ezê niha destê xwe bavêjîme qevda şûrê Lahûr, bikişînim.

Ma tu nizanî ku ezê bi zor tasek av ji te bistînim?

Zînê dît ku bayê Memî bayekî şaş e, hevîneke giran e,

Nikare jê re bibîne çare û dermane.

Wextê ku Mem nuh hatibû, gotibû: "Roja we bi xêr!" — Zînê ji nih ve silava wî vegerand, bi ser û çavane.

Ji ser serê xwe hêzar rakir, tertîbê bajariyane.

Bû mîna serdara eşîrên Kurthane.

Tasek av rakir, da ser kefê xwe yê destane,

Da dest Memi, wî ji dest girt, vexwar ava gulane.

Zînê got: "Memo, di ber ra, di ber ra!

Tu vê sibê mina teyrê şahîn, xumamê girtî ser bask û pera

Tu ji welatê xwe, bajarê Miäribiyan, bi derketî, heyâ bajarê Cizîrê hatî li ser çavê dilketiya xwe re."

Hingê Memî lingê xwe bi der xist ji rikêbane.

Peya bu li ser Kaniya Qestelê, mîna teyrê ku xwe berde ser koma kewane.

Kew gî bifirin, yek bi tenê bimîne li şûna wane.

Memî Zîn girt û rûnişt li ser Kaniya Qestelê, ava Gulane.

Esmer û zeriyê Cizîrê kirine qirîn, giştik reviyane.

Di bajarê Cizîrê de, diz û ebebozan nemane beziyane,

Dest avêtine ser qevdên şûrane,

Berê xwe dane Mem û Zînê, ji bo kuştina wane,
Bi hev re, ber bi Kaniya Qestilê û ava Gulan direvivane.

DESTANA MEMÊ ALAN, Damas 1958 pp. 88-94,
cf. LESCOT, *Textes Kurdes II*, vers 2151-2293.

25. *Miso û Xido*

Du dengbêjên deşta Sirûcê, Mîşo Bekebûr û Xidoyê Hindawî, hati bûn ziyareta Hawarê. Her du jî Berazî, Mîşo Pîjû, Xido Elaedînî.

Mîşo peyakî bejnkurt û stûr, Xido bejnnavîn û zravîk e. Emrê Mîşo di dora péncihî, yê Xido di dora sih û pêncan de ye. Ji me re Memê Alan strandin. Xido bû Mem û Mîşo Zîn.

Xido: Mem li ser hespê xwe li ser kaniyê sekinîye, dayêje ser Zînê:

Miso ji Zinê ve lê vegerand:

Lo lo! Memo bejnzravo, li fena tayê rôhanê
Pêda tine tûk û kelemo!
Ji dilê min şifa û hem merhemo
Xeyala dilê min bi kul, bi elemo!

Mîşo çend beyt ji sihreke xwe jî gotin:

Em biçûk bûn, pir nezan bûn
Ko mezin bûn, cangiran bûn
Li pêş çavên me dûman bûn
Ev sûçên bav û kalan bûn
Em ne dane ber xwendinê
Da bibînin rengê dinê
Irû jî hat rûja mirinê.

Mîşo dît ko ji beytên wî re kêfa min hat, çendekêن din jî gotin:

Rojek hilat li me zer bû
Hêla Xwedê li ser me bû
Herçend rabû xwes xeber bû

Paşê ne ma diçû ava
 Hêv û stêrik li nêv nava
 Em jî hemî tevda biçin
 Çi şîretên kur û bavan
 Bibînin bejn û balavê
 Bi ruhnaya her du çavan.

Di dema rabûnê de, Mîşo Hawarê di destê xwe de gerand, dil kir ko li me jî xwes bikit. Ev e diyariya wî:

Va îsa vaye vanî
 Dêrgul bi mîrg û kanî
 Sê mîran qelem anî
 Her sê jî Bedir-Xanî.

Dengbêjên me piştên xwe dan felekê, berên xwe dan oçurê, xatir xwes-tin û çûn. Oçura wan li xêrê bit.

HEREKOL AZÎZAN, *Hawar* 7 (1932)

26. *Siyabendê Silîvî*

Çîrçîroka Siyabendê Silîvî bi nav û deng e. Ev jî wek Memê Alan yek ji çîrçîrokêne ên kevn û spehî ye. Herkes pê dizane. Ezê li hir bi hênceta loriya-mirina ko min berî sê salan nivîsandiye û di vê hejmarê de belav dikim, birekî wî hildim.

Siyabend Xec di rûja daweta wê de ji destê heft brayêñ wê revand û biri bû serê çiyyâyet Xelatê. Ji ber ko Sîpan dilketiyan dihewîne û wan diparêze, nahêle tu kes nizîngî wan bibit.

Rûjkê Siyabend serê xwe danî bû ser ejnûwêñ Xecê û di xew re çû bû. Ji dûr ve kerîyek gakovî derbas dibû û diçû ser delavî. Di kerîyî de dêlek, ciwanegayek û heşt gayêñ din hebûn.

Ciwanega rex dêlê ve diçû û ne dihişt heft gayêñ din nizîngî wê bibin. Heçî ko ber bi dêlê ve dihatin, stiruhêñ xwe di wan hilda.

Xecê wekê ew dîtin, mala wê, heft brayêñ wê û şerê rûja revandinê ket bîra wê. Ma Siyabend jî wek vî ciwanegayî Xec ji destê heft mîran ne stand û revandi bû. Xecê bi bîra mal û heft brayêñ xwe ber xwe ket û dest bi girînê kir. Çend hêstirêñ Xecê keti bûn rûwê Siyabend. Siyabend pê hişyar bû û ji Xecê re got:

— Ruhnîya çavan, çire digirî; heta niho bi kêf û dilxwes bûyî — ci li te dest da, ka bêje min!

Xec kir ko mêbejit. Lê Siyabend jê ne geriya, gelek ber wê da. Dawî lê vegerand û got:

— Siyabendo, kerîyek gakovî derbas bûn û çû avê. Têde dêlek, ciwan-gayek û heft ga hebûn. Ko min ew dîtin, ew rûj hat bîra min ko te ez ji destên heft brayên min revandim û min ji xwe re got: “Heke wê rûjê yek ji mebihata kuştin, ê kuştî jî tu bûwayî, piştî te re halê min dê çi buwa” — ser vê yekê girîya min hat.

Siyabend rabû, kevana xwe hilda, ko here, wî ciwanegayî bikuje. Xec ket buwara wî ko meçit; kir ne kir, Siyabend guh ne da û ber bi delavî ve çû. Ciwanega di dora dêlê de digeriya. Siyabend ew da ber kevana xwe, tîr lê ket. Ciwanega çend gavên xwe randin û xwe gihand kevîya hevrazekê û li ser şeharekî veket. Bi birîn bû. Ên mayîn dor li dêlê girtin û baz dan.

Siyabend çû ser, ciwanega ji stiruhêن wî girtin ko şerjêbike. Ciwanega gehîstî bû çankeşiyê, bîhna xwe a paşîn bidaya, bi hêla canê xwe serê xwe hejand. Destên Siyabend ji stiruhêن wî filitîn, pêyên wî şemîtîn, gêr bû û ji hevrazê de ket newalê. Di binê newalê de dareke hişk hebû. Siyabend piştikî keti bû ser, çiqilên darê di pişta wî re çûn.

Xec demeke xweş ma hêvîyê. Hêvîya wê ne dihat, rabû, da şopa Siyabend û xwe gihand ciwanegayî lêketî. Ciwanega li ber mirinê bû. Ji newalê de nalînek dihat. Xec xwe dahiland û Siyabendê xwe di wî halî de dît. Lê girîya û kilamin avêtin ser. Di pey re xwe zer kir u avêt newalê, di rex mérê xwe de mir.

Dibêjin ko di wê newalê, di wî cihî de, ko Siyabend û Xec mirine, serê her buharê du derxên gul radibin û du kokî di ser wan re difirin. Dibêjin jî ko her çiyayê Kurdistanê stêreke wî heye. Ji hingî ve yên Sîpanê Xelatê bûne dudo û her şev di ser tîrbêن Xec û Siyabend dibiriqin û wê goristanê diruhnînin.

HEREKOL Azîzan, *Hawar*, 13 (1932)

27. *Xerabo!*

Xerabo, Xerabo, weleh û bileh, tu xerab î.
 Tu bi ïalişalê, bi gotinê çenabî.
 Malê te pir e, ji canê te re edabo!
 Qama te kin e, hemberî taximê memikê mi nabo!
 Şevê Kanûna dirêj in, tu ji ber serê min ranabo!
 Belkî debara te dibe, ebûra min di mala bavê mi de nabo!

Xerabo, weleh, tu xerab î.
 Tuê ji dinyaê, ji alemê xerabtir î.
 Tu ji koma pismamê mi çêtir i.
 Serê memikê mi, rebena Xwedê, mînayî tiriyê Çêlikê Eliyê Remo, di
 çax û benga xwe de dikemili.
 Serê memikê mi, rebena Xwede, mîna Qesrê Pirota, serê Mihela Meşkîna
 avakirî.

Xerabo, dîno, havîn e, xweş havîn e.
 Nanê cehîn e û dewê tirşîn e.
 Serax û binraxa min û xelkê delal ebakî şalîn e.
 Heçi derdê dila ne dî be, bila nebîne!
 Tu rabe, ji mi re gwîzaneke berbera bîne!
 Ezê serê memikê xwe biçipilînim, ji kala rebikim taştê, ji xorta re bikim
 feravêne
 Bazê dilê min rojiya se meha digire, bila êvarê pê fitara xwe bişkêniñe.

Xerabo, xerabê dînê, te mîka xwe daye bi bizinê,
 Te gula xwe daye bi sosinê.
 Te berê xwe daye qetlê û sêpaê zînê.
 Ez û Xerabê bi tenê şevê nîvê şeva li zikaka biniya mala li hev rûniştin.
 Me gîlîkê xwe pev kirin û gazindê xwe dihiştin,
 Kundê şkêra, wawîke ber devê çema, li halê min û bejna zirav diponiştin,
 Mirîkê gorê di mezela, ê go îsal hezar û pênc sed sal mirî bûn, kefenê xwe
 li cemcumê serê xwe gerandin, li ser qebrê xwe rûniştin,
 Li halê min û bejna zirav diponiştin.
 Ez bi te re dost bûm, tu bi mi re dijmin bûyî.
 Tu li paş xanîka li min dikelistî, te derbek bi tifingê berda mi, ez dikuştîm.
 Şevê nîvê şeva, te bi destê tola jina xwe girt, û ez li ber dîwara dihiştîm.
 Xerabo, Xerabo! Xwedê teala bike, Rebî, heçi ji xerabê min re bêje
 “Tu xerabo”,

Bila karîn û warîna zarokê nîr tu care di mala wan de nabo!
 Bila sed olçek genimê sor li bine beriya Merdînê biçîne, li şwîne bila qere-
 zîwana reş nabo!
 Emayî, bila kuliyyê par û pêrar lê rabo!
 Bila salekê bîne ser bênderê, gêre bike û bidêre, ew ji jê re bi ka bo!
 Kulmek zadê ji wan re saffî nabo!
 Heçî ji Xerabê mi re bêje: “Tu baş î, tu pri qenc î, “Xwedê teala bike,
 Rebî, kulmek garîsê li pişta mala biçîne,
 Li şwînê sed olçek genimê sor hilîne;

Bi ofara binî qîza şêxkî, axfordî ji xwe re bîne;
 Zikata malê vê salê bide min û bazê dila, emê pê daweta xwe li dar
 xînin.

Min di bazê dila barê xwe bar dike, berê xwe dide aşê mala Hacî
 Sendîn e.

Tu li wê newalê timam bigere, tu li heft seriya bigere, tu çavkî di wan de
 nabîne.

Mi dî mîrata çapê li arvanê bazê dilê min dixîne.

Heft çap û nîva ji arvanê bazê dilê mi hiltîne.

Daweta min û Xerabê bi tenê sala vê salê nêv cî li dar dimîne.

Xerabê mi xeyidî ji gundiya, ji maliya.

Mi dî da ser rêka Omeriya,

Minê digo: “Ezê rabim, ban kim heval û hogir û hemşeriya,

Bila herin, xelkê delal vegeŕin bi kef û eşq û laqirdiya,

Bila Xwedê teala biqedîne miradê miradxwaza û dilketiya,

Bila miradê min û Xerabê mi bimîne heyâ koçerê me vegeŕin ji deşta
 Mûşê, rûnin akinciya.

Xerabo, dîno, Xerabê xelkê,

Te bêjin ziravo, bi terha benikê,

Dilkê min û bejna zirav di hev hebû çi kula go ketiye mala xelkê.

Xerabo, dîno, mala bavê keleşgewra mi li wê çivê, li wê ewcê, li wê
 zikakê, li wê fitlekê,

Te meşqazê, meşqetikê, meşordekê,

Heçiyê xortê go bi çavê xwe dî û bi dilê xwe zewicî, ewê sê roj û sê şevê
 xwe kuştine ji dinyaê, ji qocê felekê.

Xerabo, dîno, bila li te be, li wî dilî,

Bila li mala hezar û heft sed bavê te be, li wê sewdanê, li wî aqilî.

Çewa te dev ji mi, kihêla serê tewla berda, tuê li bergîla şixulê Rismiliya
 û Qibaliya dihesilî.

Mi ji te re ne go: “Di meha biharê, bergîla li şwîna kihêla metewili!”

Li xûşka mezin binêr, dû re xûşka biçûk ji xwe re werî.

Lawiko, dîno, ezê çi bikim? Sala vê salê, ez bi mîr im, tu bi jin î.

Kul û kederê te gelek in, şak berdane ser vî dilî.

Kul û kederê ji bîra nakim, heyâ axê mezelan, kîlê di kevirî.

Kul û kederê te pir bûne, tucar dernakevin ji vî dilî.

Xelkê digo: "Keleşgewra te esmer e û genimgwîn e."

Bi xelkê tehl e û bi nevsâ ni şérîn e.

Tu rabe, serê xwe di kulek û şibakê qesrê re biderzîne!

Bila sira baê Qerejdaşê li ser şebiskê te ê şê xîne!

Bi ser henarkê rûkê rastê te vegeŕîne.

Ez dikim herim welatê xerîb û xurbetê, tu kanî ramîsanekê bi mi de, ji
boğaza qirikê, ji xanûmanê gerdenê,

Bila kederê ramîsanê te keçikê li welatê xerîb û xurbetê di dilê mi de
nemîne.

Wexta Ezraîl dakeve, rûhê mi distîne,
Wê gavê, bila diwanzde mikweta zêdî heqê mi li mi xîne,
Bila heqê ramîsanê keleşgewra mi ji mi hilîne.

Xerabo, Xerabo, Xerabo! Wey li minê, wey li minê, wey li minê,
Çewa iro hatiye cewaba nexêr e ji mi keçike re.

Digo: "Delalê dilê te li welatê xerîb û xurbetê nexwes e, nexweskî li
ber mirinê.

Ezê ji komê pismama ne wêrim herim serekî bidimê.

Xwezî ji xêra Xwedê re, ezê bîstekkekê li tenîsta Xerabê xwe rûniştama,
meyê li hevûdu helal bikira heqê ramîsana, malîfeta
derdê dilketinê!

Gelî gundî û malîno, car û cîrano, hûnê bi qedrê Xwedê kin, mala Xerabê
mi ziyareteke pir evzel e, hûnê bi destê min bigirin
û mi bibîne.

Çi darika di bexçê mala bavê mi de bû, ji gula, ji beybûna xemilandî,
Xerabê mi rahiştî hejkî, lêxisti, timam diweşandî.

Bê lome be, çewa dostikek mero gelik i bedew hebe,
Li çiyakî mina çiyayê Omeriya be,
Mero dev jê berde, dil pêkeve erebekê, li binê beriya jêrî, û lêvdeqandî!

Xerabo, wile, tu Xerabo,
Malê te pir e, ji canê te re edabo!
Tu bi şexkî diwanzde elmî bo,
Sed werdê te di bêrîka mi de bo
Qenyantiya dilê mi bi te nabo!

(*Hawar* 38 1942, pp. 12–14. Chanson populaire,
recueillie chez les Omeris, tribu de vigneron près
de Mardine, par "TAWUSPAREZ")

V. POÉSIE MODERNE

28. Halê welêt

Divê tu zanîbî, ev bûne sê sal
min ne dîn xwîşk û bîra xelkê di mal.
Ne me dît axa welêt, pîra diyan,
ne vewxar kewsera gewr ava çiyan!
Dipirsî iro ji min halê welêt;
Dê bêjim: Jê diçin sed agir û pêt ...
çi çiya, deşt û newal, rêl û zimag,
çi bajar, gund û kelat, avahî, pag,
Hêyra bi dar û giya kuç û zinar
bi girîn, kezeb ji min anîne xar.
Ne kêzan, ne şîvan û şîna giran.
Sorgerî ava çeman b'xwîna biran.
Rojê sed êş û birîn renc û keser
ji dil û cergê di wan dertêne der.
An dibin armanc ji bo tîra neyar,
an diçin ji nav welêt bê şûn û war.
Axivîn j'canê welêt diwazde birîn
herikîn Dicle, Firat deh sala xwîn ...
Qe nizam hewce ye vî halê xerab
ku ji min cerg û hinav kirye kebab.
Bibêjim bê ser û ber bê doz û tol,
ji me çûn deşt û çiya, namûs û ol.
Pir sipas bo Xwedê we ew der he dît
tubê qey nemane mîrxas û egît.
Welat dîl, xelkê tê de hemî raben
bê girîn nabînî, qet rûkî liken.

OSMAN SEBRÎ

29. *Hêvîya nû*

Raza me li ber dergehê meyxaneyê naçim
 Sermestî û bê hes
 Mîna keşeye sondxwarî paresteyê xaç im
 Wergirtî cilê reş.
 Min xaç û pûtên xwe wekî Îbrahîm şikandin
 Ez bûm bi serê xwe,
 Min şex û mela, sofî û derwêş qewitandin
 Ji pêşî derê xwe ...
 Min hêvî zebûn bû ji mezin rîspî û kalan
 Heyhat û hezar ax!
 Sist bûne rehêن şêr û piling gur û şepalan
 Tev bûne malkambax! ...
 Kes nîne ji dil bo gelê kurd bike xebatê
 Wek Ristem û Îhsan
 Bi destê zorê veke rêya jîn û felatê
 Dilgeş bike Kurdan.
 Gava ko me dît dem hole bêkêr hat ji bo me
 Zendê xwe vemalan
 Xebata welêt karekî dijwar û bi dom e
 Gazî ji hevalan.
 Me hêvî nema ji kesî, bê xortêñ welatî
 Ew hîmê welêt in.
 În tîra neyar cerg û hinav jê sot û patî
 Tev agir û pêt in
 Yektî me divê, me rê ew e, em dê biçin her,
 Yezdan arîkar bit
 Serdestî ji bo me ne pir e em dê bibin, ger
 Cihan bi neyar bit. OSMAN SEBRÎ, *Roja Nû* 1943

30. *Roviyê jîr*

Minbihîst ev ji kalan / şîret ji bo hevalan
 dibêñ rojek ji rojan / rovîkî req dikojan
 jê xewînin gur û şêr / rabû revî serberjêr
 Gurî li pê kir gazi, / rovî got: çi dixwazî?
 Gurî gote: ho birak! / me xułamek divê çak
 Eve şahê dilawer / divê bike te rêber
 da me bibî newalan / bikin nêçîr û talan
 nema birçî dimînî / ziki jî xwe d'êşînî

Rovî zivirî cem wan / silav da ji dil û can
 Gelek bû bû jar û qels / birçî, rûtal û teres.
 Şêr bi halê wî kenî / Rovî digot: Ez benî,
 min her dixwest ji Xwedê / ko min têxe ser vê rê
 di vî emrê xwe ê pîr / bibim xülam ji bo mîr
 Mala xelkê bisojim / têr hestiya bikojim
 Wî çav da bû devê şêr. / Gurî got: Ho kerê nêr
 bide pêş me zû biliv / me j' te navê çol û çiv
 Haydê cîkî bi nêçîr / welê emir dike mîr
 Rov di pêş wan da çû / şêr û gur tev dane dû
 çûn devêrek bi çapan / kerîk pez dîn bi şivan
 Şêr dengekî gurmijî / erd û ezman tev hejî
 bû kazekaz se revîn / mihî li hev dicivîn.
 Xew li şivên tewirî / ew jî revî veşirî
 kesek ne ma di wî cî / pez hêlistin vê xwedî
 Şêr gote gur: here wir, / du pezên çak bîne vir!
 Bi lez û bez gur revî / nabêj çapan û devî
 çû, gihêste nava pêz / dido dido kirin rêz
 di nava wî çolê pir / girtin anîn du kavir
 Dema rovî dît nêçîr / da lotikan li pêş mîr
 Zûka sûn kêr sadir / tanîn didan destê gur.
 Rûnişt li ser totikan / carcar didan lotikan
 li cem wana veket şêr, / gur rakirin das û kêr.
 Gur û rovî wek biran / şerjêkirin tev guran
 Şêr gote gur: Parveke / para min jê cida ke!
 Gurî çepil vemalan / kete ser goşt, kir talan,
 serî, gurçik teve dil, / her du kezeb, her du mil,
 rakirin, tev dane jêr, / got: Evana para şêr.
 Dûv û herçî goştê nerm / ji bo xwe hişt ma li cem.
 Gava şêr dît yeka han, / ji qehra xwîn ket çavan,
 gurmişa xwe hilanî / di navçava gur danî.
 Rep bû dêla gurê zer, / her du çavan baz da der.
 Teriya gur dihezî / şêr dane xwe du tezî
 Got: Roviyo, tu yî jîr, / were, vêcar tu kizîr,
 vî goştê han parvake, / para min jê cida ke!
 Pişti ko ev halê han / rovî dît bi du çavan
 bi sed fêñ û du sed lûç / bi wê geda bindirbûç
 Hol bû di ser laşa gur, / rakirin kêr û sadir
 Ne got gestî, goştê nerm / rakişandin her du term

birîn, danîn li pêş şêr / bi şûn da hat heya jêr
 got: Ji bo min bes e ûr / tev rêviyê wek bilûr
 ji bo min ev çêtir in / ji serê min zêtir in.
 Şêr gote wî: Aferîn! / Ji kû ev eqil û zanîn?
 Tu fêr buyî seyê pîr, / kesek nabe hinde jîr!
 Rovî gote: Ez þulam, / ji Kurdistan heya Şam
 min ne dîn wek gurê zer, / bê mêjû û zirt û ker
 malbata me roviyan / di nav weş û koviyan
 têne nasîn bi jîrî, / para me ye kizîrî
 çavêr gur ên zîq û çep / dêla wi a hişk û rep
 bela bir ji derê min / pir eqil xist serê min.

OSMAN SEBRÎ, *Hawar* 29 (1941)

31. *Bilûra min*

Bilûra min a şîrîn
 tu di sariya sibehê
 û hingûra êvarê de
 hevalê bêhevalan,
 destbrayê şivan û dilketiyan î.
 Dengê te
 hêstirênil dilên þemgîran,
 silava ji hev-veqetîyan,
 girîn î zarîna dilketiyan
 tîne bîra min.
 Bilûra min tu î,
 þemrevîna terkeserêny dinyayê!

Dengê bilûra min,
 çiya û zozanênil bilind,
 kaniyênil bi gul û rîhan dorgirtî,
 guhê şkeft û serê zinaran
 guhdarênil te ne!
 Û sura bayê þerbî
 te di nav pelênil darê de digerîne.

Bilûra min, were emê
 bi wî çiyayê bilind re
 bi hewa kevin,
 û bibin cîranê bayênil xurt

û hevalê kimtên wan
 yên bi mij û dûman,
 û tê de dengê xwe berdin,
 û zarîna dengê me
 bikeve nav kortal û gelian
 û bêcaniya erdên jérîn
 bihejîne;
 û pêlên ava heftreng
 ên ïemzebaz
 nalîna me bigehîne
 deşta Sirûç û Diyarbekrê;
 û beriya mîrxasên Berazan;
 û kalîna berxan
 tev şehîna hespan
 li me vegeŕîn.

Bilûra min, binêre û bibihîse!
 Roj çû ava,
 stêra êvarê bû geş,
 kolosên çiyan ên gewr
 û hewraniyêن wan ên sor û zêrîn
 bûne çûn;
 û pêlên ava şevê ên reş
 ketine deşt û newalan
 heta rûyê gir û kepezan.
 Di qeraca de
 kevir piyê şevgera dixapînin
 û bêdengiya şevê de
 pêjna lingêن mîrxasan têن.

Bilûra min,
 dengê xwe berde!
 Dinya, mina zarokekî berşîr,
 ket dergûşa xwe;
 Denge xwê berde, bilûra min,
 û jê re bilorîne,
 ïema wê birevîne!
 Bilûra min tu î.

X̄emrevîna terkeserêñ dinyayê;
 û li rohelatî
 dema ko dinya hişyar dibe
 ji xew radibe
 ji me re
 strana azahî û serbestiya
 Kurdistanê
 binehwirîne,
 û dengê wê stranê, bila,
 mîna tirêjên rojê ên pak û zérîn
 bikeve nav dil û guhêñ me.
 Bilûra min,
 Tu î x̄emrevîna dilketiyêñ welêt.

SEYDAYÊ GEROK, *Hawar* 32 (1941), 14

32. *Şam şekir e, welat şérîntir e*

Welatê min tiwî bûka cihanî
 Hemî merg û bihişt û baăx û kanî
 Şepal û şeng û şox û naz û gewrî
 Gelek şérîn û rind û pir ciwanî.
 Serî taca Silaheddînê Kurdî
 Enî roje, di brica asîman î.
 Du birhêñ te kevanê Rustemê Zal
 Du zulfêñ te ji tîrêñ qehremanî.
 Riwê te agirê Zerdeşt û Mezdik,
 Ji te hêstir şeraba Kamîranî.
 Çena te gohê Cûd û Şax û Hebler
 Qirik eywan û taqa kesrewanî.
 Du lêvîn te kitêba Hacî Qadir
 Zimanê te ji benda şêxê Xanî.
 Du çavêñ te wekî deryayê Hurmiz
 Kepû elmase şuxlê Muş û Wanî.
 Du destêñ te tixubêñ Tirk û Iran
 Hero cenge bi tîrêñ zerveşanî.

Di sînga te kitêba Zendewista
Memik ferfûrê tê de neqşê Manî.

Ji sînga te bi jêr de gelyê Laleş
Ziyaretgah e bo me her zemanî.

Bi nîşan û bi nan û xwîn rijandin
Me dest girt û qelen da û tu anî.

Ser û pa zend û bazin tev bi hinne
Hemî sorin ji rengê zaferanî.

Bi te em şâ nebûn ev bû du sed sal
Ji me dengê tivinga çûye banî.

Bira û law û bav û ap û pismam
Li ser te hev di kuştin Pehlewanî.

Ji Loran ta bi Zazan tev bi xencer
Dihatîn hev li meydanê beranî.

Bi talan û bi kuştin, hem bi sotin
Me konê şer li ser sînga te danî

Emîr û begler û paşa û axa
Kirin wêran sera û birc û xanî.

Li alîkî te deng û ceng û halan
Li alîkî sedayê xewsê sanî.

Hemî bûne mirîd û şêx û sofî
Bihîsti ne çikin nav û nişanî.

Li axur radizin lê şêx diçî jor
Berî nîvro ji banî tê giranî.

Ser û Pa tev dikî gulav û ember
Dibê nûre kero ma tu ci zanî?!

Bi van xapan dixwarin xwarinên xweş
Wekî şêx û melayên vî zemanî.

Dû derdêñ me hebûn dijwar û xeddar
Xizanî yek, ewê di her nezanî.

Weke şer û pilingan em diçûn hev
Penîr rovî ji meydanê hilanî.

Me ew rojêñ ciwanî tev bi derdan
Bi zîvarî, belengazî, şicanî.

Herê bûkê pepûkê jar û mestê
 Li ser sînga te zava man biyanî.
 Te reş daye serê xwe her li ser me
 Li te rokê dibî pîroz kitani.
 Cegerxwîne kurê te her dinalî
 Ji ber jana nezanî û xizanî ...

CEGERXWÎN, texte dicté
 (cf. la version imprimée *Dîwana Cegerxwîn* 2,
 Damas 1954, 42–43)

33. *Pendnameh*

Ezê bêjim, lê hun dilê xwe megirin
 dinya ne hêja ye, emê tev bimirin
 Mala me gelekî kûr e, yek maş e,
 ew ji li bin şes heft tebeqê ax e.
 Em tev bira ne, ji yek dê û yek bav
 ji miriyan re ci maye ji bil nav?
 Hûn şiyar nabin, ta kengî razin?
 Hûn mezin in, em ji we dikin gazin.
 Xelk dibêjine me şêx û hem mela
 çaxê zekatê dibêjin bela.
 Ma çima hezretê peyşember gotiye
 zekatê me xwe, ger tu Haşimî ye!
 Malûmê we ye, ev qerêja mal e,
 lewre ji şerîfan re ne helal e.
 Hûn bi dilê xwe tev hakim û mîr in
 di zekatê de, ji qismê feqîr in.
 Madam ko em warîsê enbiyan e,
 ma çima em xerîkê karê dinya ne?
 Bes e, hon ji xew rabin, ez gorî zû,
 ji zarokên xwe re bêjin ilmên nû.
 Ma çima hezretê fexrilalemîn
 gotiye: “itlibulilm welew fis-Sîn!”

Misilman kengî li Sîn hebûn ew çax
ax! li destê we, şêx û mela, ax, ax!

Çima ji bona ax û gund û xwelî
perê xwe didin û li hev dikin gilî?

Her yek perên xwe bixun bi serbest,
di hemberê dijminan de bibine yek dest.

Ji hev re pir baş in û guh bidêrin,
li çerxa felek hun xweş binêrin.

Gerek ji bo neyar e û yek ji bo me,
a neyar hat, lê a me bi dom e.

Em ji şîva xwe bajon û tov biçênin,
dê zû şîn be û emê wî zû hilênin.

Carna em rezekî datênin deh sal.
Em naxun, lê ji kurê me re dibî mal.

Ewê ku çêkir papur û balafir
deh sal bi şûn ve nema, zû çû, mir.

Ev tev ji me re riya dîn û îman:
“Hubbulweteni delîl û burhan.”

Ew kesê bê xwendin û eql û zanîn
li rêza kera ye, ci bidîn û bêdîn!

Ez bi xwe bê êl û êşîr û ebr im,
pêlek umrê min maye, ezê bimirim.

Bes ji bona we ye, ev qîrqîra min
lê ez ci bikim, hun guh nadin şihra min.

Hûn dizanin, le hûn li xwe nakin bar.
Em jî ji ber dilêşî dikin hawar.

He bêjim, hûn bêjin bûye kafir
Hûn nabînin dinya tev bûye agir.

Hûn dibêjin: “Em bûne qutbê razî.”
Qet yek ji we nabe miftî û qazî.

Hûn bi van her dû rutban ne razî ne
lewre hun belangaz û pîtazî ne.

Hûn xort û hûn çeleng û mîr û ciwan
hun ji pîsa parsê dikin ji bo nan.

Ez mela me, lewre dile min têşî
 Xwedê rehma xwe nekî li ê pêşî.
 Em hîmî tu karî ne kirin yek car,
 lewre em tim mane tiral û bêkar.
 Axa, ez ketime bextê te û Xwedê,
 ezê çend pirsan bêjim, tu guh bidê!
 Di bin destê we de hebûn pêsed xan,
 hemî rençber û cotyar û şivan û gavan.
 Te malê wan distand her û her bi dil êş
 hemî dixin devê mamur û derwêş.
 Ger we tev bidana bi top û tiving,
 de hûn ji bibûna hemberê Firing,
 Lakin çi bikim tev de bi şabaşa?
 Qet yek ji we nebû wezir û paşa!
 Li ser bextê min bî, hun mîrê çê ne,
 Sed ax, hûn êsîrê destê xelkê ne!

Bes e, eqlê xwe bidin serê xwe,
 destê xwe bigirin vêcar li perê xwe.
 Fikra min maye, min ev tenê ne dixwest,
 lê ez çi bikim, li vir qelema min şikest.
 Bi kîrê min, min tûj kir serê qelema zil,
 vê digel a tê binivîsim, dibin cil.
 Eger hun ji gotinê min pir aciz bûn,
 hêvî dikim efû bikin Cegerxûn.

CEGERXWÎN, texte dicté
 (cf. les versions imprimées *Hawar* 24, 1934
 et *Dîwana Cegerxwîn* 2, Damas 1945, 18–20)

VII. TRADUCTIONS

34. *Évangile de Luc XV, 11–32*

11. Ú got: Mirovekî du kurên wî hebûn; 12 piçûkê wan ji bavê xwe re got, Bavo, ji malê te pişka ber min dikeve, bide min. Ewî jî malê xwe li wan paye kir. 13 û gelik wext ne borî, kurê piçûk her tişt da hev û çû welatekî dûr; û li wê bi tolazî malê xwe telef kir. 14 Ú çaxê hemî xerc kir, li wî welatî xelayekî dijwar çêbû û ewî dest bi hewcebûnê kir. 15 Ú çû, xwe bi yekî bajarî ve girt: ewî jî ew şand mezrayê xwe ko berazan biçêrîne. 16 Ú minêkar bû ko zikê xwe bi xernûfên ko berazan dixwarin tejî bike; lê kesî ne didayê. 17 Lê bi ser xwe hat û got: çend xulamên bavê min hene ko nan ji ber wan dimîne û ez li vir ji birçîna helak dibim! 18 Rabim herim ba bavê xwe û ji wî re bêjim: Bavo, min li zidê ezmanan û li ber te guneh kir; 19 û eydî ez ne layiq im ko kurê te bême gotin; min wekî xulamekî xwe bike! 20 Ú rabû, hat ba bavê xwe. Lê hêj ko dûr bû, bavê wî ew dît û pê dilsotî bû, û bezî û xwe li stoyê wî da, û ew ramûsî. 24 Ú kur jê re got: Bavo, min li zidê ezmanan û li ber te guneh kir; û eydî ne layiq im ko kurê te bême gotin. 22. Lê bav ji xulamên xwe re got: Bi lez xeftanê ji hemiyan qenctir derînin û lê kin; hingûştir bêxine tiliya wî û pêlav bêxine peyên wî 23 û conegayê qelew bînin û şerjêkin û em bixwin û şa bin; 24 lewra ew kurê min veye mirî bû û sax bû, winda bû û hate dîtin. Ú dest bi şahî kirin. 25 Ú kurê wî yê mezin li zeviyê bû, û çaxê ko hat û nîzîkî malê bû, dengê saz û govandan bihîst.

26 û yek ji xulaman gazî ba xwe kir û pirsî ka ev çi ye? 27 Wî jî jê re got: Brayê te hat û ji ber sax û selîm dîtina wî bavê te conegayê qelew şerjêkir. 28 Lê ew xezibî û ne dixwest bikeve hundur. Eydî bavê wî derket, jê hêvî dikir. 29 Ú ewî li bavê xwe vegerand û got: Eve evqas sal in ko ez ji te re xulamîtiyê dikim û qet ji xeberê te derneketim; û te qet karikek ne da min ko min bi dostêr xwe keyf bikira. 30 Le gava ewî kurê te, yê ko malê te bi qehban re xwarî, hat, te conegayê qelew ji wî re şerjêkir! 31 Ú ewî jê re got: Lawo, tu daim bi min re yî û her çi yê min heye yê te ye. 32 Lê layiq bû ko em şa û geş bibin, çima ko ev brayê te mirî bû û sax bû, winda bû û hate dîtin.

35. *Kardûx û welatê Kardûxan*

(*Xénophon, Anabasis III, 5–IV, 3, 2.*)

III. 5

1. Eskerê Ksênofon xwe gihandi bû bilinçihan û raserî dijminan bû bû. Eceman xwe dida paş û diketin rêke din. Xrîsop — kumandarekî yewnanî — bi eskerê xwe ve daketi bû deştê, eskerê xwe li gundêñ têrzad û zexîre bi cih dikir. 2. Piştî nîvro dijmin ji nişkekê ve daket deştê û li me der bû. Kardûxan Yewnanêñ, ko ji ordiwê dûr keti bûn û da bûn pey talên, kuştin. Li hire me gelek pez, ji pezêñ ko şivanan dikir li avê derbas bikin, standin. 3–5. Eceman gava dît ko em zadê xwe ji gundan dibin, rabûn, agir berdan gundan, Ksênofon digot: Em herin arîkariya gundiyan û nehêlin ko gundêñ wan bişewitînin». 6. Lê Xerîsop ne di vê fikrê de bû. Yewnan gotina Xerisop di ser gotina Ksênofon re girt û wan jî dest bi şewitandina gundêñ Kardûxan kir.

IV. 1

4. Lê ji ber ko Yewnanan nikarî bû di Diclê re derbas bibin, berê xwe dan çiyayêñ welatê Kardûxan. 5. Tevdîra me ev bû, ko em ji ker ve ji deştê rabin û beriya dijmin xwe bigehînin bilinçihan. Ji xwe ji şevê koteñ ew zeman ma bû, ko em bêî ko bêne dîtin ji deştê derbas bibin. Me emrê barkirinê da û bi spêdê ve em gihane çiyê. 6. Xerîsop digel firqe û segmanêñ xwe ên sivik keti bû pêşiyê. Ksênofon di dimdarê de ma bû û pê re tu segmanêñ sivik nîn bûn. Eskerên wî tev de piyadeyêñ giran bûn. Ji ber ko Yewnanan mihemel ne didît ko Ecem bidin çiyê, ji par re li wan digerin, bidin pey û li wan xin. 7. Xerîsop, beriya ko Kardûx pê bihesin, digel eskerê xwe giha bû pehnava çiyê. Ordîwê dida pey. Bi vî awayî em gihane gundêñ ko di newal û di gêran de bûn. 8. Kardûx gava bi me hesiyan, ji gundêñ xew rabûn û digel jin û zarowêñ xwe berê xwe dan çiyan. Di gundêñ Kardûxan de me gelek zad û zexîre dîtin. Xaniyêñ Kardûxan bi kiloz û dizikêñ tinc û sifir xemilandî bûn. Yewnanan dest ne dane wan, û ne ketin pey Kardûxen ko direvin. Ji ber ko me di dilê xwe digot: »Heke me bi wan xweş kir, heye ko em ji welatê wan bê teq û req û bi awakî dostane derbas bibin. Ji xwe Kardûx bi xwe neyarê şahê Ecem bûn. 9. Lê Yewnanan herçî zad û zexîre ne, tev de dibirin ji ber bêgaviyê. Kardûxan guh ne da xweşkirina Yewnanan û tu rûyê dostî û aşiyê şanî wan ne dan. 10. Dimdar heta bi tariyê di cihê xwe de ma û bi şev dakete gundan. Ji ber ko rê gelek teng bû, bi hewa ketin û dahatin rojekê ajoti bû. Hinek ji Kardûxan giha bûn hev û ajoti

bûn ser Yewnanêñ ko ji par re ma bûn. Kardûxan ew bi tîr û kevan û kevir kuştin, hinek jî birîndar kîrin. Ji xêra xwedê re Yewnanêñ, ko ji par re ma bûn hindik bûn. 11. An ne birekî ordiwê û mezin bihata şerjêkirin. Bi şev em di gundan de man. Kardûxan li ser çiyan agir dada bû. Me guhdariya hev dikir.

12. Bi şefeqê ve herçî zabit û kumandar gihane hev û qerar dan ko barxana ordiwê sivik sivik bikin û hêşîrên ko vê paşiyê hati bûn girtin, berdin. 13. Ji ber ko qelebalixa hêşîr û dewaran em aciz dikirin. Eskerên ko li wan miqate dibûn nikari bûn şer dikin. Hêşîran nanê me jî dixwar. Li ser vê qerarê ji dewarêna baş herçî ko ji me re diviya bû, me ew ji xwe re bijartin û ên mayîn berdan. 14. Piştî taştiyê ordû bi rê ket. Rojê pê de em meşîyan. Me carina şer dikir, carina jî me bihna xwe dida. 15. Sibetirê bapûkek li me qelibî. Digel vê hindê diviya bû em bi rê ve herin, ji ber ko zadê me ne ma bû. Xerîsof da bû pêşiyê, Ksênofon di dimdarê de ma bû. 16. Kardûxan derbeke xurt li me da. Kardûxan nîzingî li me dikir û kevir û hesin li me dibarandin. Yewnanan dida pey û ji par re dikişîyan. Bi vî awayî em ji rûveçûnê diketin. Gava dijman li me dişidand, Ksênofon eskerên xwe disekeinand û şargeh dikir. Me elam dida Xerîsof:wî jî eskerên xwe disekeinand. 17. Lê carekê Xerîsof li şûna ko bisekîne, xwe wer lezand ko ji adetê der ji me bi dûr ket. Bivê nevê tiştek li wan qewimî bû. Lê Ksênofon nikari bû here pêşiyê û seh bike. Dimdar jî bêgav ma û lez da xwe. Bi awakî welê ko meşa me bû bez û rev.

18. Di vê navê de segmanekî hêja, Kléonîm, hate kuştin. Tîrek li kêleka wî keti bû. Tîrê mirtal û kirâsê wî û çerm qul kir û ji par re avêti bû. Segmanekî din, yekî bijarte, bi navê Basyas jî hati bû kuştin. Tîrek di serê wî re çû bû.

19. Gava em gihiştin cihê ko em lê bimana, Ksênofon bi lez çû cem Xerîsof û gazind jê kirin. Ksênofon gote wî ko bi vê lezandinê dimdar mecbûr bû bû hem bi rê ve here hem şer bike. Dîsan ji ber vê lezandinê Yewnanan cendekênu peyayêñ hêja jî li erdê hiştî bûn bêî ko bikarin wan veşérin. 20. Xerîsof lê vegerand û got: »Tu van çiyayêñ asê dibînî? Mirov di ser destê wan re nikare here. Divêt em xwe li wan bigelibînin. Tu vê riyê dibînî, jû pê ve tu re nîne ko em tê re bikarin derbas bibin û ji vê derê xelas bibin. Ev jî rêke zehf asê û nexweş e. Ji ber vê yekê min xwe lezand û ez li hêviya te ne mam. Min xwe ne lezanda hebû ko dijmin beriya me biketa bilind cihan û rê li me bigirta. Rêberên me bi xwe dibêjin ko ji vê pê ve tu rê nînin. Ksênofon gote Xerîsof: »Bi min re du hêşîr hene. 22. Her du ji xelkê vê derê ne, em carekê ji wan jî bipirsin. Hêşîr anîn û ew ji hev dûr xistin û ji ê pêşîn pirsîn heke rêke din nas

dike. Kirin ne kirin wî hêşîrî ji »no« pê ve tu tişt ne got. Rabûn, ew ji pêş çavêن hevalê wî ve şerjêkirin. Hevalê wî anîn û jê pirsîn. Ewî got: 24. »Hevalê min ji we re got ko rêke din nas nake, ji ber ko di van gundan de keçekê wî bi mîr e. An ne rêne din hene. Evî Kardûxî soz da Yewnanan ko wan di rêke qenc biborîne, rêke welê ko dewar ji te re bi rahetî bikarin derbas bibin. 25. Ji gotinêن rêber dixuya ko di pêşıya wan de girek heye û heke Kardûx bi wan hesiyan û beriya wan ketine gir, Yewnan wê hew bikarin di ber re derbas bibin. 26. Şêwrek danîn. Herçî zabit û kûmandar û segmanêن bijarte gihane hev. Diviya bû birek esker here pêşiyê û beriya dijmin bikeve wî girî û rê bihemîne.

2. 1. Roj diçû ava. Canfedan emrê xwe girti bû. Pişti şîvê wê bi rê ketin. Me rêberê gîrêdayî ji sparte wan. Wezîfa canfedan ev bû: Ewê bi şev biketan gir û heta spêdê, wê tê de biman. Bi şefeqê ve, bi dengê stirihan, wê işaret bidana ordiwê û dirêjî dijminê ko riya mezin girti bû, bikirana. Hingê tevayiya ordiwê xwe bigihanda wan. 2. Ji bo vî karî du hezar canfeda hatine bijartin. Baraneke hûr ditarî. Ji bo veşartina hereketa canfedan û xapandina dijmin, Ksênofon digel eskerên dimdarê li ber riya mezin şargeh bû bû. 3. Newalek diket neqeba me û çiyê. Diviya bû em tê re derbas bibin û bi hewa kevin. Kardûxan ji jor de kevirine gir û hûr li me gêr dikirin, kevirine girover. Di nav wan keviran de hin hebûn dibûn barê erebekê. Ev kevir gava gêr dibûn, li tehtan diketin, dipengizîn, dişeqitîn, dişikestin û wek kevirên kuçkaniyê, di hewayê re, bi fîkîneke tîj, difirîn. Di bin barana van keviran de me nikari bû em nîzingî li rê bikin. 4. Em li rêke din digeriyan: ev ji bi dest ne diket. Heta bi şevê halê me û Kardûxan bi vî karî bû. Li me bû şev. Em ji şargehêن xwe rabûn, me xwe da paş û me şîv xwar. Ji xwe eskerên dimdarê taştê ji ne xwari bûn. Kardûxan bi şev ji dev ji me berneda, kuç û kevir li me gêr dikirin. Me pêjna wan dikir. 5. Canfedayan me bi rêberê xwe ve derbasî çiyê bû bûn. Ji nişkekê ve bi ser qerekona dijmin de girtin. Kardûxan agir dada bû û di dora wî de rûniştî bûn. Bi hatina Yewnanan ne hesiya bûn. Yewnanan hinek ji wan kuştin, hinêñ din ji ji hevrazan de gêr kirin û ketin şûna wan. Canfedan di dilê xwe de digot qey bû bûn raserî dijmin û ji ordiwê re rêke baş temîn kiri bûn. 6. Lê ew ne şaş bûn. Di paş wan re kelhoşkek hebû û rê di ber wî re derbas dibû. Kardûxan mifrizekî mezin êxisti bun kelhoşkî û rê birî bûn. Digel vê hindê di neqeba girê ko keti bû destêñ Yewnanan û wî kelhoşkî de Miyek hebû. 7. Kardûx bi şev di gir de beyitîn û bi sibehê ve bê deng û pêjin dane rê. Mijî girti bû ser erdê. Kardûx û Yewnan ji hev ne dixuyan. Yewnanan nîzingî li Kardûxan kir û dema ko bi darî hev ketin, borîzanan

li boriyên xwe xist û Yewnanan bi zirt û fortan dirêjî Kardûxan kir. Kardûxan xwe ne girt, ji cihê xwe rabûn û revin. Ji ber ko gelek çist û çalak bun, Kardûxan xwe bi lingên xwe xelas dikir û kêm dihatine kuştin. 8. Xerîsof gava dengê borîzanan kir, bi eskerên xwe ve û di riya mezin re ajote pêş. Kûmandarên din dane rê û şivereyên ko diketin pêşıya wan. Herkesî bi awakî qesta çiyê dikir û hildikişa ser. Hinekan rimên xwe paş xwe ve dirêj dikir û hevalê xwe kaş dikir. 9. Riya ko rêber şanî me da bû ji bo dewar û barxanê ji hemî riyên din çêtir bû. Ksênofon bi esker û barxanê ve tê ve diçû. 10. Li ser vê riyê mitikek hebû û dijmin keti bû ê. Lê Ksênofon nikari bû riya xwe biguherîne, ji ber ko dewar û barxane nikari bûn di rêke dî ve herin. 11. Yewnanan halan di hev hildan û êrîş kirin. Lê li mitik wer ne hatin û cihekî revê ji dijminê xwe re hiştin. 12. Kardûxan jî dest ne birine xwe, ji mitik rabûn û xwe dane paş. Eskerên me tev da di ber gir re derbas bûn. Lê girekî din diket pêşıya me û tê de dijmin hebû. Yewnanan dil kir wî girî ji mîna girê pêşîn bi êrîşekê bibin û riya xwe vekin. 13. Ksênofon pê qail ne bû; ji ber ko esker tev da dirêjî wî girî bikira, hebû ko Kardûx vegerin girê ko dihî lê bûn û ji par re li barxanê xin. Ji xwe ji ber tengiya rê dewar yeko yeko da bûn pey hev û barxane bû bû karwanekî dûdirêj. Ksênofon di bin fermandariya sê zabitên heja, Kefîsodor, Emfîkrat û Erxegoras de birek esker di girê pêşen de hişt û bi eskerê mayîn ve dirêjî girê din kir û ket ê. 14. Di pêşıya gir de kelhoşkekî asê hebû û Kardûx tê de şargeh bû bûn. 15. Ksênofon nîzingî lê kir. Kardûxan, bêî ko dest bibin xwe, kelhoşk heliştin û baz dan. Yewnanan lê ecêbmayî man û di dilê xwe de gotin qey çavên dijminên xwe şkînandine û Kardûx yekcar ji desthilanîne ketine. Yewnan şaş bun, dixapiyan: çavên Kardûxan ne şkiya bûn. Kardûxan tiştê ko di dimdarê de çebû bû tev de dîti bûn, xwe ji kelhoşkî da bûn paş û dikirin ko li girê pêşîn bêne wer û li dimdarê xin. 16. Ksênofon digel eskerên xwe ên ciwantir hilkişa bû ser kelhoşkî û talûkê bi çavên xwe dîti bû. Ksênofon emrî eskerê xwe kir ko hêdî hêdî bimeşin da ko ên bişûndemayî bikarin xwe bigihînin wan û gava li hev civiyan, diviya bû esker tev de xwe bidin erdekî rast û bikevin qora şer. 17. Ksênofon hêj emrê xwe ne qedandî bû ko Erxegoras ji nişkekê ve lê der bû û got ko Kardûxan bi êrîşekê ew ji gir rakiri bûn, Kefîsodor, Emfîkrat û heçî, ko nikari bûn xwe ji zinaran de çeng bikin, hati bûn kuştin.

18. Kardûxan piştî ko zora Yewnanêñ girê pêşîn birin, pey hev gir u mitikên din jî rakirin û ketin pêşıya kelhoşkê ko Ksênofon bi xwe lê bû. Ksênofon bi wasta dîlbendekî (tercimanekî) deng li Kardûxan kir û

mitarekek ji wan xwest da ko Yewnan bikarin kuştiyên xwe veşérin. 19. Kardûxan pêşnihada Yewnanan qebûl kir, bi şertê ko Yewnan nema gundên Kardûxan bişewitînin. Ksênofon jî ev şert qebûl kir. Dema ev mizakere yanî mizakera çekdaniyê çêdibû û dawiya ordiya Yewnanan hêj dikişiya û dihate pêş, Kardûxên ko ji kumbir û kelhoşkên dorê dihatin der, li hev dicivyan. 20. Yewnan ji xwe digihandin hevalên xwe yên ko çekêن xwe danî bûn. Ji nişkekê ve Kardûxan da ber qîran û bi heyteholê hilkişiyane kelhoşke ko Ksênofon hêj jê daneketi bû û ji nû ve kevir li ser Yewnanan gêr kirin. Peyayê ko mirtalê Ksênofon hildigirt jê bi dûr keti bû. 21. Segmanekî bi navê Êrîlok baz da û mirtalê xwe li ber Ksênofon girt. Her diwan di ber talda mirtalekî de meşian û xwe gihadine ordiwê. 22. Yewnan ji ber Kardûxan kişiyan, gihane hev û ketin xaniyên têr zad û qwît. Di wan xaniyan de ewçend şerab hebû ko xwediyan şerabêñ xwe ber bîr û sarîncêñ çementokirî da bûn. 23. Me kustiyên xwe bi rêberê xwe guhartin. Rêber çû cem xwediyan: Kardûxan jî destûr da, ko em miriyên xwe veşérin. 24. Sibetirê Yewnan bê rêber û rêzan bi rê ketin. Kardûxan dida pey û li wan dixist û carina ji beriya wan diketin gelîyan û rê li wan digirtin. 25. Dema pêşdar disekinî, Ksênofon ji par re hildikişya serê çiyan û bera dijminan dida: ew belav dikirin. 26. Xerîsof ji aliyê xwe ve, gava dijmin dirêj dikir, xwe dida ber û rê ji dimdare re vedikir. Bi vî awayî pêşdar û dimdar li ber dengên hev bûn û li hev miqate dibûn. 27. Wextê Yewnan ji bilind-cihêñ, ko hilkişya bûn ser, dadiketin jêr, Kardûxan ew gelek têşandin. Gava me dida pey wan jî, me bi wan ne dikari. Carina cihê xwe ne di-terikandin, heta ko em bi temamî nîzingî wan dibûn. Bi tenê ji çar pênc gavan ji ber me radibûn. Lê Kardûx hewqas çist û pêşivik bûn, ko dîsan me ne dikarî em xwe bigihînin wan û wan bigirin an bikujin. Kardûxan ji tîrkevan û kuçkaniyê pê ve tu çekêñ din hilnedigirtin. 28. Kardûx tîrkevanîne serdeste bûn. Kevanêñ wan qederê du gaz û nîv dirêj û tîrêñ wan jî gaz û nîvekê dirêjtir bûn. Gava tîrkevanêñ xwe tavêtin, xwe berdidan ser lingêñ xwe ên çepê, werîs ber bi jêr û ber bi xwe ve dikişandin. Tîrêñ wan di zirih û mirtalêñ me re derbas dibûn. Tîrêñ Kardûxan ko diketin destêñ Yewnanan: zolek çerm bi serêñ wan re gi-reididan û wek yadigarekê ew ji xwe re hiltanîn. Di vî welatê çiyayîn de ji xelkê her derê bêtir xelkê Girîtê bi kêr hatin.

3. 1. Di roja heftan se em gihiştî bûn dawiya tixûbê welatê Kardûxan û daketi bûn deştê. Me qerargeha xwe li ber ava mezin danî. Av ji çiyayîn Kardûxan ne gelekî dûr bû. Me di gundên deştê de gelek zad û zexîre peyda kirin. Ji ber pirahiya zadê, ko keti bû destêñ me, û ji ber şahiya,

ko em ji destê Kardûxan xelas bû bûn, ew roj ji me re bû bû rojekê cejn û şahînetê. 2. Em ji welatê Kardûxan di heft rojan de derbas bû bûn. Di van heft rojan de bîstekê ji me çekên xwe dananî bûn. Ezab u eziyeta, ko me di van heft rojan de dîti bûn, me ew ne di şerê şahê Ecem, ne jî piştî kuştina Korûş û di wextê perîşaniyê de jî ne dîti bûn. Bi xeyala ko ji wan ezeban xelas bû bûn, Yewnanan di bin tîrêjê tavê ên germ debihna xwe dida û kêt dikir.

HEREKOL AZÎZAN *Hawar* 32,4–7.

36. *Keçika kibrîtfiroş*

Cıqas sar bû . . . şevine hişkesahiyê . . . Berf dadiket, pê re jî tariya şevê. Şeva salê a paşîn bû. Sibetirê sersal . . .

Di vê şeva sar de keçikeke piçûk di nav kûçe û kolanan de digeriya . . . pêxwas û serkot. Gava terka mala xwe da, şeqalin bi pê bûn: lê bi kêrî wê ne hatin. Ew pêlavine diya wê bûn, pêlavine kevin û lê fireh. Gava keçikê bi lez ji ber erebekê xwe dida alî, ew winda kiri bûn. Keçik li wan geriya, lê ew peyda nekirin. Sêwlekekî fereke wan peyda kir û ew ji erdê hilanî. Lê temaşa kir, kenî û got: »Gava ji min re zaro çêbûn, ezê ji wan re bi vê şeqalê landikekê çêkim.«

Keçika kibrîtfiroş bi peyên xwe ên werimî û morbuyî di nav berfê de diçû: li rizqê xwe digeriya. Di berwanga wê de pakêtine kibrîtan hebûn û elbiked bi destî ve bû. Lê bû bû şev û hêj tiştek ne firoti bû. Birçî bû, diranêñ wê dirikrikîn, ji xurtiya sermayê rûyê wê diqermiçî.

Kuliyêñ berfê diketin ser keziyêñ wê ên şeh û di pora wê a gungilî û hûrgurpik re diçûn. Lê tê de ne diheliyan, û li ser diqerisîn. Heçko xwîna keçikê jî cemidî bû.

Ji pencereyêñ xaniyan ronîke şîne li kuçan diherikî û bihina qazêñ biraştî şîva şeva sersalê li hewayê belav dibû. Belê, şeva sersalê bû.

Keçikê dida eqilê xwe, nizani bû çi bikira. Vegere mal? Ne wêrî bû. Hêj tiştek ne firoti bû. Çawan destvala wê vege riya mal. Ma ji bavê xwe re wê çi bigota? Dizanî bu ko bavê wê dê jê bipirsiya, te çiqas firotin? Gava jê re bigota, »min tiştek ne firot», kalo dê li wê bidaya.

Bi van raman û texmînan keçik ket navbera du xaniyan û xwe bi talda xanîkî bilind girt. Heçko ew der talde bû û xurtîya sermê lê dişkiya. Ma xaniyê wan ji derve ji talda wî xaniyê mezin û depdepe germtir bû? Ma xaniyê wan çi bû? Koxikek, ji her derê qulêr. Qulêñ koxikê bi ka û kincikan girtî bûn. Lê bayê kanûnan tê re dihat û carena ew ji qulan

derdixistin, tavêtin erdê û baranê jî bi xwe re dixiste hundirê koxikê. Keçikê li destên xwe ên bêgoşt û terikî dinihêrt. Hestiyokên destên wê di çermê wê re xuya dikirin. Qey çerm ji ser de keti bû.

Tiştek hate bîra keçikê. Kibrîtek vêxista û di rivîniya wê de xwe germ bikira, çi dibû? Ne wêrî bû ... Lê piştî midekî, bêî ko bide eqilê xwe, kibrîtek ji qûtîkê kişand û ew li teniştâ elbikê şidand ... Xirç ... çi ronahîke geş, çi germîke şérîn! Destên xwe ên qerisî li pêta kibrîtê gerand. Di germiya wê kibrîtê de canê wê ê mirî qey vejiya.

Sehwîrin didîtin. Digot qey li ber sobeke çînî û li ser doşekan rûniştiye. Çiqas lê germ bû bû! Kir ko lingên xwe jî bêxe ber wê sobê, wan jî germ bike. Lê sobe ji nişkekê ve winda bû. Kibrît vemirî bû. Li destên xwe nihêrt. Tiştekî di nav tiliyên wê de reş dikir ... bizotê kibrîtê.

Keçikê kibrîteke din vêxist. Dîwarê xaniyê mezin di ber ronahiya wê de qey bû bû pîpoqek. Bînahiya mirov tê re diçû: digihaşte heta salineke biheşmet. Di orta salonê de maseke xwarinê xuya dikir. Li ser masê, di nav lengerîke isfahanî de qazekî biraştî hebû: kêr li pişa wî daçikandi bûn. Niho wê bihatana, bi kêrê ew perçe bikirina û li mêvanan lêk vekirana. Lê welê ne bû. Qaz xwe ji masê zer kir, daket erdê û berê xwe da keçikê ... Kibrît vemirî. Di pêşıya keçikê de ji dîwarekî stûr pêve tu tişt ne ma bû.

Keçikê kibrîteke dîn vêxist. Nihêrtinê keçikê dîsan di dîwêr re çun. Ma ne şeva sersalê bû? Qirdikek çêkiri bûn û li dorê diyariyin danî bûn. Bi sedan find vêketî bûn. Ci temâşeke cazibebar! Keçikê kir ko destên xwe dirêjî wan bike ... Kibrît vemirî, dîwarê stûr ket ber çavên keçikê. Bi tenê find bi hewa diketin û qesta ezmén dikirin. Gava gihaştinê dibûn stêrk. Yek ji wan stêrkan ket û wek stêrkeke pekok li singa ezmén xeteke sor kişand û winda bû. Keçikê got: Yek dimire. Belê, dapîra wê jê re digot: »Gava stêrkek dikeve, canekî ber bi Xwedê dibe.« Ax, ew dapîra delal, mirova tekane, ya ko jê re qenc bû. Heyhat stêrka wê jî keti bû. Keçikê kibrîteke din vêxist û ew da ber dîwêr. Vê carê çi dibine? Dapîra xwe! Keçikê xwe avête himbêza wê, da ber qîran û got: »Dapîra min, dadika min, min zûka bi xwe re bibe! Ez dizanim, heke kibrît vemirî, ez te jî, wek soba çînî, qazê biraştî û qirdikê sersalê, te dapîra xwe jî dê diwinda bikim». Keçikê pey hev kibrîtên elbikê hemî vêdixistin, ko dapîra xwe winda nekit. Dapîra xwe tucaran evçend û spehî û dilovan ne dîti bû.

Di ronahîya pêtêن kibrîtê de dapîrê neviya xwe kir himbêza xwe; her du bi perwaza milyaketen ber bi ezmanê jorîn firîn. Ewçend bi hewa ketin ko nema bi serma û birçitîyê dihesiyan. Gihaştî bûn nik Xwedê.

Sibetirê emeleyên belediyê, gava kuçe û kolan reş dikirin, di navbera du xaniyan de keçikek dîtin. Keçik li erdê rûniştî bû: hinarikên wê sor dikirin, kenekî zîvariyyê di ser lêvên wê re diqeliqî. Keçik mirî bû: ji sermayê qufilî . . . di şeva sersalê de emirê Xwedê kiri bû. — Dema ko tavika roja sersalê dida cendeke wê ê hûr, xelk lê diciviyân û ew seh kirin. Di nav tiliyên wê de darikê kibrîteke vemirî reş dikir. Elbikeke vala li rex cendekê keçikê bû. Xelkê digot: »Dixwest xwe bi kibrîtê germ bike, lê . . .»

Lê ew tiştên spehî, yên ko keçikê şevêdî dîti bûn, ne dihate bîra tukesî. Dîsan kesî ne dizanî, çawan û bi çi awayî di hembêza dapîra xwe de pê li roja salê a pêşîn kiri bû.

H. C. ANDERSEN, traduit par Bişarê Segman, *Ronahî*, 19, 1943

VII. GRAMMAIRE

37. Çend gotin di warê elefbeya kurdî û tîp û dengên têde

Elefbeya kurdî ji 32 tîpan digehî hev ko ji van 8 dengdêr yanî bideng û 25 dengdar yanî bêdeng in.

Dengder jî dibin du biran, dirêj û kûrt.

Dengdêrên dirêj ev in: a o û ê î.

Dengdêrên kûrt ev in: u e i.

Dengdar: b c ç d f g h h j k l m n p q r s ş t v w x x y z.

Ji van tîpê han dudu h û x ji kokê xwe ne tîpê kurdî ne, lê liser dirêjiya babliskan û cinariya Kurdan bi Ereb û Farsan re ev her du tîpê han êexistin nav zimanê kurdî ko pêşdetir bê şivîşk de têde bikevin û bimirin.

Ji van pêve di zimanê kurdî, nemaze di zaravayê kurmancî de, sê dengên xweser hene ko ev in: ç p ï. Di elefbeya kurdî de sê tipê din hene ko bi dengê wan radibin. Heke mirov gelekî ji dengên wan hûr nebe, serweqt nabe ko ev tîp ev in: ç p k. Bi van her se dengên pêşîn bi sedan bêje di zimanê kurdî de hene ko dixwazim ji bo dan nasînî ji her dengî çend bêjeyan û bi tîpa nîzingî wê jî çend bêjeyan bêjim: ç: çav çîra çem çilo çêlek, çîrrîn, çîv çîn maç kuç çêl çûk çîç çûç çô.

ç: tîpa nîzingî wê ye:

çar çol çep çel çay çûn çîn paç pûç pirç hirç xirç mirç çawa çere.

denge p: pîar pîr pîst pîhnî pîlav pîçek pî.

tîpa nîzingî wê p: pale pol paç porr pirr pell pî pot.

denge k: kîar kûr kîr kurm kûl kurr keç.

tîpa nîzingî wê k: kar kûr kêm ker kaş kês ket.

Di sala hezar û neh sed bîst duwan de Mîr Celadet Bedirxan elefbeya xwe çêdikir. Fikra çend hevalan di vî warî de pirsî bû. Hingê min heyîna han dengan di zimanê kurdî de da bû ber çavêñ wî. Wê çaxê wî jî Şewket Zulfî jî ev gotina min ne di cî de dîti bûn çîma ko di elefbeya kurdî de nîzingî her dengekî ji van jî xweser heye, ko bi karê wan radibin ji xwe li jor min (hem) ev tîp û ev deng dane hev û bi her dengekî ji wan çend

bêje gotine. Gelek çak tête bîra min wê gavê Mîr Celadet holê bersîva min dabû: »Malava, xelk dixwazin elefbeyayê xwe xweser û kûrt bikin: ez dinihêrim tu dixwazî dirêj bikî! Ev her sê dengên han di elefbeya ermenî de hebûn, lê paşî tevî hin dengên din jî bider xistin. Ma ji bo ci em wan têxin nav elefbeya xwe?» — Min bawer dikir ko Şewket Zulfî arîkariya min dike, lê dema min dît ko ew jî gotina Mîr Celadet rast dibîne, min dev ji gotina xwe berda! Îro piştî bîst yek salan piştî ko ev her du camêr jî çûne rehma Xwedê, ez dinihêrim ko gotina wan rast bû, ê şas ez bûm. Ji xwe her du jî di warê zimanê kurdî de zanaterîn kurdiyê Sûriyê bûn.

Di elefbeya kurdî de tiştekî din heye ko hingê min ew jî goti bû Mîr Celadet û rast ne dîti bû. Îro yez xwe ji bo vî yekî rast dibînim ko ev e: hebûna reya stûr û lama stûr di zimanê kurdî de. Hingî min gelekî ji bo van her du dengan bi Mîr Celadet qirêñ kiri bû, lê min nidikarî wî bi rastiya gotina xwe bidim bawer kirin. Ev e ji reyâ stur û lama stûr çend bêjeyan dibêjîm ko nivisandina wan bêjeyan bi rê û lama zirav bêjeyeyî ji şîveya kurdî bi dûr dixe:

(reya stûr): berr birr birrîn birrek berrik buhurr bûrrîn barrîn cerr cîrr-cîrrîn cirrik cirre pirr perrî porr porrik pirrani pirrik perritîn pirrparr kirr kurr kîrrîn kîrrîn kerr kûrrîn kerrik kvirr kirrik kerrixîn kerrax qîr qirr qirrêñ qirros qarrîn qorrîn qerrî qorr qorrik qorrqorr qirrik wîrrwîrrok çîrr çîrrî çîrrav çekurr çerrixîn virr virrek virrîn varrik warrîn merr dirrîn zîrrîn zirme zîrr zîrrzop zîrrtone zurrîn hîrr hîrrîn herrixîn şerr şirrik şîrrîn şorrik şorrax hîrr tarr terrî tirrone terral terrik.

(bi lama stûr):

qollik qullik pellik pallik pîllik pellît pellixî çell çelle çellik çollik çillek mellixîn şillikî şillatî billatî qillêr cillik collik xillik kulli kollox mille fille gillik tollik.

Tevî ko demekî dirêj bi ser de çûye û hemî nivîsariyê xwe wek daxwaza Mir Celadet dikim jî, pir caran bê hemdê xwe rê û lama stûr dinivîsim. Vê paşiyê min elfebeyayeke nuh pek anîye lê ji bo çapa wê kes neketiye min. Di vê elfebeyaya han de min reya stûr û lama stûr danîne. Çiqas ko min dev ji ç p k berdan jî, ji ber gelek sebebê hêja, em nikarin dev ji rê û lama stûr berdin.

38. *Bingeħen graméra kurdmancî*

6. Tewang

52. Zimanê kurdmancî zimanekî tewangbar e. Yanî bêjeyên wî di qisetê de weke xwe namînin û li gora cihê ko di qisetê de dikevin ê, û wezîfa ko li ser xwe digirin têne tewandin û hin parkît bi wan ve dibin, an hin tîpêwan bi tîpine din diguhêrin.

53. Ji birêñ qisetê bi tenê ên guhêrbar têne tewandin. Ên neguhêrbar tucaran nayne tewandin û ew hergav weke xwe dimînin.

54. Bi gelempêrî bêje di qisetê de an kirar an bireser in. Gava ew kirar in, weke xwe dimînin, û gava dibin bireser, hîngê têne tewandin. Tewanga her birê qisetê herçend yekcar ji hev cida nebin jî, ew kêm û zêde ji hev biferq in. Tewanga her birî di cih û di devera wê de dê bête gotin.

55. Tewanga navdêran: Navdêr, hevenav bin sernav bin, li gora mîjer û zayêndêñ xwe têne tewandin. Bi gelempêrî û di yekejmariyê de navdêrên nîr bi »î» yê û navdêrên mî bi »ê» ye û gelejmara her diwan bi »an» ê têne tewandin. Ev parkît bi paşıya navdêran ve dibin:

Hesp hat

Mehîn hat

Hesp hatin

Mehîn hatin.

Di komekêñ jorîn de navdêrên »hesp» û »mehîn» ne hatine tewandin, ji ber ko ew her du jî di wan komekan de kirar in û kirar nayne tewandin. Lê ev navdêr bi xwe di komekêñ jêrîn de hatine tewandin, ji ber ko tê de êdî ne kirar lê bireser in:

Ez hespî dibînim

Ez mehînê dibînim

Ez hespan dibînim

Ez mehînan dibînim

Di mîsalêñ jorîn de navdêr hemî bireserê lêkerê ne. Lê navdêr bireserê navdêreke din jî dibin. Hîngê jî têne tewandin. Herwekî:

Ev godtê çêlekê ye. Ava golê şêrîn e. Di çiyayêñ Kurdistanê de her texlît dehbe û cenawir hene. Gola Wanê goleke spehî ye.

57. Herçî navdêrên nîr in, heke di wan de tîpêñ »e» û »a» hene, ev navdêr dikarin bi guhartina van tîpan bi »ê» kê ji bêne tewandin. Herwekî di van komekan de:

»Soro ji kêvir ket. Gurgîn çû êş. Balafir ber bi ezmên firî. Ez li hêsp siwar bûm. Ferzo ji bajêr têt. Kî li ser bêñ bû? Em ji xêñî derketin.»

Bi vê qeydê ve, divêt di qisetê de hin navdêrên nîr bê tewang bimînin. Ji ber ko di hemî navdêrên nîr de dengdêrên »e» û »a» peyda nabin. Ji lewre û li nik kurdmancêñ ko bi vê qeydê ve diçin, bêjeyên wek »kum, goşt

dil, his, mirov, mîrik, gir, kur, mîr, mîr, gund» nayne tewandin, ji ber ko di wan de ne »e» ne jî »a» heye. Ji ber vê yekê, gava ew di qisetê de dibin bireser jî, weke xwe dimînin. Piştî ko ev qeyde di zimên de cih bûye, navdîrêni bi »e» û »a» jî di qisetê de bê tewang hatine gotin. Ji lewre herwekî mirov dikare bibêje »ez ji kevirî — an — kîvir ketim», dikare bibêje jî »ez ji kevir ketim» û bêjeya »kevir» netewîne.

Şanek. Ji raveka jorîn dixuye ko di navdîrêni nîr de meyildariya zimên ber bi terikandina tewanga wan a yekejmar e; nemaze şîklê pêşîn. Ji lewre her sê şîklêñ jîrîn rast in:

Soro kevirî tavêje. Soro kîvir tavêje. Soro kevir tavêje.

Gurgîn çû aşî. Gurgin çû eş. Gurgîn çû aş.

Balafir ber bi ezmanî firî. Balafir ber bi ezmîn firî. Balafir ber bi ezman firî.

Ez li hespî siwar bûm. Ez li hésp siwar bûm. Ez li hesp siwar bûm.

Ferzo ji bajarî têt. Ferzo ji bajér têt. Ferzo ji bajar têt.

Kî li ser banî bû? Kî li ser bêñ bû? Kî li ser ban bû?

Em ji xaniyî derketin. Em ji xêñî derketin. Em ji xanî derketin.

CELADET A. BEDIRXAN *Hawar* 32 (1941), 9–10.

39. (*Le système verbal du kourmandji*)

Çax ازمان

180. Kirin giş di çaxekê de nabe û çax jî tîm di demekê de namîne, her tê û dibuhure. Ji ber vê, pîşk bi çaxêve girêdiyayîye, hin movik û surde yên pirsan hene, ku bi pîşkve têne girêdan, çax a qewimandinê didin xuya kirin.

Wek: çû çûye diçe ê biçê.

Parçê yên wek *ye, di, ê bi*, ku bi pîşkve hatine girêdan çax a ku pîşk tê de qewimîye didin xuya kirin.

181. Di pîşk de sê çax hene:

1. çax a buhûrî, jê re *buhêrk* tê gotin, min *do* kirî.

2. çax a ku em tê de ne, jê re *nuhok* tê gotin: ez *nuha* di kirim.

3. çax a ku hêj ji wêve tê, jê re *mand* tê gotin: ez ê *bikirim*.

182. Du celeb buhûrî hene: nêzbuhêr, mêjbuhêr:

1. *Nêzbuhêr* — Eger me kirin û bûn a pîşk bi çav ê xue dîtibe, yan ji bûn a wî bawerbin, em ê bibêjin: çûm, hatim.

2. *Mêjbuhêr* — Eger me kirin û bûn a pîşk bi çav ê xue ne dîtibe,

yan jî ji bûn a wî ne bawerbin, yan jî di çaxek dûrtir de qewimîbe, em ê bibêjin:

çûme hatime çûye hatiye

3. Eger pîşk di çax a nuha de diqewime, em ê bibêjin:

diçim *têm* *diçe* *tê*

4. Eger pîşk hêj ne bûye, lê ew ê di pêşiyê de biqewime, em ê bibêjin:

ez ê *bîçim* ez ê *b'êm*

Sazkirin a çaxan

192. Çax ên buhêrk ji pêşingê û ên nuhok û mand ji fermaniyê saz dibin. Çar buhêrk hene: nêzbuhêr, mêjbuhêr, mêjbêj, buhêrbêj.

a. Nêzbuhêr — Bi hilanîn a paşingê ji makderan saz dibe. Eger pîşkeke derhingêv be, (متعدي muta‘addî) pêşing rast a rast nêzbuhêre.

wek: ji kirîn.

min *kirî*, te *kirî*, wî *kirî*, me *kirî*, we *kirî*, wan *kirî*.

Eger pîşkekî saltgîr be (لازم lazîm), bernavêr *dûmdar* bi pêşingêve têne girêdan.

Wek: ji hatin:

ez *hatim*, tu *hatî*, ew *hat*, em *hatin*, hûn *hatin*, ew *hatin*.

b. Mêjbuhêr ji pêşingan saz dibe.

Eger pîşkekî derhingêv be, *ye li dû pêşingê te*.

wek: min *kirîye*, te *kirîye*, wî *kirîye*, me *kirîye*, we *kirîye*, wan *kirîye*.

Eger pîşkekî saltgîr be, li dû bernav ê kes ê peyvok *e* û li dû guhdar û nedîyar *ye*, li dû koma her sêyan *e tê*.

wek: ez *hatime*, tu *hatile*, ew *hatiye*, em *hatine*, hûn *hatine*, ew *hatine*.

c. Mêjbêj — bi anîn a pêşing a pîşk a bûn li dû pêşingê saz dibe.

wek: min *kiribû*, te *kiribû*, wî *kiribû*, me *kiribû*, we *kiribû*, wan *kiribû*
Di pîşk ên saltgîr de bernav ên dûmdar li dû *bu tê*.

Wek:ez *hati bûm*, tu *hati bû*, ew *hati bû*, em *hati bûn*, hûn *hati bûn*, ew *hati bûn*.

d. Buhêrbêj — Bi anîn a *di* berî pêşingê saz dibe wek: min *di kirî*, te *di kirî*, wî *di kirî*, me *di kirî*, wan *di kirî*; ez *di hatim*, tu *di hatî*, ew *di hat*, em *di hatin*, hûn *di hatin*, ew *di hatin*.

حال

مستقبل

193. Çax ên nuhok, mand û pêşro (مضارع muḍāri') ji fermaniyê saz dibin. Ev her sê çax ji bo her du celeb pîşk bernav ên salt distînin.

- a. Nuhok (حال *hal*) bi pêşxistin a *di* û dûxistin a dûmdar bi ferma-niyê re saz dibe. Eger tîp a ser ê pîşk dengdarek be *di* dibe *t.* wek: Ez *di* kirim, tu *di* kirî, ew *di* kire, em *di* kirin, hûn *di* kirin, ew *di* kirin; ez *têm*, tu *têî*, ew *tê*, em *tên*, hûn *tên*, ew *tên*.
- b. Mand (مستقبل *mustaqbil*) Bi berxistin a (*ê*, *bi*) û dûxistin a bernav ên dûmdar saz dibe, wek:ez *ê* bikirim, tu *ê* bikirî, ew *ê* bikire, em *ê* bikirin, hûn *ê* bikirin, ew *ê* bikirin.
- c. Pêşro (مُضَارِع *mudâri'*) — Bi pêşxistin a *bi* dûxistin a bernav ên dûmdar saz dibe, wek: ez *bikirim*, tu *bikirî*, ew *bikire*, em *bikirin*, hûn *bi* kirin, ew *bikirin*.

Dûzan الصيغة

194. Dûzan ew şax ên pîşkanin ku awa yêne ravekirin a kirinê pêş dîkin. Di pîşkan de ji havil a çaxan pêve awa yêne ravekirin a kirinê heye, wek:çûm, çûme, diçim, ê biçim. Ev her çar çax ên xurû bûn a karekî di kînga de çêbûye yan hêj ew ê cê bibe pêş me dîkin. Lê ku min got: çûbim, biçûma, îcar bi van pîrsan ne bûn a karekî di çaxekê de, bervajî hêvî û lavayî ya xue ji bo bûn a wî beyan dîkin.

195. Du celeb dûzan hene, gur (الخبر *al-habar*) û bir (الشرط *al-şart*).

a. Dûzan a gurê sê çax ên xurû û hevbend ên wanin, ku buhêrk nuhok û mand û ên ji wan zêde dibin. Ku me ew beyan kirine.

b. Dûzan a birê-şeş şaxin:lavij, gûman, bijoke, nuhgo ya lavij, nuhgo ya gûman, nuhgo ya bijokene.

Lajiv — bi berxistin a *bi* u bi pexistin a *a* yan *ya* li dû paşingê saz dibe, wek: Ez biçûma, tu biçûya, ew biçûya, em biçûna, hûn biçûna, ew biçûna.

Gûman — ji pêşingê û fermanî ya pîşk a bûn *bi-be* saz dibe: Ez çûbim, tu çûbî, ew çûbe, em çûbin, hûn cûbin, ew çûbin.

Bijoke — ji pêşingê û pêşing a pîşk a *bûn* saz dibe wek: Ez çûbûma, tu çûbûya, ew çûbûya, em çûbûna, hûn çûbûna, ew çûbûna.

Nuhgo ya lavij:Ez *ê* biçûma, tu *ê* biçûya, ew *ê* biçûya, em *ê* biçûna, hûn *ê* biçûna, ew *ê* biçûna.

Nuhgo ya gûman — Ez *ê* çûbim, tu *ê* çûbî, ew *ê* çûbe, em *ê* çûbin, hûn *ê* çûbin, ew *ê* çûbin.

Nuhgo ya bijoke — Ez *ê* çûbûma, tu *ê* çûbûya, ew *ê* çûbûya, em *ê* çûbûna, hûn *ê* çûbûna, ew *ê* çûbûna.

I Uppsala Universitets Årsskrift ha utkommit:

- Språkvetenskapliga sällskapets i Uppsala förhandlingar.* Sept. 1882—Maj 1885.
(*Utsåld.*) — Sept. 1885—Maj 1888. (*Utsåld.*) — Sept. 1888—Maj 1891.
2: 25. — Sept. 1891—Maj 1894. 2: 25. — Sept. 1894—Maj 1897. 2: 25. —
Sept. 1897—Maj 1900. 2: 25. — Sept. 1900—Maj 1903. 2: 25. — Sept.
1903—Maj 1906. (*Utsåld.*) — Sept. 1906—Dec. 1909. 2: 50. — 1910—1912.
2: 50. — 1913—1915. 3: 25. — 1916—1918. 2: 50. — 1919—1921. 4 kr.
— 1922—1924. 4 kr. — 1925—1927. 4 kr. — 1928—1930. 5 kr. —
1931—1933. 4: 50. — 1934—1936. 6 kr. — 1937—1939. 2: 50. — 1940—
1942. 5: 50. — 1943—1945. 5 kr. — 1946—1948. 6 kr. — 1949—1951. 8 kr.
— 1952—1954. 10 kr. — 1955—1957. 10 kr.
- Almkvist, H.*, Den semitiska språkstammens pronomen. 1. 1875. 2: 25.
—, Ibn Baṭūṭahs resa genom Maghrib. 1866. 2 kr.
—, Om det sanskritiska ahám. 1879. 50 öre.
- Arbman, E.*, Rudra. Untersuchungen zum altindischen Glauben und Kultus. 1922. 12: 50.
- Charpentier, J.*, Kleine Beiträge zur indoiranischen Mythologie. 1911. 3: 75.
—, Indische Erzählungslitteratur. 1. Pacceka-buddhageschichten. 1908. 3 kr.
—, Brahman. Eine sprachwissenschaftlich-exegetisch-religionsgeschichtliche Unter-
suchung. 1, 2. 1932. 4: 50.
- Collinder, B.*, Über den finnisch-lappischen quantitätswechsel. 1. 1929. 10 kr.
—, Indo-uralisches sprachgut. 1934. 3: 50.
—, Reichstürkische Lautstudien. 1939. 3 kr.
—, Jukagirisch und Uralisch. 1940. 4: 50.
—, Lappisches Wörterverzeichnis aus Härjedalen. 1943. 4: 50.
- Haldar, A.*, Studies in the Book of Nahum. 1946. 7 kr.
- Holmer, N. M.*, On some Relics of the Irish Dialect spoken in the Glens of Antrim.
1940. 4 kr.
- Johansson, K. F.*, Solfågeln i Indien. 1910. 1: 50.
—, Etymologisches und Wortgeschichtliches. 1927. 2: 75.
- Lagercrantz, O.*, Indogermanisches Prädikativ. 1933. 1: 25.
- Landberg, C.*, Étude sur les verbes فعل. Publ. par K. V. Zetterstéen. 1939. 3 kr.
—, Glossaire de la Langue des Bédouins 'Anazeh. Publ. par K. V. Zetterstéen.
1940. 10 kr.
- Leander, P.*, Ueber die sumerischen Lehnwörter im Assyrischen. 1903. 2 kr.
- Leffler, L. F.*, Några ljudfysiologiska undersökningar rörande konsonantljuden. 1. De
klusila konsonantljuden. 1874. 1: 75.
- Lewin, B.*, The Book of Plants of Abū Ḥanīfa ad-Dīnawarī. Part of the Alphabetical
Section. 1953. 27 kr.
- Löfgren, O.*, Ein Hamdānī-Fund. 1935. 2 kr.
—, Studien zu den arabischen Danielübersetzungen. 1936. 6 kr.
—, Ambrosian Fragments of an Illuminated Manuscript containing the Zoology of
al-Ǧāhīz. With a Contribution: »The Miniatures: their Origin and Style» by
C. J. Lamm. 1946. 5 kr.

- Nordling, J. T.*, C. J. Tornbergs Korânöfsversättnings granskad. 1876. 1 kr.
—, Den svaga verb-bildningen i hebreiskan. 1871. 1 kr.
Nyberg, H. S., Studien zum Hoseabuche. 1935. 5 kr.
—, Texte zum mazdayasnischen Kalender. 1934. 2:75.
—, Hoseaboken. Ny översättning med anmärkningar. 1941. 1:50.
Persson, P., Wurzelerweiterung und Wurzelvariation. 1891. 6 kr. (Utsåld.)
Ringgren, H., Fatalism in Persian Epics. 1952. 10 kr.
Rundgren, F., Intensiv und Aspektkorrelation. Studien zur äthiopischen und akkadischen Verbalstammbildung. 1959. 30 kr.
Ruong, I., Lappische Verbalableitung dargestellt auf Grundlage des Pitelappischen. 1943. 10 kr.
Rönnov, K., Trita Āptya, eine vedische Gottheit. 1. 1927. 6:50.
Seligmann, J., Prooemium et specimen lexici synonymici arabici Attha'ālibii. 1863. 80 öre.
Smith, H., Inventaire rythmique des Pūrva-Mīmāṃsā-sūtra. 1953. 15 kr.
Säve-Söderbergh, T., The Navy of the Eighteenth Egyptian Dynasty. 1946. 5 kr.
Wickman, B., The Form of the Object in the Uralic Languages. 1955. 15 kr.
Widengren, G., Hochgottgläube im alten Iran. 1938. 13 kr.
Wikander, S., Recueil de textes kourmandji. 1959. 10 kr.

Pris 10 kr.

